

*BAROETSANA BA LESHOME,
LE BAJUDA BA
LIKE-KHOLO MASHOME
A MANE A METSO E MENE*

 Lumelang hoseng. Ke thabo ho khutlela mona hoseng hona tšebeletsong ea Morena. Boemo ba leholimo bo bobe ka ntle, empa, oh, bo botle ka hare. Khetlong lena re ka re ho molemo ho ba kahare re shebile kantle (hase eona?) . . . ho ema kantle re shebile kahare.

² Ke phomotse hamonate bosius ba maobane 'me ke betere haholo hoseng hona. 'Me re bile le nako e monate maobane bosiu, ha ho joalo? Nako e monate feela! 'Me ke ananela seo. Ra ba le . . . tšebeletso ea batla e itšoanelia le ea tlase Shreveport, e batla e le—e le tsoelliso ea Moea o tsamaeang hantle feela. Uh-hum. Re thabile haholo 'me re leboha Molimo ka molemo oa Oona le mohau, le bakeng sa ntho ea lona . . . lona batho ba O nehelang meeaa ea lona ka tšebelisano O tle o re etelle pele le ho re tataisa.

³ Le a bona, ha bamameli ba hau ba khobohelo, Moea o Halalelang o a sitoa le ho senola feela. U loketse ho fumana ntho, e sebetsang 'moho. "Ba ne ba phuthehile tulong e le 'ngoe ba le khopolo e 'ngoe," ha ntso utloahala molumo o fokang o tsoa Leholidong. Le a bona. Empa ha u fumana . . . Ho sa tsottelehe nka rapela ha kae, 'me ke qeta motše-hare le bosiu ke bala ke rapela pel'a Morena, ho theohela mona, mohlomong tlolo ena e lutse holima ka, ho nyolohela mona le ho utloa khanyetso eo, le a bona, O—O mpa feela . . . e Mo soabisa hang-hang, A ke ke a senola letho. Empa ha u kena mona tlasa tlolo 'me u utloa bamameli ba hau ba lutse tlasa tlolo, ke mohla Moea o Halalelang o qalang o sebetsa, 'me O qala o tsamaea o re etsetsa lintho tse kholo. Ka hona, le a bona?

⁴ Le joale ha ke e-so bue le moruti ka . . . Ke utloile *Lumela Feela* eaba ke titimela kahare le ho bona—ho bona seo a neng . . . a se lekantse hoseng hona. Joale, Moena Neville, ke tla u bolella taba, Ke tla qala ka sehlotsaana sena 'me ha nka qeta ka bo leshome le motso o mong, ke botle, u ka nka mosebetsi oa qala oa rera. Ho joang? [Moena Neville o re, "E, u se ke oa sitisa tlolo efe, tsoelapele feela."—Mong.] Oh, ke lumela ho tlolo morao mona, hape, le tlolo morao mona hape. Ke a . . .

⁵ Moena Neville haesale . . . Ho baeti mona ba e-song ho fihle mona, ke e (ha ke bue pel'a hae, empa) ke motho ea mosa, haesale a le joalo. Kamehla o bala seo—seo . . . ho phela Lengolo leo, “ho hlomphana,” ka ho Kreste kamehla le ho *hlomphana* kamehla. ‘Me esale ke mo tsebile a le joalo; hase ho tloha a fihlile mona tabernakeleng, empa esale ke mo tsebile ’me ebile lilemo tse ngata tse fetileng. Ke kholoa lekhetlo la pele ha ke bona Moena Neville, ho mo tseba, e le mohla ke theohileng ka mo utloa a rera tlase kerekeng ea Methodise, eena . . . tlase Howard Park, lilemong tse ngata, ngata tse fetileng. Ekaba, ke a kholoa, lilemo tse mashome a mabeli (ke a kholoa) tse fetileng kapa ho feta esale ke mo tsebile. Eaba o . . . ‘me e ne e le . . . o sebelitse, hape, o a . . . Oh, kea kholoa, morao-rao tjena, esale a sebetsa mono merung le linthong holimo, Henryville, moo a tsoang teng; ‘me a sebetsa ho iphelisa, a rera kathoko. Ke phetse bophelo ba ka joalo le ’na, le hona, ho fihlela morao tjena, re thakhohile ha re sa khona ho etsa letho haese lena. Ka hona ke a e thabela. Ke thabetse Mookameli oa rona e mocha, lona ha le joalo, Moena Neville? E, monghali! Ke a Le rata ruri. E, monghali. Ke khotsotfetse haholo ka Eena!

⁶ ‘Me joale kea kholoa ba tla hlakola ditlelase tsa sekolo sa Sontaha. E. Ttelase ea bana ba sekolo sa Sontaha, ba tla e hlakola ka lebaka la malulo . . . ho ntšitsoe mabota, ho lumella kereke ho chechella morao hantle.

⁷ Joale, bosiusg bona re tla nka mongoaha o moholo oa ho qetela oa sena, Laodisea. ‘Me maobane bosiu re nkile mongoaha oa Filadelfia ‘me ra tla ka mona qalong ea mongoaha oa Laodisea ho qaphana. ‘Me e ntano ba liphiri tse kholo tseo Molimo O qalileng o re senolela tsona mahareng a mengoaha eo, “Monyako o butsoeng,” le “matlanyana” “oa tiisetsa Lentsoe la Ka,” “ho nka Lebitso la Ka.” Linthoana tseo tsohle tse ka mono, kamoo Molimo o re etselitseng lintho tse makatsang, etsoe rona, re li leboha haholo.

⁸ ‘Me le se ke la lebala, baeti ba nang le bakuli ha ba le teng hara rona, re tla rapella bakuli Sontaha se tlang, veke ho tloha kajeno. ‘Me e tla ba . . . ha Morena a rata. ‘Me e tla ba . . . Na le hlokomela kamoo ke ratang ho e beha “Ha Morena a rata”? Bibele e re laela joalo, “ha Morena a rata.” Ha re tsebe le joale; ha A e-so mpolelle hore ke tla ba teng mona, le hore kereke e tla ba teng mona, le hore bohle re tla ba teng mona, kapa eng hape. Joale haeba e le thato ea Oona, re tla ba teng mona, le a bona. Haeba e se thato ea Oona, ehlide, re ka sitoa.

⁹ Moena Neville o tla e tsebisa khafetsa khasong ea hae, le ba fapaneng, Ke a kholoa, moena mona le ba nang le khaso. ‘Me ha le khona le the hoseng ka Sontaha hoseng, hobane mona re shebeletse letšoelle le tlamehang ho rapelloa, ‘me re batla ho kena. Re tla . . . be, ha re boneng, ke . . . Haeba letšoelle le le leholo hakana, kamehla ho molemo ho hlophisa litlankana tsa thapelo hobane ba hatellana haholo, u mpa feela . . . ba sututsana

le lintho tse joalo. Ke nahana hore haeba u e laola ka taolo ho tlisa a le mong ka nako e etsa...e kokobetsa pherekano hara batho, le a tseba.

¹⁰ 'Me—'me ebe feela... Ebile ha u a tlameha le ho ema pele setlankana sa hau se bitsoa. Lula feela moo u leng teng haeba u kula 'me u ikutloa u se monate, 'me ha u hloke le ho ema moleng o molelele. Haese ha setlankana sa hau se bitsoa, nyoloha hantle feela u rapelloe u ntoo lula, 'me e mong o a nyoloha, joalo. Ke rata hoo haholo ho feta. Ka tloaelo ke laela bashanyana ho beha setulo, haeba motho a se monate ha a eme, ho bitsa ba 'maloa ka nako; ba ikutloa ba le babe, khele, ho ba tlohela feela—ho ba lulisa setulong sa bona ho fihlela... kapa ho lula setulong ho fihlela palo ea bona e bitsoa, ho fihlela ba ka rapelloa.

¹¹ 'Me ke lumela pholisong ea Khalalelo; ke e 'ngoe ea lithuto tse kholo tsa Bibele. Empa pholiso ea Khalalelo e fupere ho fetisang pholiso ea Khalalelo feela. Pholiso ea Khalalelo empa e re feela "ho na le Molimo o tlang hape." Pholiso ea Khalalelo e bua ka eng? Ke tebeletso ea tsoho ea rona. Haeba pholiso ea Khalalelo e le sieo ekabe'ba tsoho ha e eo, le a bona. 'Me haeba Moea o Halalelang joale o le sieo ho re kolobetsa, ha ho Bophelo Bosafeleng lefatšeng le tlang. Bibele e boletse, "Ena ke tebeletso ea pholoho ea rona." 'Me na le tseba seo *tebeletso* e leng sona? Ke "peeletso," le a bona. Haeba u theoха u lefa... Ha re re u rekile polasi, ba e battlela didolara tse likete tse leshome, u ntoo lefa likete tse peli, eo ke chelete "tebeletso" ea hau, ba e bitsa tebeletso ea eona. Joale, haeba kolobetso ena ea Moea o Halalelang e le tebeletso ea se tlang ho tla, oh, ho tla ba joang mohla re—mohla re ruang theko e tletseng? E tla khanya!

¹² Joale, hoseng hona re tla leka ho hokanya, ha Morena a ratile, tse ling tsa lintho tseo, tsa... mahareng a mongoaha ea kereke (tsena hantle *mona*) ntho e teng e kenang lipakeng. *Likete tse Makholo a Leshome le Metso e Mene le Metso e Mene, Masala, Moroetsana ea Robetseng, Moroetsana ea Bohlale, le Tiiso Ea Moea o Halalelang, Ho Tšoaea ha Sebata*, lintho tseo tsohle feela... Ke pheletso ea mongoaha, 'me ntho eohle e khohlela malulong a le mang hantle mona, ka hona re ka lokela ho qeta mariha kaofela feela ho e ntša, empa re... ho nka Buka ea Tšenolo, ho bona kamoo E lohanang 'moho.

¹³ Na le hlokometse? Tsoelopele e haotse ka ho tšoana, Mongh. Wood. Ke e... Enoa, lithokutlo tsa motho li sa ntse li tšoana, o na le lithokutlo tse tšeletseng, kapa kutlo tse hlano, ke rialo, o bile le tsona ho tloha a—ho tloha a fihlile lefatšeng lilemong tse likete tse tšeletseng tse fetileng. Empa hantle mona ho sa ho qetela, kotoana sa ho qetela feela, lilemong tse lekholo tsa ho qetela... Khele! A khutla, morao mono, a le lenama a eta ka koloi ea lipholo. Empa ho tloha ho koloi ea lipholo, lilemong tse lekholo tse fetileng, o tlohile ho koloi ea lipholo ho ea ho e—e rokete e haolang ka limaelea tse ka bang likete tse peli ka hora.

O ekelitse sekhahla hakaalo, ho tloha koloing ea lipholo ho ea ho rokete. 'Me, bonang, e hlahile lilemong tse 'maloa tse fetileng, khele, ha se le lilemo tse mashome a mahlano tse fetileng.

¹⁴ Mohla ke leng moshanyana holimo mona Utica Pike, ba e na le ntho ea khale . . . mothaka ea bitsoang Elmer Frank a lula ka mona. E ne e le 'muelli oa molao. O ile a nyala leleiti holimo tseleng moo ntate a neng a sebeletsa—a sebeletsa ntatae, lebitso la hae e le Lusher. 'Me ba . . . 'me a e-na, le koloi ea mofuta; e ne e-na le mokrenke, o e pota ka lephakong o e sotha *tjena*, 'me e e na le gere e le 'ngoe feela. 'Me u kentse e—e hutara ea rabarahali, u e bulula *joalo*. Ba re, "Ha thoe ntho eo e lebelo le tšabehang la limaele tse leshome le metso e robong ka hora." Joale, eaba Papa o theoha a tšela lehlabatue kahara koloyana, le ho—le ho e nyolollela mono a laele mekotla ho e hatella fatše, ho bona haeba e ehlile e matha limaele tse leshome le metso e robong ka hora. Le a bona? Empa holane la bona litsela, uh-huh; e ne e matha feela tse ka bang leshome ka *mona*, le tse robong holimo-le-tlase ka *mona*. Le a bona? Ha ho e kopanya, o thola limaele tse leshome le metso e robong ka hora.

¹⁵ Ke sa hopola rona bana kaofela, 'Mè o ne a re hlatsoa kaofela, re ka ba bahlano mohlang oo, re ne re leketla terateng eo ho e mamela. Re e utloa e tla, limaele hole, tlase mona, e roo, roo, roo, roo. Mang le mang a tšoare lipere tsa hae, ke ne ke tsoa kariking ke li khina, ho li tšoara *tjena*, le a tseba. Ntho eo e nyoloha katsela, khele, e ne e le ntho e tšabehang. 'Me—'me ha ke nahana feela, ke morao koana, ke batla ke le lilemo li supile, le a bona. Joang . . . Mono e ka ba ka 1914, nahanang kamoo lintho li fetohileng haesale. 'Me le a bona, 'me e batla e le lilemong tsa ho qetela tse mashome a mane kapa ho hong. 'Me, le a bona, o khonne ho finyella hoo lilemong tse likete tse tšeletseng hantle mona, hobane Bibele e boletse a tla etsa joalo, "Mehleng ea bofelo, ba tla matha ba e-ea ba boea, 'me tsebo e tla eketseha."

¹⁶ Na le kile la nahana ka Nahume, mohlang oo o—o bone Outer Drive mane Chicago, lilemo tse likete tse 'ne tse fetileng? Na . . . O itse, "Li tla khehlemana mebileng e batsi." Hona joale . . . Ke tsoa linaheng tsa khale teng ba na le . . . literata tsa bona li joaloka tsa Oslo le libakeng tse fapaneng, ho batla ho se sebaka sa ho tsamaea, e boholo feela hoo lumella e—e koloi ea ntoa ho haola le metse ea bona feela. Empa e ka ba bohole ba ho tloha mona ho ea leboteng leo, literata tsa bona li pharalletse hakaalo feela, e pharalletse hoo koloi ea ntoa e ka haolang seterateng. Be, le a bona, Nahume o itse, "E ne e le litsela tse batsi." 'Me o itse, "Li ne li lelemela joaloka lehalima," likariki tsena. "Me eka lirumula," ao ke mabone a tsona. 'Me a re, "Li ne li khehlemana," likotsi tsa makoloi. Moporofeta eo o ile a phahamela nako a sheba hole ka mono, lilemo tse likete tse 'ne, 'me o e bone e fihla. E nahaneng! Uh-hum. Pululelo.

¹⁷ Empa re nakong ea qetelo, metsoalle. Ke feela . . . Le Lengolo le joalo, haele moo lintho tsena tsohle li etsahala, Mangolo ohle a robetse ka mona hantle nakong ena ea qetelo hantle ka mona. 'Me ka nahana, hoseng hona, ha Molimo o ka re thusa, re tla lohanya lintho tsena, tse ling tsa lintho tsena kahare, boholo boo re ka bo khonang. 'Me bosiung bona ke mongoaha o moholo oo oa ho qetela, oa kereke ea Laodisea, kamoo e amohelang Molaetsa oa eona ebe e tsoela pele e iphapanya Molaetsa oa eona, Ho kena hantle feela maemong a fofo ao Molimo o e hlatsang molomong oa Oona. Le a bona, ka mantsoe a mang, e Mo kulisa ka mpeng ea Hae le ho e nahana. "Ke tla u hlatsa molomong oa Ka," O boletse.

¹⁸ Joale, ke na le Mangolo a ngotsoeng mona ao ke ratang ho lebisa ho ona hoseng hona. Empa kea ipotsa haeba re ka thatafalloa, motsotsoana feela, ho ema bakeng sa lentsoe la thapeloa:

¹⁹ Ntata rona ea mosa oa Leholido, e re re sa khutla hape hoseng letsatsing lena la Sabatha. 'Me kantle, lipula li qalile li a tšoela, 'me ho foka moea o batang o maruru; empa re thabetse ho ba le marulelo holima hlooho tsa rona kajeno, re na le tuloana, le sechaba moo re ka tlang ra rapela Molimo ka mokhoa ofe oo letsoalo la rona le re bolellang ho khumama.

²⁰ Joale rea bona Lentsoeng la Hau hore ho ke ke ha ea halelele, ka hona, Ntate, re rapela hore U re tlotse haholo-holo kajeno hore re tle re fole molemohali oo re lokelang ho o fumana ka sena, le ho itokisetsa lihora tse larileng kapele mohla re tla sitoa ho etsa sena. Ha re tsebe ho tla tsoella hakae, ekabanakong ea liveke, likhoeli, kapa lilemo, ha re tsebe, empa ka mohla o mong re tla sitoa ho etsa sena. Kahoo re a rapela, Ntate, hore U re baballe tlasa tataiso ea Hau e Khethhehileng, le mehopolo ea rona e nahane ka Uena, 'me mehopolo ea lipelo tsa rona e amohelehe pel'a Hau, oho Morena.

²¹ Tšoarela libe tsa rona. Re kopa joalo re sa ipolela tsona ho Uena, re re re entse sebe re fapohile Tsela. 'Me ha re a lokela ho bitsoa ba Hau, re mpe re etsoe bahlanka ba Hau ba thapuoeng, Morena. 'Me re tla ikemisetsa ho etsa sefe seo U re laelang ho se etsa, mosebetsi ofe oo re o fuoang. Re ikemiselitse ho o etsa, feela re amohele 'Musong oa Hau, Morena; re tle re sebetse mona, horenge kholo e tšabehang e tjametseng le lefatše.

²² Re hlohonolofatse joale ka Boteng ba Hau, ho re ruta ka Moea oa Hau o Halalelang, le ho ithuela khanya ka ho ba mona hammoho. Hoba re e kopa ka Lebitso la Jesu. Amen.

²³ Joale ke rata joalo, pele, ke rata ho ela e mong le e mong oa metsoalle ea ka mona hloko, haesale ke shebile hoseng hona. Ho thata haholo mona nakong ea bosiu, mabone a rona kamorao libakeng tseo tse tlase ha a bontše batho hantle. 'Me ho batla ho le thata ho bona ho tsoa sefaleng sena bosiu, le motše share ho joalo. Ke bona metsoalle ea rona e mengata e tsoang libakeng tse

fapaneng tsa naha, nka ba ela hloko hantle kajeno ho feta nakong ea bosiu. Ba bangata haholo ho leka ho ba bitsa bohle, empa ke batla ho le tsebisa hoba ke hlile ke a le ananela. 'Me kamora ho ruthutha hona hohle le joalo-joalo, kamoo ke ileng ka tlameha ho etsa ka Mangolo, ho etsa...ho tlisa 'Nete. Hase hobane ke batlile ho etsa joalo, empa e le seo Molimo o se ngolileng mona ho etsoa, le a bona. 'Me ke Eona. 'Me koana ke bona baena'beso ba bangata bona e le litho tsa mekhatlo le joalo-joalo, ba lutse le 'na hantle, ke hlile ke a le ananela, haholo. Lona...Thapelo ea ka ke hore Molimo a le hlohonolofatse kamehla a le thuse.

²⁴ 'Me joale...[Moena Stricker o re, "Moena Branham?"—Mong.] E, moena. ["Ha kereke e ka ntumella ho buella batho bohle mona, re batla u tsebe hobane re a u ananela."] Ke a leboha, Moena Stricker. ["Me re a u rata."] Ke a leboha, Moena Stricker. ["Me re rapelisisa mohau ho feta hara lintho tseo u ka tlamehang ho feta hara tsona, ho ema lelphakong la hau."] Ke a leboha, Moena Stricker. [Phutheho e re, "Amen!"] Kea leboha, kereke, ke taba e hlabosang ho rialo. Ke e ananela haholo.

²⁵ Motha o buile maobane bosiu ka...Ke a kholoa ke Moena Fred ea ntetselitseng a bua ka pono kapa toro eo moena a e lorileng, o e phethile pele tsamaea maobane bosiu, ho mpona kobamong ea lefatše 'me lero le letšo le hahaba kamorao. Ke a tseba hoba le ntšala morao. Empa seo...ha feela...a—a ke ke a khona pele Molimo o qetile, ebe—ebe ke—ke...nako ea ho tsamaea ha ka e tla be e tlide. Kahoo...

²⁶ Empa ke—ke hopola sena, ho "se iphahamise le ka mohla." Che, ha ke batle joalo, le a bona. Empa ke hopola *Pesalema Ea Bophelo*:

Maphelo ohle a banna ba linatla a re hopotsa
 (Ho bona, seo Pauluse a se entseng, seo Irenease a se entseng, seo Luther a se entseng, seo Wesley a se entseng, kapa seo Santa Martin a se entseng, le seo ba se entseng.)

'Me maphelo ohle a banna bohle ba linatla a re
 hopotsa
 Re ka phethisisa maphelo a rona,
 Ka likarohano, ra siea
 Mehlala lehlabatheng la nako;

Mehlala, eo fale ho e mong,
 Ea sesisang leoat leng le maima la bophelo,
 (Hoba ke falle, le a bona, ke iketse.) Moena ea
 lelerang a robe'tsoe ke sekepe (a thonake e
 n'ngoe ea libuka tsena a bale),
 Ka ho bona, a boele a khotiale. (Ke eona.)

A re raoheng, joale, re sebetse;
 Ka sebete nqa efe . . . qabang, (ke a e rata, lona
 ha le joalo?)
 Se keng likhomo tse limumu, tse qhojoang (li
 tlameha ho qophelloa);
 U mpe u ba mohale ntoeng! (Ke—ke rata seo.)

²⁷ Joale, moenanyana oa rona, George, o ne a rata e 'ngoe; ke
 e phethile lepatong la hae. Re ne re tloaetse . . . Ke ne ke lula ke
 ntano thothokisa *Pesaleme ea Bophelo*, le a tseba, le ho lula a
 pheta *Ho Tšela Moeli*. Le a bona? 'Me le e utloile:

Bolikela-tsatsi le naleli ea mantsiboea,
 Le pitso e esi e hlakileng e mpitsang!
 Ho se ke ha tletlejoa koana moeling,
 Mohla ke tsoelang leoatleng. (Le e utloile
 hangata.)

Hobane tsohle kantle li laoloa ke nako le
 sebaka,
 Leha meroallo e nkohohola e nkisa hole,
 Ke tšepile ho bona sefahleho sa Moqhobi oa ka
 Mohla ke tšetseng moeli. (Ke a kholoa o e entse
 mohla a tšetseng moeli.)

²⁸ 'Me ka hona . . . ea ka ke:

Likarohano li siea kamora ka
 Mehlala mahlabatheng a nako,
 Ba bang, ha ba bona, ba latele,
 Ba klothale ba tsoelepele.

²⁹ Hobane, ka letsatsi le leng le leholo Jesu o tla fihla ('me ke seo
 re tla ithuta sona hoseng hona), ho tla be ho felile mohlang oo.

³⁰ Joale, ke ile ka nahana hoseng hona, haele moo re ke ke
 ra khona melaetseng ena ea kereke . . . Joale, mohlomong, ha
 Morena a ratile, kapele, nka hlophisa likopano tsa letoto holima
Kereke ea 'Nete le ea Bohata, ho tloha koana ho Genese, le ho e
 fetisa Bibeleng 'me re tla haola le Tšenolo re e theole. Likereke
 tse peli tseo, feela seo li tlang ho se etsa. 'Me mohlomong ka tsatsi
 le leng ha re . . . ha Morena a ratile, re tla haha kereke e le hore re
 eketse malulo . . . U tla makalla bongata bo letsitseng bo rialo; ba
 feta ba khanna feela 'me ba bona ho tletse, ba ntano ikela feela,
 le a bona. Kahoo ba . . . ha re na sebaka.

³¹ Mme ha re re lehla- . . . nakong ea lehlabula ha ho chesa
 haholo kapa ho hong, moo re fumanang jimi ea sekolo se
 phahameng kapa ho hong, ho tla ba hotle, ho nka Buka ea
Tšenolo mohlang oo, kapa ho hong, kapa Buka ea Daniele le
Tšenolo, le ho e tlamahanya 'moho hore re tle e fumane.

³² Joale, ha re eso sebetsane le batho ba Bajude. Bajude ba
 ne ba . . .

³³ Joale, joaloka ha ke boletse, ho—ho Mongoaha o Lefifi oa 1500, bolaoli ba Katolike, mohla ba neng ba thea, ba kopantse kereke le 'muso eo e ne e le "ka morao ho lilemo tse sekete." Ba hopotse ruri ba kene—ba kenetse Lilemo tse Sekete hobane kereke e ne e fumane moemeli oa eona, ea kang Kreste ho lula teroneng. 'Me e tla kopanya kereke le 'muso, tsohle li se li lokile, ha thoe "Lilemo tse Sekete tse kholo li thoasitse." Ba sa ntse ba lumela seo. Empa ke phoso. Hobane Lilemo tse Sekete li ke ke tsa fihla, li ke ke tsa kena, Kreste a sa ka a fihla.

³⁴ Kreste o khutlisa Lilemo tse Sekete, Ke Mora oa nala; 'me mohla A tlang, lilemo tse sekete li tla thoasa. 'Me ha li fihla, Hloibilo ea Kereke e tla nyoloha, e ntano ba ho khutla ha Kreste. 'Me le hopole joale, mohla . . . Hoba re shebeletse hofe ho latelang? Hloibilo ea Kereke.

³⁵ Joale, le se ka la lubakanya Hloibilo ea Kereke le Kahlolo ea Terone e Tšoeu. Hobane, Hloibilo ea Kereke, ha ho kahlolo, le a bona, u se u kopane le eona tlase mona. Ke hantle, "Hobane ba leng ho Kreste ha ba ahloloe." Jesu o itse, "Ea utloang Mantsoe a Ka 'me a lumela ho Ea Nthomileng o na le Bophelo Bosafeleng 'me a ke ke a tla kahlolong, o mpa a tlohile lefung ho kena Bophelong."

³⁶ Hoo re ho etsa joang? Re kena ho Kreste 'me re kolobeletsoa 'Meleng o le mong, Bakorinthe ba Pele 12, "'Mele o le mong." Re kolobeletsoa 'Meleng oa Jesu Kreste, 'me Molimo o se o ahlotse 'Mele oo. A ke ke a re emisa kahlolong hape, hobane O se a ahlotse 'Mele oo. 'Me ka tumello le ka mohau oa Kreste O re kenya ka ho oona ka Sebele, Bakorinthe ba Pele 12, "Ka Moea o le mong re kolobetsoa bohole 'Meleng o le mong oo, 'me re lokolotsoe likahlolong tsohle hobane O kile a emela likahlolo." Oh, na ha le Mo lebohe! O nkile likahlolo tsa rona. Ha ho sa na kahlolo! Empa ba hanang ho kena ho Eena, 'Mele oo, 'Mele o mohlolo . . . Re kena joang ho Oona? Ka ho tsukutlana ka matsoho? Che. Ka lengolo? Che. Ka kolobetso ea mofuta, metsi? Che. "Ka Moea o le mong, Moea o Halalelang, re kolobeletsoa bohole 'Meleng oo!"

³⁷ Joale hopola, re tla sebetsana le eona hanchoncho hoseng hona. Ukahara 'Mele oo kapa u kantle ho 'Mele oo, ha ho sekotoana se lipakeng sa Oona. Ha ho Bakreste ba batlang ba le batlenyana. 'Me—'me mono . . . le Bakreste kapa ha u Mokreste. Ha ho nonyana e ntšo-tšoeu, ha ho monna ea hilaphohetsoeng-eatahiloeng. U ke ke oa e fumana. U Mokreste kapa ha u Mokreste. Ukahara Kreste kapa u kantle ho Kreste.

³⁸ Joale, lintho tsena ekare thuto, ha ke joalo . . . Ke hole haholo le ho ba mosuoe. Empa thuto ke ho hlabaka, ke neo eikhethang kahara e—e 'Mele oa Kreste. Pele ke baapostola, e be baprofeta, e be baruti, le babobel, balisa; lineo tse hlano tsa bosebeletsi 'Meleng. 'Me ho ruta ke e 'ngoe ea lineo tsa Moea. Joale, ke tlameha ho tlamahanya seo ke bonang se nepahetse ke ntano

leka ho se tlisetsa batho, le ho bala le ho kopanya Mangolo 'moho. Joale, empa ke ka ho Kreste feela, 'Mele oa Kreste o tla hlomphuoa.

³⁹ Joale, likhaolo tse tharo tsa pele tsa Tšenolo li sebetsana le Kereke. Balichaba, Bajuda, Baethiopia, Maafrikanse, mofuta o mong le o mong oa batho lefatšeng o kena ho Balichaba ho bopa 'Mele ona; botšo, bosoeu, bosootho, ntho efe le efe, ke lesihla la lipalesa, 'me ke hantle, leo Molimo o le hlomang aletareng ea Oona; 'me lona le bopiloe ke lichaba tsohle, mefuta, lipuo, le batho.

⁴⁰ Empa, joale, hoba u furalle khaolo ea 3 (Mengoaha ea Kereke mona), Molimo o khutla ho thonaka Bajuda, Kereke ha e hlahelle mehleng eo. Ke Bajuda. 'Me Molimo ha o sebetsane le Bajuda ka bomong, O sebetsana le Iseraele joaloka sechaba, kamehla joaloka sechaba.

⁴¹ Motho o e buile letsatsi le leng. Ke—ke tšoere mangolo a mangata a eona, *Borapeli Lenyalisoa*, nkile ka tšoaela ka bona koana... Bibele e tlalehile ngoana matšeо, ea bitsoang "ngoana bonyatsi," a ke ke a kena phuthehong ea Morena ka meloko e leshome, e leng lilemo tse makholo a mane moo ngoana oa matšeо a neng a ke ke a kena phuthehong ea Morena. Ho hoelisa lintho ho nyarosa hakaalo; e ne e le mosali ea lumellang monna e mong ho phela le eena ho tsoala ngoana, ngoana eo e le lebasetera, le sa tlang ka ntatae empa ka monna e mong. Le a bona? 'Me e le bobe bo bokaalo pel'a Molimo, ho qositse meloko e leshome ho e tsoala bocha hape, pel'a Molimo.

⁴² Empa ha e sebetse mongoaheng ona. Hona joale u Tsoaloa bocha. Ha ba... Morao mono tsoalo ea bona e ne e le 'ngoe, e ne e le tsoalo ea tona-tšali. Re na le Tsoalo ena e ncha joale e leng ea moea, e hlakolang ntho eohle. 'Me re libopuoa tse ncha ho Kreste Jesu, ho tsoaloa hape ka Moea oa Molimo. Libopuoa tse ncha! Lentsoe *sebopuoa*, ho lõna litsebi tse utloisang mona (Haeba u sa khone, u ka le hlahluba.), *sebopuoa* le tsoa lentsoeng la Segerike la "popo e ncha." Oh, joalokaha u le sebopuoa mona, u tsoetsoe ka tona-tšali; joale u sebopuoa se secha, u tsoetsoe Seleholimō. Ea... ho tsoalloa põpong e ncha ea Molimo ea motho e mocha. Popo e ncha, Tsoalong. Empa e ka khona e be tsoalo, ruri joalokaha tsoalo ea tlhaho e hlokeha; Tsoalo ea moea e hlokeha hakaalo ka tsoalo ea tlhaho.

⁴³ Banyalani ba bacha ba ka chata ba re, "Letsibolo la rona la moshanyana, re tla mo rea 'John.'" Haeba a sa tsoaloe, John ha a eo mona. Ke phetho. Ho a tšoana, u ka 'na oa... u ka ikatela ka litšomō tse ngata tsa Leholimo, boholo ba lona, ha u sa tsoaloa labobeli u ke ke oa ba teng mono. Ke phetho, le a bona. E ka khona ho be joalo feela, hobane eka khona e be Tsoalo. Molimo o ralile melao ea Oona 'me tsohle li sebetsa ka melao ea Oona. Le a bona?

⁴⁴ Joale, linthong tsena, ho na le masalla a Bajuda a tla bolokeha. 'Me re tla nka oona pele, hobane a beha... Joale, kamehla lihlopha tsa batho li tharo ka linako tsohle, khafetsa. 'Me u baballe... li hopole kelellong, tsona ke: e—e molumeli, molekisa-molumeli, le mosalumele. Boraro boo bohle. Hape ho be le Mojuda, ea lahliloeng ho re suthela monyetla; ho be le kereke e fofo; ho be le Kereke e tletseng-Moea.

⁴⁵ Khetlo le leng Charlie Bohanon mopresidente oa... kapa superintende oa mabatooa a boroa a Public Service Company, mehleng eo ke ne ke ba sebeletsa. Mehleng eo ke ntse ke ithuta Mangolo, ke le moshanyana. 'Me a re, "Billy, mang kapa mang..." A re, "Johanne o tlamehile a be a ne a jele pepere e khubelu 'me a tšoara ke sesitahlohoana ka ntle mane—mane sehlekehlekeng sa Patmose."

⁴⁶ Ka re, "Mongh. Bohanon, u ne u sa tšoanelo ho rialo." E ne e le mong'a ka, moetapele.

A re, "Be, ke mang lefatšeng ea ka utloisisang Seo?"

Ka re, "E a utloisisoa. E tla utloisisoa mohla Moea o Halalelang o e itokiselitseng ho E senola." Ke hantle.

⁴⁷ 'Me a re, "Oh, banna!" A re, "Ke lekile ho E bala le moruti oa heso a leka ho E bala," a re, "ra hla ra rarahana hampe." A re, "Re khaoelitse e—e Monyaluo a eme Thaba Sinai." Le a bona? Le ho re, "Ra ntoo fumana Monyaluo le drakone e phusalatsang metsi molomong oa eona, ho loantsa masalla a peo ea mosali. Ra ntoo fumana Monyaluo holimo Leholidong. Boraro ba bona, ka nako e le e 'ngoe."

Ka re, "Mono ke ha kutloisiso ea moea e le sieo." Le a bona?

A re, "Be, ke bao moo ba leng teng, kaofela ha bona... ba bararo ka nako e le 'ngoe."

⁴⁸ Ka re, "E, monghali, empa ba ne ba sa hlophisoa joalo. U a bona, uena u bitsitse ba likete tse lekholo le mashome a mane a metso e mene 'Monyaluo,' athe e ne e se bona; e ne e le Bajuda. 'Me bao drakone e phusalitseng metsi molomong oa eona ho loana le bona e ne e le masala, masalla a peo ea mosali e leng ba ileng ba boloka melao, 'me ba be ba e na le bopaki ba Jesu. 'Me Monyaluo o ne a le Khanyeng." Le a bona?

⁴⁹ Likete tse lekholo le mashome a mane a metso e mene, khaolo ea 14 ea Tšenolo, li ne li eme Thaba Sinai, (Ke 'nete hantle feela.) Ba na le Lebitso la Ntata bona phatleng tsa bona. Ke hantle haholo. Mojuda, masalla a Mojuda.

⁵⁰ 'Me eaba mona ho fihla drakone, bolaoli ba Roma. (Athe, Kereke bo-Eona e ne e hloibitsoe, e ne e le Khanyeng Selallong sa Lenyalo sa lilemo tse tharo le halofo.) Eaba drakone, le a bona, drakone kamehla ke "Roma," drakone e khubelu. Joale ho le netefaletsa eona, ho—ho Tšenolo 12, drakone e ne e halefetse mosali ea neng a tla tsoala Ngoana e motona ea tla busa lichaba

tsohle ka lere la tšepe, eaba e phutsalatsa metsi molomong oa eona 'me... kapa—kapa ea loantša masala a peo. Empa drakone e khubelu, pele, ea koka pel'a mosali enoa. Eareha mosali a le makhatheng a ho beleha Ngoana enoa, e tla metsa Ngoana eo hoba A Mo belehe. Joale, ke mang ea kileng a ema pel'a kereke ea Iseraele (mosali Iseraele), ho metsa Ngoana oa hae (Jesu) hang hoba A hlahe? Roma! Heroda o phatlalalitse ha thoe—ha thoe mang le mang a bolaee ngoana e mong le e mong ho qala ka ba lilemo li peli ho ea tlase, eaba ho hlabakoa bana ba Baheberu na ha bophara. Eona ntho e entsoeng ke Faro ho tšoara Moshe, e ne e le papiso ea Hae, ho hlabaka bana bohole 'me a mo fosa. Oh—oh—oh, Molimo o tseba ho ba pata.

⁵¹ Oh, ha u thabe ha u patiloe? Oh, setšabelo sa ho ipata! Bibebe e boletse, "Ka hona le mpe le itemohe le shoele le bophelo ba lona bo le ka ho Kreste, bo patiloe ka ho Kreste le ho tiisoa ka Moea o Halalelang." Diabolosi o sitoa ho u fumana le haeba a ka tlameha. O mpa a sa khone feela, u a bona. U patiloe ka ho Kreste! Ho itemoha u shoele! 'Me maphele a lona a patiloe ka ho Kreste, le patuoe ka ho Modimo ka Kreste, le ho tiisoa ka Moea o Halalelang.

⁵² Joale, joale, masala ana e ne e le moroetsana ea robetseng; o ile a phusalatsa metsi molomong ho loana le masala a peo ea mosali. Joale, masala ke eng? Joale, mono u—u loketse ho kopanya lipapiso tsena 'moho joale. Kereke e teng e leng kereke ea *tlhaho*.

⁵³ Ke tla... Mohlomong nka e taka mona ka e hlakisa ho feta. Joale, Moena Neville, hola nka sebelisa nakoana ea hau, ke u kopa ho mphetlela. [Moena Neville o re, "Amen. Ha ke na eona."—Mong.]

⁵⁴ Joale, mono ke... Joale hopolang hore mono ho na le eng? Mosalumele, ke tla beha seo "ML," mosalumele, 'me ena ke moetsalibe. E 'ngoe ke ena eona e fofo, ke tla ngola "FO," kereke e fofo. 'Me e 'ngoe ke ena e leng kereke e bolokehileng, "BO," kereke e bolokehileng. Joale, le li hopole ka linako tsohle.

⁵⁵ Joale, lihlopha li peli kahara kereke ena e bolokiloeng, kahara kereke *ena* hantle mona le *mona* hantle, e kile ea bapisoa ke Kreste: e mong e ne e le moroetsana ea robetseng, athe e mong a tšetse Oli lamping. Joale lona—lona bohole... Ba hopolang pale eo ba ba kae? Re tla e fumana motsotsong feela.

⁵⁶ Joale, pele, pejana re etsa joalo, re phetla ho ba likete tse lekholo le mashome a mane a metso e mene, tsa Tšenolo 7, hore e utloisisoe hantle. Joale, u lokela ho hopola sena. Le lona ba le tšoaeang, Tšenolo 7.

⁵⁷ Ha re nkeng nako ea rona ka mokhoa. ('Me—'mele lona—le ke ke la kolobetsa haese ho fihlela—ho fihlela... Kamora tšebeletso hoseng hona, ho lokile.) Re tla... Ke tla leka ho beha wache ea ka holimo mona le ho lisa nako eo re tsoang ka eona. Joale re na

le—re se re na le lihora tse ka bang peli joale, 'me Morena a re thusen ho re fa thuto ena.

... *kamora tsena* ...

⁵⁸ Joale, rona... Khaolo ea 6 e sebetsana le—le pere e tšoeu, e ne e le Moea o Halalelang o tlohileng oa hlola, ho hlola. Eaba ho latela pere e putsoa, Lefu, le Lihele li e latetse. Le e mong le e mong oa bakalli bao ba lipere.

⁵⁹ Joale, "kamora tsena," kamora tšenyeho e kholo ena. Pele Moea o Halalelang o tsoa o haola lefatšeng lohle, "ho hlola le ho ea hlola"; eaba ho fihla nako e kholo ea tlala, "tekanyo ea koro ka denari, litekanyo tse peli tsa harese ka denari, le joalo-joalo, empa u se ke oa senya Oli ea Ka le Veine"; le ho theohela tlase hofihlela A manolla tsena—tsena litiiso.

... *kamora tseo, ka bona mangeloi a mane a eme likhutlong tse 'ne tsa lefatše, a thibetse meeaa e mene* ...
ba se ke ha eba moea o fokelang holima lefatšeng, le leoatleng, kapa... sefateng se le seng.

Ka bona lengeloi le leng le theoha bochabatsatsi, le tšoere letšoao la Molimo o phelang: la phahamisa lentsoe la hooeletsa mangeloi a mane, a neng a neiloe, ...senya... a neng a neiloe ho senya leoatle le lefatše,

La re, Le se ke la senya lefatše, leha e le leoatle, kapa... sefate, re eso ho tšoae bahlanka ba Molimo oa rona phatleng tsa bona.

⁶⁰ Joale, hopolang, bahlanka esale e le... Bahlanka ba Molimo ke Mojuda. Abrahama e ne e le mohlanka oa Oona. Molichaba hase mohlanka, ke Monyaluo, ke mora. Enoa ke mora, Kereke e joalo. Bajuda ke bahlanka. Oh, hola feela u ka... hola feela re ka fumana nako ho qhaqholla mantsoe ao. Khafetsa ke sebetsa joalo ka phaposing mono, ho le mathisa direferenseng le ho le nyolla. Bajuda ke mohlanka. Ha nka ema mona ka minya nako eo eohle ka "mohlanka," nke ke ka finyella lintlha tse ling, le a bona. Le mpe le hopole, le e lohanye Bibeleng eohle, 'me u tla fumana Mojuda e le mohlanka oa Molimo.

⁶¹ Mona re ka mathisa papiso e ntle hakakang, haeba re batla ho khutlela ho Ezekiele 4, le ho fumana mono A itse, "Na taba ee e kile ea hlaha pele?" A sheba mabota a malelele, hoba a etse, a bona manyala a etsoang motseng. 'Me teng ha tsoa... ha tsoa banna ba bane ba tšoere libetsa tse hlabakang. Ba pholletsba ba hlabo sohle se motseng oa Jerusalema.

⁶² Le pele a... ba tloha ho ea hlabaka, ba thibela, ba ba emisa, hobane e Mong o tlide a apere bosoeu, lenaka la enke la mongoli (Ke ba bakae ba kileng ba e bala?) le tlamiloe lephakong la hae, Ezekiele 4. Lenaka la enke la mongoli le tlamiloe lehlakoreng la Hae, a apere bosoeu, A re, "U se ke oa kena motseng, u se

ke oa hlabo letho pele le tšoaile bahlanka ba Molimo liphatleng tsa bona.” Eaba O tloha A tšoaea, esitile ho itsoe, le bana ba banyenyane le tsohle, a ntse a ba tšoaea.

⁶³ Eaba ba nkileng libetsa tse hlabakang, ba fihla ba le bane, ba kena ba falatsa ntho eohle ka bottalo, ba sa qenehele letho. Ba bolaile banna, basali, bana, le sohle se se nang letšao lena la Monna oa pele ea nkileng lenaka le ts’oaeang la mongoli. ’Me ntho e kholo . . .

⁶⁴ Joale, e hlahile matsatsing kamorao ho Morena oa rona, mohla A ba lemositseng ho Mattheu 24, kamoo “Etlereha le bona Jerusalema e thibelloa ke mabotho, le se ke la . . . u se ke oa theoha holima ntlu, kapa ea tšimong a se ke a khutla ho nka seaparo sa hae, a mpe a balehele Judea.” Josefase o e ngotse mono, le kamoo ba ileng ba baleha. ’Me ho phonyohile feela ba nkileng temoso ea Mantsoe a Morena Jesu. ’Me eareha ba bona mabotho a thibeletse, le Titase, ka A.D. 96, mohla ba boneng Titase a thibella marako a Jerusalema ’me a ba koalla bohle kahare ka mono; ba jele joang ba lifate . . . ba ja makhapetla—makhapetla a lifate, ba eja joang fatše, ba ne ba pheha bana e mong oa e mong ba ba je. Ba ba bolaisa tlala, ba ba thibella feela ka moo, ho feleng ba mathela kahare ka mono ba ba bolaea ho fihlela mali a phalla a tsoa ka khoro eka—eka letangoana le phallang, melapo ea mali ea phalla e tsoa khorong. Ba chesitse tempele, ba heletsa marako, ’me le kajeno e sa ntse e eme mono.

⁶⁵ ’Me Mosleme oa Omar oa ahua moo tempele e neng e eme teng. ’Me Jesu o buile ka eona ho Mattheu 24, A re, “Etlare ha le bona manyala a bofeliso a eme nqalang e halalelang, etsoe moporofeta Daniele o boletse, a e boletse,” mono e kahara masakana, ha thoe, “(ea balang, a lemohe:)” Le a bona, “Etlare ha le bona manyala ana, litšila tsa Mosleme oa Omar li eme moo nqalo e halalelang e neng e eme teng.” ’Me kajeno Mosleme o eme hantle mono nqalang e halalelang, hantle sets’eng sa tempele. Mosleme oa Mohammedane o eme joaloka ha Jesu a boletse, yaa, joaloka ha Daniele a boletse, ’me Jesu o e netefalitse hoba e tla etsa joalo.

⁶⁶ Shebang baprofeta le Molimo mono ba boletse lintho tseo pele, moena, e loketse ho balehisa moriri oa sekotlo sa rona ho tseba hoba re nakong ea qetelo. Re pheletsong! Ha ho letho le setseng. Lintho tsena tsohle di etsahala kamoo A li boletseng li tla etsahala, khele, li loketse ho re khothatsa, re tle re itlhopise. O itse, Jesu o re hlokamelisitse, ho re, “Etlareha ha le bona tseo li hlahia,” kamoo re buang ka tsona, ha thoe, “le phahamise hlooho tsa lona, topollo ea lona e haufi.”

⁶⁷ Molemo ke ofe leha re ka rua lefatše lohle? Re tla lahleheloa, leha ho le joalo. Re—re ke ke ra hlola joalo. Tlholo e ’ngoe feela, ke ka Kreste. Nka Kreste, tlholo ea hau e tiile. U tlameha ho falla mona; u ka tsamaea le pele tšebeletso ena e fela, u ka tsamaea

pele letsatsi le likela bosiung bona, u ka tso- . . . tsamaea pele le chaba hoseng, oa nyamela le pele ho Sontaha se tlāng, kaofela ha rona. Ha re tsebe mohla re tla ikela, empa u a tseba u tlameha ho tsamaea. Joale na hase booatla ho e lebalisa u e chechisa? U a—u a hatakela, u—u ntse u bonya le lefu.

⁶⁸ Joaloka thellisane ea khale. Ba ne ba palama lehlaka ba likolohe ntho ena, ho bona bohaufi boo ba ka bo atamelang; 'me hang, pele ba tseba, ba lepelba thella. 'Me le uena u joalo feela, u thella feela. Ha u tsebe motsotso mohla ntho e tla u ferekanya, 'me u ikele; pelo e a ema, kotsi ea koloi, ho ka hlaha eng, 'me u shoe. 'Me bofello ba hau Bosafeleng bo larile hantle ka pel'a hau. E nahane, motsoalle.

⁶⁹ "Joale, etlere ha le bona manyala a bofeliso a eme nqalong e halalelang." Joale, ka hona, ke mohla Titase a tla fihla hoba Jesu a tlohe, Moea o Halalelang e ne e le monna ea tlamileng lenaka la enke lehlakoreng la Hae. 'Me O ile a pholletsja Jerusalema 'me a ts'oea batho. 'Me joale ke batla u hlokomele taba, uena setho sa kereke. Le uena ea itlalehang u na le Moea o Halalelang? O itse, "U se ke oa tiisa mang kapa mang haese ea feheloang 'me a bobola ka baka la manyala a etsoang motseng." Joale, o kae motho ea imetsoeng hakaalo ka baka la lefatše joale le ka maemo?

⁷⁰ Be, "Ke Momethodise, ke Mobaptise, Mopresbeteriene, ebe e etsa phapang efe?" ba rialo.

⁷¹ Oh, ha ho moroalo bakeng sa ba lahlehileng, monate oo. U se lumelle letho ho hlaha 'me le kenya bokhopo moeeng oa hau. Ho sa tsottelehe motho mang a ka u tšoara hampe ha kae, u se ke oa leka! U se be le molato oa ho lumella ntho e joalo ho tseteloa moeeng oa hau. E tla soabisa Moea o Halalelang e o lelekele hole le uena. Ruri e tla etsa joalo.

⁷² Ke sa hopola ke bua phoso mona lilemo tse peli kapa tse tharo tse fetileng. E leha ke letsilitsoe ke maqoetha, eaba ke a tloha 'me . . . Mohatsa ka a lutse mono. Ke tla . . . hlooho ea ka, ho romela . . . ea ka e tla khaoha, 'me ka—ka potela. 'Me ba—ba letsa mohaleng ba re, "'Molelle a theohe thapama ena."

'Me Meda a re, "Ke maqoetha."

Ka nanya ke tsoa monyako, ka re, "Mo joetse ha ke eo mona."

A re, "Bill!"

'Me ka re, "Mo joetse ha ke eo ka mona hona joale." 'Me ka tsoela kantle.

⁷³ Eaba ke tsoela teng 'me ka utloa ke hlabe haholo, 'me ka khutla. 'Me a ile a 'molella; ka bona hoba e mo hlabe hisitse.

⁷⁴ Ka tsoa ho ea rapella . . . ho ile ha kena monna, lesea le kula. 'Me eitseha ke qala ke bea lesea letsoho ho le rapella, Ntho ea re ho 'na, "U moikaketsi." Le a bona? "U tseba seo u se entseng."

⁷⁵ 'Me ka re, "Monghali, ha ke na tokelo ea ho rapella lesea la hau. U a bona, Moea o Halalelang o hlabe hile kahare ho 'na 'me ha ke hloke ho beha lesea matsoho. Bea butle ho fihlela ke lokisitse litaba."

⁷⁶ Ka theoha ho ea bolella e . . . ka bolella leqoetha la ka, ka re, "Ke—ke sitiloe."

A re, "Ke itse ha u eo."

Ka re, "Che." Ka re, "E ne e le . . . ke buisitse mohatsa ka ntho e phoso." Ka re, "Ke—ke masoabi, ke—ke ne ke sa—ke ne ke sa ikemisetsha ho etsa joalo." Ka re, "Na u tla ntšoarela?"

Le ho kopa mohatsa ka ho ntšoarela.

⁷⁷ Eaba ke khutlela mane Green's Mill, e le ka Phupu. Oh, ho hlile ho khutsitse morung, 'me ka lula lehaheng thapama eohle, ke rapela. 'Me ka tloha ka ema holima lefika kantle mono 'me ka sheba hole ka nqane ho maralla, ho le hotle haholo, le mahlaku le lintho tsohle, ho khutsitse feela; ho ella hora ea bohlano, ea botše elala, thapama, lehlabula. Ho se letho, esale ho khutsitse ka 'nete, letsatsi le chesang. 'Me ka re, "Ntate ea Leholidong, Moshe, U ile oa mo emisa lefikeng ka nako e 'ngoe 'me Ua feta." Ka re, "Haeba U ntšoarela bobe boo ke bo entseng, na U ka feta feela hape le ho ntumella ho U bona?" 'Me ka lehlakoreng la ka le letše hali ka nqa ea leralla ha feta sesokotsanyane sa qala sa foka hasesane hara mahlaku, sa theoha sa fihla lephakong la ka *joalo* 'me sa pholletsa morung. Ka lla se sa lesea feela.

⁷⁸ Ka khutla ka theoha, ka re, "Kea tseba hore sebe sa ka se tšoaretsoe hona joale." Le a bona?

⁷⁹ Le a bona, fothola kamehla ho uena metso eohle ea lengana. Le a bona? Ho sa tsotolehe seo mang a u etsang sona, e re . . . kenya Molimo kahare mono ea tla lahlela bobe bohle hole le uena.

⁸⁰ Joale, Bakreste bana ba neng ba nkile temoso ea Kreste, joale shebang, ke papiso ea seo re buang ka sona hoseng hona. Bakreste bana ba neng ba nkile temoso eo, ba tsoile Jerusalema hobane ba tsebile hore e mothating oa ho etsahala.

⁸¹ Joale shebang litho tsa kereke, mofuta oa batho ba neng ba kena kereke, kena feela kerekeng, kaofela ba re, "Hobaneng, ho na le mabotho a tlang, ho na le ntoa e tlang, ha re eeng ka tlung ea Morena re rapele." Empa ba siiloe ke nako. Ha e a thusa letho, le a bona.

⁸² Empa ba ne ba behile temoso leihlo, barutuo a bana, ba tseba seo Jesu a se buileng, 'me ba phonyoha. (Boranalane ba itse bao "Ba neng ba bitsoa 'malimo,'" ba itse, "ba ja 'mele oa—oa monna enoa ea bitsoang 'Jesu' ea kileng a ba folisa." Le a bona, e ne e le ha ba e ja selallo. Ha ba etsa joalo . . . a sa tsebe seo e leng sona, le a bona, hoba e ne e le motho oa nama, e se molumedi, 'me e le

rahistori feela. 'Me eena . . .) 'Me ba phonyohile khalefo e neng e oetse lefatše.

⁸³ Joale, le a bona, 'me Jerusalema eohle ea senngoa. Joale ha e le moo . . . Joale taba ena e bapisa ka tšoanelo, Tšenolo 7. Joale shebang! Ho tloha mohla Titase a neng a thibella Jerusalema, mehleng ea lefatše, ho theoha le histori ha ho mohla lefatše lohle le keneng ntoeng ho fihlela 1914. Joale le mamele ka hloko! Joale mona ke hona moo Mong. Rutherford a fapohileng teng, ke a kholoa, hantle mona. Joale shebang:

*Ka mora tsena ka bona lengeloi le leng le eme- . . .
mangeloi a mane a eme likhutlong tse 'ne tsa lefatše, (Ke
ho ema ka mokhoa ona, likhutlong tse 'ne tsa lefatše.) a
thibetse meea e mene ea lefatše, (Joale, mang le mang
o tseba seo meea e se bolelang ka Bibeleng, meea ke
“ntoa, qabang,” diabolosi ke matla, khosana ea sebaka,
le a bona.) . . . me a thibetse meea e mene . . . hore ho se
ke ha eba moea o fokelang holima lefatšeng, kapa . . .
leoatle, . . .*

*'Me . . . lengeloi le leng le theoha bochabatsatsi (moo
Jesu a tlang ho tla teng), le tšoere letšoao la Molimo
o phelang: phatleng ea lona, letsohong la lona: la
phahamisa lentsoe la hooeletsa mangeloi a mane, a neng
a tla senya lefatše, le re, le neng . . . neiloe taelo ea ho
senya leoatle le lefatše,*

*La re, Le se ke la senya lefatše, leha e le leoatle,
kapa . . . lifate, ho fihlela re eso ho tšoae bahlanka ba
Molimo oa rona phatleng ea bona.*

⁸⁴ Joale, Molimo ha o na nako, ea Hae ke Bosafeleng. Rona re lekanya ka linako, sohle seo re se tsebang ke di-inchi le lisekoere, le dimaele, le joalo-joalo. Molimo ke Bosafeleng, ha ho qalo kapa qetello. Le a bona, Ke oa—Ke oa Bosafeleng.

⁸⁵ Joale, ka 1914 lefatše lohle le ne le ea kenela ntoa ea lefatše Jeremane, ke hantle, lefatše lohle ntoeng ea lefatše. 'Me na le lemohile? Ho hlile ha makatsa.

⁸⁶ Ke batla ha motsoalle oa ka ea lokileng ea lutseng mona, ntate oa Moena Wood, a ka e tšoara ka ho hlaka. Le a bona, ba ne ba . . . ke Paki ea Jehova e sokolohileng, le a bona.

⁸⁷ 'Me ka hona, kaofela ha bona ba ne ba hoanta ba ea ntoeng. Le sa e hopola hantle, ka 1914. Joale, na ha ho makatse (hantle ho *The Decline of the World's War*, ke kakatletse meqolo ea eona, moqolo oa bobeli, nka re leqephe la mashome a mane a metso e mene) ho thoe ha ba tsebe ho fihlela kajeno hore ntoa eo e emisitsoe ke mang. Kaiser Wilhelm o tlaleha ho se mohla a laetseng ntho e joalo. Empa, ka tšohanyetso, ea emisa 'me ha ho motho ea tsebang lebaka. Ba ne ba loana, mona ha fihla . . . holimo ka pele, le e . . . ha fihla hohle: "Ho felile, ntoa e

felile." 'Me ba se ba tekenile selekane sa khotso, ba sa tsebe se etsahetseng.

⁸⁸ Joale, ehlide, ho ka nka letsatsi kapa a mabeli ho hlahisa taba eo eohle. Ha ba tseba; empa ha re e khamoleng re otle lintlha tsa sehlooho. Ke Molimo o e emisitseng, ho phethahatsa Lentsoe la Oona! Ke leo Lengeloi le e emisitseng. Mangeloi ao a tsoile ka sebetsa se hlabakang (Eng?) ho senya lefatše lohle, 'me Lengeloi le leng la re, "Emang hanyenyane! Le se ke la etsa joalo, re tlameha ho tšoaea bahlanka bana ba Molimo oa rona liphatleng tsa bona, pele."

⁸⁹ Mono e ne e le mathoasong a Pentekosta feela, morao koana ka 1906, 1914, tlase ka mono. Ba bakae ba lona ba tsebang? Na Mopentekosta oa mehleng o teng mona, ea hopolang matsatsi ao morao ka mono? Ehlide. Mohla seo, litšiung tseo, mohla Moea o Halalelang o qalang o theoha 'me batho ba qala ba amohela Moea o Halalelang ba bua lipuo ba rapella bakuli le joalo-joalo, e ne e qala feela e etsahala, kapa feela lipakeng tsa mengoaha ena e 'meli mona; feela mohla e neng e kena, Kereke e ne e le ea mannete. Eaba Pentekosta e qala e nka mokhatlo, Assemblies of God, le Church of God, le joalo-joalo, 'me ba khelohela ho mekha ea bona joalokaha ba eme joale. Ka hona ke... Re qetellong ea mongoaha, le a bona. Tsohle li patahana ho fihlela qetellong, tsohle li mathela hantle tlase mona ho fihlela qetellong.

⁹⁰ Joale, holima tsena, a mane... Le eleloa, e eme ka-ka Pulungoana la leshome le motso o mong, ka hora ea leshome le motso o mong ea letsatsi; khoeli ea leshome le motso o mong ea selemo, letsatsi la leshome le motso o mong la khoeli, le ka hora ea leshome le motso o mong ea letsatsi. Le sa hopola seo Jesu a se buileng ka taba eo? "Motho o kene tšimong ea morara ho sebetsa ka mohla, e mong a fuoa peni, eaba ho kena ea latelang," bao e ne e le batho ba hora ea leshome le motso o mong. Na ho joalo? Ke bao, batho ba hora ea leshome le motso o mong; e sa le e thibetsoe. Joale ho fihlile nako ea bona ho kena, 'me ba ntse ba phutha ho tsoa ho Bajude bao, ho bopa sechaba. Ba ne ba hasane hohle lefatšeng, tlase mane Iran le libakeng tse fapaneng teng ba sa tsebe le hoba Jesu o ne a le lefatšeng, ba sa tsebe letho ka Testamente e Ncha kapa le letho.

⁹¹ 'Me joale u ka sheba makasine oa *Look*, le *Life* le tseo, ho hlahisitsoe litšoantšo tsa bona ba khutlang. Na Jesu ha a e bolela, "Etlereha le bona sefate sa feiga se hlahisa menoko ea sona"? Bajude esale e le sefate sa feiga. "Moloko ona o ke ke oa feta, tseo tsohle li eso ho etsahale." 'Me joale ba se ba khutlike, ke sechaba, ba chetile chelete ea bona le folaga ea bona, le ntho ka 'ngoe, 'me se hlomphuoa ke U.N, ke sechaba. Se tsitsitse! Se se se itokisitse! Joale, se itokiselitse eng? Ho tšoauoa ha ba likete tse lekholo le mashome a mane a metso e mene (Joale, re tla e finyella motsotsong feela.) tsa Iseraele; Bajuda bao, e sang sehlopha sa Wall Street se qhekellang se utsoa le ntho eohle, Ke bolela Bajude

ba sebele, ba makoma, Bajude ba 'nete ba bolokang melao ea Molimo tlase mane.

⁹² Joale, Bajude ba sebele ba phuthehela Palestina hape, 'me ke hantle feelsa se boletsoeng ke moporofeta; joaloka ha Ishmaele le Isaaka ba ne ba khamana, ba sa phetse ho loana, ba boletsoe pele hore ba tla fihla letsatsing la ho qetela, 'me ba lutse mono. Ishmaele hona mona, 'me bohole ba boloko ba motse mona le Isaaka ke eo, 'me bobeli ba bona (Mohammedane le Bajuda) ba loantšana naheng e-seng-ea- motho.

⁹³ Joale ho bona haeba Molaetsa ona oo re o nkileng o hokahane le eona kapa che. Ka eona hora eo Israele a tekenetsoeng ho behoa sechaba, e ne e le hora eona eo, lona letsatsi leo, khoeli eona eo, tsohle tse ling: Ke ne ke le Green's Mill, Indiana, mohla Lengeloi leo mono le itlhahisang ho 'na le nthomela kantle masimong ka Sena; kamora hoba A kopane le 'na tlase nokeng le ho mpolella se tlang ho etsahala, eaba o nthoma lilemo tse leshome le motso o mong hamorao ka eona hora eo Israele a neng a tekeneloa ho ba sechaba. E hokahane eohle 'moho.

⁹⁴ Le a bona, Lengeloi la Morena le lefatšeng hajoale, le a bona, Le ntse le itsamaela hohle ho hlophisetsa tsohle ho khutla ha Morena. 'Me ke ona Mangeloi a utloileng sebe mohla a theohetseng Sodoma 'me ba fumane... ho re, "Re theohile ho tla bona haeba lintho tsena li fela li le joalo, seo Re se utloileng."

⁹⁵ Le sa hopola seo? 'Me Lengeloi le leng la theohela ka hara... (Le leng la sala le Abrahama Mokhethoa.) Sodoma e ne e le tlase *mona*, 'me Lota o ne a le Sodoma, 'me Mangeloi a mabeli a theohela tlase mono a ba rerela le ho ntšetsa sehlotšoana seo, se senyenyanne kantle, moroetsana ea robetseng. Le a bona? Ho lokile. (Empa Lengeloi le leng la sala le Abrahama.) Mangeloi ana a rericile tlase *mona*, Billy Graham oa sejoale le bao, ba ba hula.

⁹⁶ Empa Lengeloi le neng le eme le Abrahama o ne A furaletse tente, 'me A re, "Abrahama, Mosali oa hau o kae, Sarah?" O tsebile joang hore tšali o nyetsoe, tona e nyetse? 'Me O tsebile joang hore o na le mosali? 'Me O tsebile lebitso la hae joang, lebitso la hae e le Sarah? Ho re, "O ka tenteng ka mora hao."

⁹⁷ A re, "Be, Ke u tšepisitse." "Ke" Le a bona hore Lengeloi e ne e le mang. "Ke u tšepisitse. Ke tla u etela ho ka nako ea bophelo, Sarah o tla fumana ngoana enoa."

⁹⁸ 'Me Sarah, ka tenteng kamora Hae, a tsheha kahare ho eena. 'Me Lengeloi, le furaletse ka mokokotlo oa Lona , la re, "Sarah o tšebole keng?" Le bona pontšo eo A e fang Kereke Mokhethoa?

⁹⁹ Na le bona pontšo eo ba e fumaneng Sodoma?

¹⁰⁰ Lihlopha tsa lona tse tharo ke tseo li khutla hape, re khutletse ho tsona ka kotloloho hape.

¹⁰¹ Re fumana . . . baruti bana ba baholo ba aparetseng lefatše leo kantle koana. Hoba Billy Graham a amohele Moea o Halalelang, o sitiloe ho tsoa a kena ka *mona*. Tšimo ea hae e tlase *mono* 'me o elelloa seo, 'me Molimo o mo tšoere mono. Le a bona? O kakatletse therò eo ea bohlalefi, seo a se utloang mona, empa o ntse a leka ho hula Sodoma, ho leka ho rutla, kapa ho fa moroetsana eo ea robetseng mohau. Le a bona?

¹⁰² Empa Abrahama le sehlopha sa hae e ne e le *bana*, 'me Jesu o itse, "Joaloka matsatsing a Sodoma, ho tla ba joalo ho tleng ha Mora motho."

¹⁰³ Le a bona, mangeloi ao a tla be a le mona lefatšeng a etsa ntho e tšoanang. Le a bona, ka lona lebaka leo Billy o ea ho Baptise le joalo-joalo. E tlameha joalo! Le a bona, Jack Shuler le banna-banna bao bohle ba baholo kantle moo ba ea . . . batsosolosi, ba tlamehile joalo hobane ba ntse—ba ntse ba hulela kantle. Ha ba ka ba etsa mehlolo tlase mono; e 'maloa, joaloka ho otla batho ka bofotu. Empa therò ea Evangelie ba otla ka bofotu, le a bona, Bibebe e rialo.

¹⁰⁴ Empa thaka lena kantle *mona* le entse pontšo ena, pontšo e kaholima tlholeho, ho Abrahama le sehlopha sa hae, e leng Kereke-Mokhethoa.

¹⁰⁵ Joale, 1914, lefatše le ile la kena ntoeng, 'me haesale le hloka khotsa ho tloha mohlang oo; ba akhotseha ba kena kamehla, ba akhotseha ba kena, ba akhotseha ba kena, 'me le joale ba ntse ba etsa ntho e tšoanang. 'Me ba ne ba etsang?' "Thibela!" Oho Molimo, hauhela! Ho thibela ntho e kholo eo ke e boneng ponong (ntho eohle e ne e timela), ho thibela athomiki, ho thibela lintoa hore ba se ke ba itimetsa bobona ho fihlela ntho e fihla ho le senya; ho fihlela Iseraele e khutla 'me e iphutha 'moho, 'me Molaetsa o tla ea ho Iseraele 'me e tla tiisoa ka tiiso eo ea Moea o Halalelang. Le a bona, ka mora hoba Balichaba ba bitsoe; batho ba tla bitsoa bakeng sa lebitso la Hae, etsoe ba bitsoa hantle mongoaheng ona *mona*. Ka hona Iseraele o fuoa feela Molaetsa oa lilemo tse tharo le likhoeli tse tšeletseng.

¹⁰⁶ Daniele o boletse joalo, o itse ho tla baloa, ho tla baloa, "Ho baliloe mashome a supileng . . . kapa—kapa ba porofetetsoe lilemo tse supileng, tse sietsoeng poloko ea Bajuda." O itse, "Messia, Khosana, e leng Kreste, o tla fihla a porofete bohareng ba lilemo tseo tse mashome a supileng . . . kapa lilemo tse supileng, A ntoo khaoloa." Jesu o rerile lilemo tse tharo le halofo 'me a khaoloa, 'me ha felisoa sehlabelo sa kamehla se boletsoeng ke Daniele. Ho lokile.

¹⁰⁷ 'Me eaba Balichaba ba khethelo sekoto sa nako, 'me ba theohela mongoaheng ona. Ka hona Bajuda ba saletsoe ke lilemo tse tharo le halofo le joale. Joale haeba re ka phetla ho Tšenolo 11, re tla e thonaka hantle feela qetellong (Kereke ha e hlahe haese ho fihlela khaolo ea 19 ea Tšenolo.), empa qetellong ea ntho eo,

Elia le Moshe ba khutla hape ba rerela Bajuda. Banna ba babeli ba tlotsuoeng ka Moea oo, kapa bona bao, ha ba ka ba shoa. Eaba ba ba bolaea 'me ba robala seterateng se bitsoang *Sodoma* e leng moo Morena oa rona a thakhisitsoeng teng, "Jerusalema." 'Me kamora matsatsi a mararo, khele, bophelo (Moea oa Bophelo) oa kena ho bona ba nyoloha, ba tsoha. 'Me ho ne ho batle ho phatloloa karolo ea boraro ea lefatše mehleng eo. Ba entse mehlolo le meeka 'moho le Bajuda.

¹⁰⁸ Joale ke bana Bajuda bao ba tlang ho ba porofetela. Tsa lefatše...ha le ka ke...le ke ke la phatlolana kapa la bolaeana, kapa ha timetsoa, ho fihlela Bajuda bao ba khutlela tlase tulong eo; Bibele e lutse mona e rialo, o bone Mangeli a mane. 'Me le shebe seo ba lokelang ho se amohela; ba lokela ho amohela Moea o Halalelang joalokaha bao ba entse.

¹⁰⁹ Efela haeba Monna eo ea tlamileng lenaka la mongoli e ne e le Moea o Halalelang, (Re elelloa seo, motho e mong le e mong, ea balang Bibele.) be, le Lengeloi lena ke lona le khutlang hape ka Moea o Halalelang, "tiiso ea Molimo o phelang." Baefese 4:30: "...Moea oa Molimo...tšoailoeng ho fihlela letsatsi la topollo ea lona."

¹¹⁰ 'Me ba ke ke ba etsa letho joale ho fihlela Bajuda bao ba khutlile. 'Me livekeng tse 'maloa feela tse fetileng ba hlaphisitse ntho eohle 'moho ba hlomamisoa e le setho sa U.N. E malala-a-laotsoe! Re pheletsong, ntho tsohle li tiisitsoe joale.

¹¹¹ Joale, joale shebang, ho paka hobane ke Bajuda, joale, ke tla nka:

A re, Le se ke la senya lefatše, leha e le leoatle, leha e le sefate, re eso tiisitse bahlanka ba Molimo oa rona phatleng tsa bona.

¹¹² Joale, ho kholisa hobane tšenolo ena e nepile, hlokomela sena, temana ea 4:

Ka utloa palo ea bona...ba tšoailoeng: 'me ba tšoailoeng ke likete tse lekholo le nang le mashome a mane a metso a mene meloko eohle ea bana ba Iseraele.

¹¹³ "Baiseraele." Ba ho kae? Ba sa tsoa phutheha joale. Ba holimo moo ba itokisitse, ba emetse nako ea ho tšoauoa. "Ba leloko la Juda ba tšoailoeng e le likete tse leshome le metso e 'meli. Leloko la Rubene, likete tse leshome le metso e 'meli. Ashere, likete tse leshome le metso e 'meli. Nefthali, likete tse leshome le metso e 'meli." Joalo le joalo, Simeone le oh, bo...ho theohela tlase ho Benjamin, meloko e leshome le metso e 'meli. 'Me leshome le metso e 'meli ha leshome le metso e 'meli ke likete tse lekholo le mashome a mane a metso e mene. Le a bona? Joale ke eona . . .

¹¹⁴ Joale ha u ka sheba khaolo ea 14, nakoana feela, mona le a bona:

Ka talima, 'me ka bona Konyana e eme holima... thaba ea Sinai, e na le ba likete tse lekholo le mashonne-nne, ba ngoliloeng lebitso la Ntata eona phatleng tsa bona.

¹¹⁵ "Thaba Sinai." Konyana e ne e khutlile Hloibilong. Le ho khutla, joaloka ha re e qotsitse bosiu bo bong, eaba Josefa o leleka Balichaba bohole mohla a emeng pel'a banababo, ho re "Ke 'na Josefa, ngoana bo lona!" Eaba ba thothomela.

¹¹⁶ Na le sa hopola mongoaheng oa kereke ha re ne re e tšoere, mohla A neng a tla khutla? Esita le ba hlabileng matsoho a Hae, ba tla re, "Maqeba ao a lithakhisa U a fumane kae?"

¹¹⁷ A re, "Matsohong a metsoalle ea Ka." 'Me ba lla. Lelapa ka leng kathoko, 'me ba lla le ho lla le ho lla, hobane ba entse bobe bona. Eena Messia oa bona, oona Molimo. 'Me O tla ba bolella joalokaha A buile ho—ho... Josefa a buile ho Israele, o itse, "Le se ke la itlhonamela, hobane Molimo o e entse ho boloka bophelo."

¹¹⁸ "'Me Molimo..." Bibele e re "Molimo o foufalitse mahlo a Bajuda hore Balichaba ba fuoe sebaka (rona, kaborona), ho nka batho bakeng sa Lebitso la Hae, Monyaluo a Hae ho Balichaba." Oh, e ntle! Ha e joalo? Ke moo.

¹¹⁹ Ke bao ba lona ba lekholo le mashome a mane... Joale ha u batla ho bona ha Monyaluo a hlaham kamora moo, ho bontša hore lekholo le mashome a mane a metso e mene a likete hase Monyaluo a, tsoelapele u bale o theohela joale ho tsoa khaolong ea 8 ho ea pele; kapa, e, khaolo ea 8; kapa temana ea 8, ke rialo, ho tsoa khaolong ea 7. Ha re qaleng ka ea 9—9 temana eo, temana ea 8—8 ke ho tšoauoa ha Benjamine, likete tse leshome le metso e 'meli.

Kamora—Kamora tsena ka talima, 'me, bonang, bongata bo boholo, bao ho seng motho ea ka tsebang ho ba bala, (Monyaluo a ke enoa a fihla.) ba lichaba tsohle, ... mefuta, ... merabe, le lipuo, ba ema pel'a terone, le pela Konyana, ba apere seaparo tse sešoeu, 'me ba tšoere lipalema matsohong a bona;

'Me ba ntse ba hooa ka mantsoe a phahamileng, ba re, Poloko ke ea Molimo oa rōna o lutseng teroneng, le ho Konyana.

... mangeloi kaofela a ne a eme a teetse terone, le baholo le libopua tse 'ne, ... a oa—a oa ka lifahleho pela terone, 'me a rapela Molimo,

A re, Amen: Litlhohonolofatso, ... khanya, ... bohlale, ... liteboho, ... tlota, ... borena, ... matla, be ho Molimo oa rona ka mehla le mehla. Amen.

Eaba e mong oa baholo eo a ahlamisa molomo, 'me a re ho 'na, Bana ba apereng liaparo tse telele tse tšoeu ke bomang? 'me ba tsoile kae?

Ka re ho eèna, Monghali, ho tseba uena. 'Me a re ho 'na, Ke ba tsoang teng koana mahlomoleng a maholo, 'me ba hlatsoitse liaparo tsa bona, ba li soeufalitse maling a Konyana.

Ka baka leo, bao ba pela terone ea Molimo, 'me ba mo sebeletsa motšehare le bosiu ka tempeleng: . . .

[Sekheo lebanteng—Mong.] Le a bona?

¹²⁰ Mosali oa hau o etsa'ng? O u sebeletsa ka tlung. U lula fatše, o u tšolela lijo, o hlophisa liaparo. U a bona, o u sebeletsa le motšehare le bosiu ka tlung. Le a bona? 'Me bana, ba lichaba tsena tsohle, Balichaba, e leng Monyaluo, ba ka pel'a terone ea Molimo, 'moho le Eena le motšehare le bosiu. Ba bohole le hopola seo re se buileng, maobane bosiu ha re bua ka eona?

. . . 'me ea lutseng teroneng o tla aha hara bona.

Ha ba sa tla hlola ba lapa, ha ba sa tla hlola ba nyoroa; ha ba sa tla hlola ba batoa—batoa ke letsatsi, kapa lebatama le leng.

Hobane Konyana e hara terone e tla ba alosa, 'me e . . . ba isa liblibeng tseo tse phelang tsa metsi: 'me Molimo o tla hlakola . . . meokho eohle mahlong a bona.

¹²¹ Joale, bao ke ba likete tse lekholo le mashome a mane a metso e mene (Israele) tse emetseng ho khutla ha Morena 'me li ke ke tsa kena ho fihlela ho qetiloe ka Balichaba, ba loketse ho phetheloa.

¹²² Joale, nka bua ntho e nkamang, ke tšepa, ho tšepa le tla e utloisia. Mohla Lewi Pethrus oa Stockholm, Sweden, molebelikakaretso, hlooho ea likereke tsa Filadelfian, o ne a romeletse Bajuda bana Libibele tse milione, Testamente tse nyenyane. Ke tšoere e 'ngoe holimo mono, sehopotso se tsoang ho eèna. Kamehla Mojuda o bala a qala morao a e-ea pele, ka hona le tseba kamoo puo ea bona—ea bona e leng kateng. 'Me ba ne ba tla bala Libuka tsena, 'me ba itse, "Be, haeba Jesu enoa e le Messia, 'me A shoele 'me Moea oa Hae o khutlile ka sebopaho sa Moea, re mpe re Mo bone a hlakisa pontšo ea moporofeta, re tla Mo lumela."

¹²³ Malulo a makakang a phethahetseng! Ka nahana, "Morena, nako ke ena joale. Nako ke ena joale, ke ena." Eaba ke tloha ka sefofane, Billy, le 'na, Loyce, 'me ra tloha.

¹²⁴ Ke ne ke nyolohela India, 'me ka re, "Joale, mohla ke khutlang, ke tla pota le ka mona ke tlisetse Bajuda Molaetsa, le ho ba ntsetsa mono ke re, 'Na ke 'nete?'"

¹²⁵ Bajuda ba lumela baporofeta ba bona kamehla, bohole re tseba seo. Hobane Molimo o ba boleletse hore Messia e tla ba moporofeta, 'me ba lumela baprofeta ba bona, 'me Molimo oa re, "Ekare ha e mong hara lona e le moporofeta, seboni, e ka re ha a... Ke tla bua le eena ka lipono le joalo le joalo. 'Me—'me e ka re ha seo a se buang se hlaha, le mo utloe, hoba Ke na le eena." Le a bona? "Empa e ka re ha se sa hlahe, le se ke la amana le moporofeta eo, hoba ha Ke—Ke—ha Ke 'moho le eena. Empa e ka re ha e hlaha, seo a se buang, joale le a mo utloe, hoba Ke na le eena." 'Me Bajuda ba tseba seo.

¹²⁶ 'Me ka nahana, "Oh, banna! Na e ke ke ea babatseha! Ke tla phutha likete tse 'ne kapa tse hlano tsa bona ke eme kantle mono, le ho ba lumella—ho ba lumella ho bala Bibele eo feela le ho re, 'Haeba enoa e le Messia, ha re Mo boneng a etsa pontšo ea moprofeta.'" Ka re, "E tla ba le tema e kakang!" Eaba ke tšoere tekete letsohong, metsotso e ka bang mashome a mararo pele ho tumisoa sefofane sa Arabia. Eaba ke eme kantle mane Cairo, Egepeta, 'me ka nahana, "Ho rorisoe Molimo! Lihoren tse ling tse peli Bajuda ba tla amohela ntho e tšoanang le ea Pentekonta, ruri joaloka ntho efe kapa efe." Ka nahana, "Ha nka ema mono ka ba bolella, 'E-eang leikhethelle seholpha sa banna kantle mane hara lona, le ba tlise mona, le bone haeba E sa le Mesia.' Le a bona, ke ntso re, 'Joale, holima mabaka ao baholo-holo ba lona ba hanetseng Messia enoa, le Mo amohele. Phahamisang matsoho a lona 'me O tla... le tla amohela Moea o Halalelang hona joale.' 'Me ke moo ba tlang ho bolella lefatše evangeli sekhetlong sa lefatše la bona hang ha ba... ha ba O amohela. Khetha baetapele, u se ke... Otla setsi se seholo sa mothapo, baetapele, ebe bona ba e qalang."

¹²⁷ 'Me eaba Ntho e mphaila e re, "Se etse hona joale, hoba hora ha e-so tlale." Uh-hum. Ea Balichaba ha e-so tlale, le a bona, letsatsi ha le e-so fele.

"Oh," ka nahana, "e ne empa e le 'na feela."

¹²⁸ Ka hona ka tloseletsa hape, 'me ea mpefala hona ka sitoa ho e iphapanya. Ka sirela ka mohaho oa lifofane ka inamisa hlooho ea ka, ka re, "Ntate, na ke Uena ea buang le 'na?"

¹²⁹ A re, "Se etele Iseraele hona joale, hora ha e-so fihle." Ka kena feela, ka chencha tekete ea ka, ka e fetolela leetong le leng, ka ea ka tsela ese. Le a bona, hobane hora ha e-so fihle.

¹³⁰ Empa le leng la matsatsi ana Molaetsa o tla ea ho Iseraele, 'me se tlang ho ropoha... Molimo o tla ba romella Moshe le Elia, ho Tšenolo 11, 'me ba tla etsa lipontšo le meeka le pontšo ea Jehova; mohla Balichaba ba phethehileng, mohau oa... letsatsi la mohau le tla hloboba kereke ea Balichaba, mongoaha oa Pentekosta o tla fela. Mekhatlo e tla tsoelapele hobane ba hlaha holimo mona 'moho le moroetsana ea robetseng (Re tla kena ho eona motsotsoaneng feela.), empa ba tla hlahella seholpheng seo.

¹³¹ Empa e tla re ha etsa joalo, ha ba etsa joalo, Bajuda ba tla amohela kolobetso ea Moea o Halalelang 'me ho be le tsoseletso e tla koala maholimo mehleng ea, "Pula e se ke ea na!" Ba tla etsa lipontšo tsa mefuta le mehlolo. 'Me qetellong bolaoli ba Roma... Bajuda ba tšoere leruo la lefatše, 'me—'me ka hona Kereke ea Roma e Katolike e tla roba tumellano ea eona le Bajuda kamora ntho ena 'me ho tla ba le... (selekane seo ba se tekenileng lipakeng tsa bona), o tla theohela mono, 'me ke mohla Molimo o tla ema joaloka ha A entse koana—khale boholoholo, le ho loanela Iseraele. Ho feleng ba tla bolaea baprofeta bana ba babeli, 'me ba tla rapalla seterateng, ba ba tšoile ka mathe.

¹³² Joaloka ha ba entse moruti enoa oa Pentekosta le mosali oa hae le bana mona diveke tse 'maloa tse fetileng tlase mono, 'me mpanyana e hohomohile *hakaalo*, tsa bana, ba feta ba ba tšoela ka mathe, ba li tlohela li rapaletse mono letsatsing le chesang matsatsi a mararo kapa a mane ba sa patuoe.

¹³³ Ba tla etsa ntho e tšoanang! Bibebe e itsalo! Ba tla etsa ntho e tšoanang mono. 'Me ha ba etsa joalo, kamora matsatsi a mararo, ba robetse ba shoele, Moea oa Bophelo o tla kena ho baprofeta bao ba babeli 'me ba tla tsoha ba nyolohèle Khanyeng. 'Me, nakong eo, lihlase tsa mollo li tla tlola. Ke nako ea qetelo. Ke mohla e felileng.

¹³⁴ Empa pele seo se etsahala, Molichaba, Monyalua ea khethiloeng... Bang ba lona le tla be le lutse tafoleng, hoseng ho hong hona, e mong o tla nkuoa, e mong a sale. Qetellong u tla ipotsa, "Molato ke'ng?" U tla be u palame koloi, u qoqa le motho e mong, mosali kapa mohatsao a lutse setulong; ba ke ke ba arabela, ba tla be ba le sieo. U tla mathela lebitleng, mabitla a mang a tla be a butsoe, a mang a ntse a koetsoe, "Haele bafu ba bang ha ba ka ba phela lilemo tse sekete li eso ho fete." Hopola feela, ho tla be ho felile mohlang oo!

¹³⁵ E tla ba ho khutla ka sephiri, motho a ke ke a tseba mohla e tla etsahala. Re laeloa ho itokisa re shebile. Ha re tsebe ka hora efe. Empa, e ka bang eng, re ke ke ra raka bana ba morao *mona*; hobane, hang feela ha Jesu a hlaha, tebelo eohle ea phaphama. Leha ba shoele kapa ba phela, hase lebaka!

¹³⁶ Ha re—ha re kopane le Eena pele, re kopana le ba bang pele. Bibebe e boletse, Baefese, khaolo ea 5, E itse, "Hobane rona ba phelang le ba saletseng ho tla ha Morena, tlase mona, re ke ke ra raka kapa ra sitisa ba ithobaletseng." Bao ba theko e thata ba tiisitseng mali a bona... ba tiisitseng bopaki ba bona ka mali a bona. "Re ke ke ra raka kapa ho sitisa ba ithobaletseng, hobane terompeta e tla lla." Ntho e tla etsahala, "Evangeli *ntho* e tla letsoa," mokhosi oa ho tla ha Hae. "'Me ba shoetseng ho Kreste ba tla tsoha pele. 'Me rona ba phelang le ba setseng re tla fetoloa." Ho ema, u ntso utloa phetoho e u aparela: moriri o mopotsoa o a fetoha, masoebe a nyamela, ho fetoloa ka

motsotsoana, ka ho panya ha leihlo. 'Me re tla kopana le baratua ba rona pele: "Mama ke eo, Papa, motsoalle oa ka ke eo. Oh, Alleluia, re itokisitse! 'Me joale, 'moho le ba neng ba shoele," ho itsoalo Lengolo, "re tla nkeloa sebakeng ho kopana le Morena." Tatelano ea ho Khutla.

¹³⁷ Oh, ho bona motsofe ntate oa ka! Oh, khili! Ho bona baratua bao ba khale ba theohileng ka Tumelo koana, ho kopana le bona. Na le bona mosa oa Molimo, ho tseba hore haeba re kopana le Eèna pele re tla ipotsa, "Na Mama o kene? Na—na Mama o qeteletse a atlehile? Re rerile ka thata hakaale, ra—ra leka. Na ebe o teng mona? Na Malome Joe o teng mona? Na—na moena o teng mona? Na ebe *Sekete-kete?*" Le a bona? "Morena, rea U rata, re a U rata, empa . . ." Pele re tla kopana e mong le e mong! Oho—oh—oh! Ha u ipotse letho, bohle re teng mono.

¹³⁸ Ha ho makatse ba ile ba ema ba re, "Amen, khanya, le bohlale, le hlompho, le matla, le borena."

¹³⁹ Baholo ba mashome a mabeli a metso e mene ba rola meqhaka ea bona ba e beha fatše 'me ba itihela fatše joalo, bohle ba namalla fatše ba Mo rapela.

¹⁴⁰ Ka le leng la matsatsi re tla ema mose oane oa lefatše, koana, phikolohong ea lefatše, kantle koana sebakeng nqa e 'ngoe; 'me le joale ha re e-so fihle Leholimong, re tla haptjoa ho kopana le Eèna sebakeng.

¹⁴¹ Mohla Rebeka a ne a etsa qeto, ka potlako, o entse qeto ea ho falla le Eliezare a palame kamele ho kopana le Jakobo . . . kapa ho kopana le Isaaka monna oa hae oa kamoso, athe ha e-so 'mone, ho itseba a ne a tataisoa ke Molimo. Mora oa Jakobo, kapa . . . Isaaka o ne a tsotse naheng mantsiboea ha ho pholile. Hopolang, e ne e le nakong ea mantsiboea. 'Me Rebeka a palame kamele. Eliezare a re, "Ke eo a tla joale." 'Me Rebeka a tlola a theoha kamele, ho tlosa lessira sefahlehong sa hae. A e-so 'mone pele. A sa tsebe . . . E ne e le monna oa hae, feela a e-so mo bone. A tla kopana le eèna ka tumelo. (Ha ke Mo tsebe tšobotsi, feela, oh, mohla ke Mo bonang!) Eitsheha a mo bona kantle mono, keha e le lerato ka chalimo ea pele. 'Me le tona a e-so mo bone, eaba o a mo bona, a mo rata ka chalimo ea pele. 'Me ke bana ba fihla ba teanelalinheng. Eaba tona e mo kenya ho behoa 'musong oa ntata eona ea mo nyala.

¹⁴² Kereke e tla hapeloa sebakeng joalo, bohareng ba sebaka, e kopane le Morena tseleng ha A theoha. Oh, e tla ba taba e kakang, lerato la chalimo ea pele! 'Me mohla re emeng mono phikolohong ea lefatše lena re tla bina lifela tseo tsa topollo, oh, khili! Re tla bina re Mo rorisetsa rona . . . mohau o lopollang oo A re bontšitseng oona. Ke mohla Mangeloi a tla ema matlotlosia maphakong a—a selikisi sa lefatše a inamisitse lihlooho, a sa tsebe seo re buang ka sona. Mangeloi ao ha e-so lahlehe, a ke ke a tseba seo pholoso e leng sona. Ke rona ba na beng ba lahlehile, e

ne e le rona. Joale re tla utloisisa botšabeho bo neng bo larile kapele ho rona, athe O re lopolotse ka Mali a Hae, ho tsoa mefuteng eohle, lipuo, le sechaba. E tla ba letsatsi le le kaakang la thabo!

¹⁴³ Ke rata sefela seo, se itse:

Re tla kopana koana sebakeng,
Koana monateng, monateng ka moso;
Ke tla kopana le uena ke u lumelise teng
'Haeng leo mose ho sebaka;
'Mino o kaalo, tsebe ea motho ha eso o utloe,
Ho tla khanya, ke a tiisa hle!
Mohla Mora oa Molimo ka sebele, E tla ba
Tlholi
'Bokeng seo sa sebaka. (Oh!)

Le utloile tsa mothoana Moshe lehlakeng,
Le utloile tsa Davida ea sebete ka letjeketjane;
Le utloile ho phetoa pale ea Josefa ralitoro,
Le ea Daniele le litau re e bina khafetsa.
Oh, fale ba bangata, ba bangata kahara Bibele,
Ke lakatsa ho kopana le bona bohole, ke a paka!
(Ke hantle!)
'Me hasse le thabo mohla re kopanang le bona
'Bokeng seo sa sebaka. (Re emetse letsatsi leo!)

¹⁴⁴ Ke bao ba lona ba likete tse lekholo le mashome a mane a metso e mene, ba tla amohela Evangeli hoba re...ha E ka ke ea amoheloa ka eona nako eo Leseli le ntseng le chabetse Balichaba. Bajuda baa Le latola 'me baa Le pata. Joale, mohla Leseli... Balichaba ba nkeloa holimo, ebe moo Moea o theohelang holim'a ba babeli ba tlang ho paka, ebile Bajuda ba E amohela, e leng ba likete tse lekholo le mashome a mane a metso e mene ba merabe e lahlehileng ea Iseraele ba tla amohela Evangeli; 'me Monyaluoa o tlositsoe.

¹⁴⁵ Joale, ho teng "baroetsana ba leshome." Ha re otleng Mattheu 21, hang-hang. Le a bona, re sa na le nakoana. Oh, ke rata Bibele.

Mohla ke nkang phomolo Leholumong,
E tla ba leeto le monate ha kae;
Ke tla utloa lihlopha tsa Lehlaso la leholimo,
Le menyako ea ka...ke bohe sefahleho sa
'Moloki oa ka;
Ke lule fatše mabopong a noka,
Tlasa moriti oa Sefate sa moremotala;
Ke batla ho jella phomolo ea ka Leholumong,
Na u ka tla ja ea hau le 'na?

¹⁴⁶ Joale, ho e—e Buka ea—ea Santa Mattheu, ke a kholoa khaolo ea 25, ke a kholoa. Ke itse 21, na ha ke rialo? Ke ne ke tšoaila mona 21, empa e fosahetse. Ke 25. Ke ile ka tlameha ho potlaka hoseng hona, ke ne ke...ke tsohile ke khathetse, 'me ka siuoa

ke nako 'me—'me ke—ke ne ke potlakile. Ke ntse ke khoaritsa Mangolo a 'maloa, eaba ke ngola 21 kanthebo ke—ke 25.

'Mohlang oo 'muso oa maholimo o tla bapisoa le baroetsana ba leshome, ba nkileng lilampi tsa bona, ba tsoile ho khahlanyetsa monyali.

147 Joale:

Ba bahlano ba bona e be e le ba bohlale, 'me ba bahlano ba bang e le maoatla.

'Me maoatla ha a nka lilampi tsa oona, ha a ka a li nkela ole:

Empa ba bohlale ba nka oli ka lipitseng tsa bona hammoho le lilampi tsa bona.

Joale kahobane monyali a liehile (mehleng ea mengoaha ena ea kereke), ba otsela . . . ba robala.

148 Tseleng eohle e theohang, ba shoele ba babeli, ba otsela 'me ba robala, le a bona, ha ba theoha ba feta. Joale, ha ba lahleha, ba mpa ba "otsela 'me ba robala." Ba ntse ba letile, le a bona. Ha ho a thoe ba shoele, ba mpa ba "otsela ba robala." Le a bona?

Eare bosiu bo boholo ha etsoa mohoo ha thoe, Bonang, monyali ke eo; tsoang le mo khahlanyetse.

'Me baroetsana bao kaofela ba tsoha, ba lokisa lilampi tsa bona.

Maoatla a re—a re ho ba bohlale, Le re qhatsetse ole; hobane lilampi tsa rona li a tima.

Empa ba bohlale ba araba, ba re, Che; e ke ke ea lekana rona le lona: e-eang ho bao e rekoang ho bona, le ithekele. (Ntšoareleng.)

Ba re ba sa ea ithekela, monyali a fihla; 'me ba itokisitseng ba kena le eèna bohaling: 'me monyako oa koaloa.

Hamamorao baroetsana ba bang ba ntoo fihla, ba re, Morena, Morena, re bulele. (Joale, le a bona, e ne e se bomosalumele, e ne e le batho ba molemo.) . . . re bulele.

Empa karabo . . . Empa a araba a re, Kannete ke re ho lona, Ha ke le tsebe.

Lebelang ke hona, kahobane ha lea tsebe letsatsi leha e le hora moo Mora motho a tla tla ka eona.

149 Joale ba bahlano ba "bohlale" baroetsana. Joale, *oli* ka hara Bibebe e lekanya "Moea o Halalelang." Bohle re tseba seo. Lebaka leo re tlolang bakuli ka oli, 'me oli e lekanya Moea o Halalelang. Ba bohlale ba ne ba nkile Oli lilamping tsa a bona, eona e le Moea o Halalelang, ba ne ba itokisitse ho kenela Selallo sa Bohali ke hona. 'Me re ka khutlela ho—ho—ho Ezekiele 9, joalo le joalo, ho e hula le ho bontša, empa mona ke ngotse Mangolo a ka bang

leshome le metso e mehlano. Kahoo oli e leka-... Ke kholoa re fetile ho eona tlelaseng ea rona vekeng ena, hore *oli* eo, e lekanya “Moea o Halalelang.” Bohle re tseba seo.

¹⁵⁰ Joale elang hloko, bao... bobeli ba bona e ne e le “baroetsana.” Joale e reng ke tšoarane le taba ena. Mona, ha re qotseng ba babeli bana hantle mona. *Enoa* ke moroetsana le *enoa* ke moroetsana, *enoa* e be e le moroetsana ea leoatla athe *enoa* e be e le moroetsana ea bohlale, empa ke baroetsana ba babeli.

¹⁵¹ Joale ha u ka nka lebitso leo *moroetsana* oa le theola, le bolela—le bolela “halalela, hloekile, halalelitsoe.” Lentsoe *halalelitsoe* le tsoa lentsoeng “khalaletelo,” e bolelang, “hloekile.” Joaloka lentsoe la Seheberu... Joale, leo ke lentsoe la Segerike, *halaletsa* le bolela “hloekile.” Joale, lentsoe la Seheberu ke ho “halaletsa.” Le a bona? ‘Me la rona ke “hloekile.” Joale, ba nka mantsoe a mararo, lentsoe ka leng le bolela ntho e tšoanang feela le buuo a ka ho fapana, joaloka e—e lentsoe “hloekile, halalela, halalelitsoe,” boraro ba ona ke lentsoe le le leng.

¹⁵² Joalokaha re ka bua ka lentsoe le kang *ntja*. Ke tla re, “*ntja*,” ke Senyesemane. Ha ke re *ntja* ka Sejereman, Fred, ke “*hund*.” Na ho joalo? Moena Norman, ha ke re *ntja* ka Sepanishe, ke “*ajo*.” *Ajo, Hund*, le *ntja* kaofela ke *ntja* ho rona, le a bona. Le a bona, ho—ho joalo feela, ke polelo.

¹⁵³ Kahoo, lentsoe la Segerike la *hloekile* ke “halaletsa,” lentsoe la Seheberu ke “halalela.” Halalela, hloeka, le halaletsa, ke lentsoe le le leng kaofela. Ka hona ena e ne e se kereke e litšila, e silafetseng; e ne e le kereke e halalelitsoeng, e hloekileng, “*baroetsana* ba leshome ba tsoile ho khahlanyetsa Monyali.” Ebe e bolelang? *Likereke* tsena kaofela. Che... joale, ha se tlase *mona* ka ho ea Roma; empa tlase ka ho mokhatlo oa bolumedi, Banikola. Baptise e rera ho Khutla ha Kreste Labobeli; Methodise e rera ho Khutla ha Kreste Labobeli; Presbeteriene e rera ho Khutla ha Kreste Labobeli; Manazarene a rera ho Khutla ha Kreste Labobeli; Pilgrim Holiness e rera ho Khutla ha Kreste Labobeli. Ke hantle? “Bohle ba tsoile ho khahlanyetsa Monyali.” Joale le—le a hopola hoba e mong le e mong o ne tsoile ho khahlanyetsa e—e Monyali. Joale, haeba Molimo o hlompha seo feela, joale O tlamehile, ho ba amohela le bona.

¹⁵⁴ Le mpe le hopole ntho eona eo, ka papiso ea bosius bo bong, ha Molimo o ne o bua le rona mongoaheng oa kereke ha thoe “Balaame, thuto ea Balaame.” Joale, Balaame o ne a eme mona, eena e le sechaba se khabane, se seholo se hlophiloeng. ‘Me e ne e le balumedi ho Molimo, hobane le shebe seo Balake a se entseng mohla a theohang... Balaame, ke rialo. O nyehetse ho Molimo sehlabelo se tšoanang le sa Iseraele, Molimo oa Iseraele, Jehova. ‘Me o ahile lialetare li supile. Supa ke palo ea Molimo e feletseng.

¹⁵⁵ “O sebelitse matsatsi a tšeletseng, ’me Oa phomola ka la bosupa,” e feletse, le a bona, supa. O sebelitse lefatšeng matsatsi a tšeletseng. Lilemo tsa pele tse likete tse peli, le sentsoe ka metsi; lilemo tse likete tse peli tsa bobeli, Kreste a fihla; ’me tsena ke likete tse peli tsa boraro joale. Qetellong ea likete tse ling le tse ling tse peli, ntho e a etsahala, lefatše le boela le sisinngoa. Lilemong tse likete tse tšeletseng, O bopile lefatše; lilemo tse likete tse tšeletseng kereke e sebetsa khahlano le lefatše; ’me sekete sa bosupa ke lilemo tse sekete tsa ’muso oa Mileniamo. Le a e utloisia joale?

¹⁵⁶ Joale, kereke e na le Mengoaha e Supileng ea Kereke, hape. Molimo... ’Me eo ke palo e feletseng ea mongoaha oa kereke, ke phetho, supa. *Supa* ke palo e feletseng ea Molimo. Mengoaha e Supileng ea Kereke, lilemo tse likete tse supileng tsa tlholeho, ntho ka ’ngoe e sebetsa ka supa.

¹⁵⁷ Joale, ke bao baroetsana ba tsoileng ho Mo khahlanyetsa. ’Me ba “maoatla” baroetsana, joale, ha ba tšela Oli lamping ea bona, feelsa ba nkile tse ling lisele: ba ne ba hloekile, ba lumetsse ho Kreste; ba rerile Lentsoe leo ba le lumetseng, mokhatlo oa bona o ne o ba lumella ho rera, ba rera seo, ho Khutla Labobeli, Sehlabelo, Tefelo. Ba lumela. Ako teane le moithuti ea khabane oa Baptise hang, (huh) u mpe u tsebe seo u se buang, uh-huh, ehlide o ne a se tšoere.

¹⁵⁸ Empa, le a bona, “Ho bapa hakaale,” ho itsoalo Mattheu 24, Mattheu 24:24; e bale hona joale u tla bona. Jesu o buile taba eo matsatsing ana a qetelo mee a ’meli e ne e tla bapa ho ka thetsang le bona Bakhethoa hola ke ntho e ka etsoang. E tla bapa hakaale e tla tsokotsa Mapentekosta sa ntho eo u sa e tsebeng. Ehlide! Joale, Mattheu 24:24, o teng motho ea e tšoereng? Ha ke a e fumana hang mono. U e fumane mono, khaitseli, kapa mang oa lona? Mattheu 24. U e fumane, Ben? Ho lokile, e bale.

[Khaitseli o a bala: *Hobane ho tla hlaha Bakreste bohata, ba bohata—boKreste ba bohata,—Mong.] Bo-Kreste ba bohata!* [le baprofeta ba bohata,] Baprofeta ba bohata! [’me ba tla etsa mehlolo e meholo le meeka; e ka thetsang, le bona bakhethoa, hola ke ntho e ka etsoang.]

¹⁵⁹ Ke moo. Joale, ho tla hlaha eng? Ho tla hlaha bo-Kreste ba bohata, batho ba bohata ba reng, “Na ke oa Kreste.” Baprofeta ba bohata, ba reng, “Ke sena ’me ke sane.” ’Me ba tla thetsa le bona Bakhethoa hola ke ntho e ka etsoang. ’Me u bolokeha ka tsela e le ’ngoe feelsa, ke ha u ne u khethoe pele lefatše le theoa; ke ho re, Bakhethoa, ka boitsebelopele, lebitso la hau le ngotsoe Bukeng morao mane. “Lipontšo tse kholo!”

¹⁶⁰ Joale elang likereke tsena tse peli hloko. Oh, ha nka khona... hola nka fumana mokhoa hore batho ba E bone. E chesa moeeng oa ka feelsa! Sena... likereke *tsena* li hloekile li bile li halalela joaloka *ena*; efela ha e le baroetsana bohole, ke

baroetsana bohole, ba hloekile ha *kaalo* feela. Phapang feela e le—e le Oli ka lamping, Moea o Halalelang. 'Me Moea o Halalelang, haeba O le teng ka mono, O hlahisa mollo oa mofuta oa Oona mohla Pentekosta. Empa ha ba na mollo, ha ho Oli lamping ea bona. Ba t̄soere moetlo oa kereke, moetlo oa kereke kamoo—kamoo ho ka etsoang, mekete e metle (ha ho letho khahlano le eona), litumeloana tse ka u sisinyang letsoalo, le lifela tse kang ho bina Mangeloi. 'Me ba a . . . u tla . . . supa ka monoana oa hau ho . . . bophelo ba bona, u ka sitoa. Empa e sa ntse e fosahetse! Ha se . . . ke—ke karolo ea Lona, feela ha se *kaofela* ha Lona. Ke ona mofuta o fosang Hloibilo oo. Le a bona? Ba mpa feela . . .

¹⁶¹ Joale elang hloko. Moabe ke enoa a theoha. Ke tla e fetisetsa hantle mona le tle le e bone. Moabe ke enoa, mokhatlo o moholo, ke tla ngola mona "bakeng sa" mokhatlo; Iseraele ke enoa, "ha ho" mokhatlo. Moabe ke enoa, o hloma 'ngoe, peli, tharo, 'ne, hlano, ts̄elela, lialetare li supile; Iseraele o hahile 'ngoe, peli, tharo, 'ne, hlano, ts̄elela, lialetare tse supa. Ho lokile. Moabe holimo mona o hloma 'ngoe, peli, tharo, 'ne, hlano, ts̄elela, lipholoana li supile; Iseraele, 'ngoe, peli, tharo, 'ne, hlano, ts̄elela, lipholoana tse supileng. Ho lokile. Moabe a re, "Nako e a tla eo ka eona ho tla fihla monna (Kreste) lefatšeng, ka hona E tla be e le Konyana ea Molimo e tlosang sebe sa lefatše, re tla hloma tse supileng" (eng?) "likonyana aletareng ena"; Iseraele a re, "Ke hantle feela, likonyana tse supileng aletareng." Le a bona?

¹⁶² Joale, hona t̄simolohong, Kaine o hahile aletare, a hlahisa sehlabelo, a rapela, a etsa sohle seo Abele a se entseng, ntle le . . . (Oh, E amoheleng!) . . . ntle le t̄senolo ea Molimo, athe, Kereke eohle e ahiloe holima t̄senolo eo. Jesu o boletse joalo, "Holima lefika lena Ke tla haha Kereke ea Ka." 'Nete e senotsoeng ka moea ea Bolimo bo phahameng ba Jesu Kreste, "Holima Lefika lena Ke tla haha Kereke ea Ka."

¹⁶³ Joale, efela ha Molimo o hlompha moetlo oa hau, litšebeletso tsa hau, joaloka Mamethodise, Mabaptise, Mapentekosta, joalo-joalo, efela haeba O lebeletse hore u etse seo feela, ho rera ho Khutla Labobeli le lintho tse ling tsena tsohle (seo, se khema le Mangolo ruri), joaloka Baptise, Presbeteriene, ha e etsa, joale Molimo o tlamehile ho li amohela bobeli hobane e le sona feela seo O se hlokang. Empa, le a bona, kantle ho t̄senolo, moroetsana ea robetseng ke *eo*; moroetsana ea bohlale ke *enoa*. E ne e le mokhatlo, sechaba se seholo.

¹⁶⁴ Re balile bosiu bo bong, moo E itseng, "Batho bana e ke ke ea eba mokhatlo, e tla ba bajaki naheng, ba ahileng litenteng, bafumanehi, ba ikokobelitseng." Empa ha thoe, "U se ke oa leka oa ba rohaka, hobane Ke na le bona." Joale shebang! Batho bana ba lumetse oona moetlo o lumetsoeng ke bona, 'me ba rapela Molimo o le mong. Le a bona? Empa ba ne ba sa ateloa ke lipontšo le meeka! Iseraele e ne e e-na le Noha ea Borase, Lefika le

otliloeng, thabo ea Morena, pholiso ea Khalalelo, baporofeta, le sohle tlase *mona*. Athe bona che, keha ba tšoere moetlo kantle—kantle ho lehlohonolo, Oli.

¹⁶⁵ Ho a tšoana le ka moroetsana ea robetseng le ka moroetsana ea bohlale, bobeli e ne e le batho ba halalelitsoeng. Empa *enoa* a e-na le Oli. Athe *enoa* a se na Oli, ka hona ba re, “Re lokile hakaalo ka lōna.” Hoo... Ha ho ea lokileng hara rona, tabeng eo. “Khele, le sehlopha sa bathethehi-bahalaleli!” Be, ke botle, uh-huh, ke hantle haholo. Ha ho ea lokileng le a mong hara rona, bohle re sitiloe ‘me re haelloa ke khanya ea Molimo. Empa u ka E tseba ka mokhoa o le mong feela, ha se ka ho ngolisa le kerek, ha se ka ho leka ho phela hantle, empa mohla u amohelang Kreste. Ha se seo ke se phelang; ke seo A neng a le sona. Ha se seo ke leng sona; ke seo A leng sona. O fetoha ‘na ho re ‘na, ka mohau oa Hae, ke be Eena, mora oa Molimo. Le a bona?

¹⁶⁶ Joale, moroetsana ea robetseng, le moroetsana ea bohlale ea nkileng Oli lamping ea hae. Joale, hang feela, ha utloahala mohoo, “Bonang, Monyali o a tla, tsoang le Mo khahlanyetse!” ‘Me ba phaphama. Empa ha ba entse, *enoa* a ka kena kahobane a tšetse Oli lamping. E ne e le phapang.

¹⁶⁷ *Enoa* o sitiloe ho kena, moo Oli e sa tšeloang lamping; ba khutletse morao ho rapelisia, ho amohela Moea o Halalelang. Empa, ea re ba ile, eaba ho felile. Malumeli a re, “Be, mohlomong esale re fositse. Mohlomong molemo ke ho khutlela morao, re batle kolobetso ea Moea o Halalelang.” Ke seo ba lekang ho se etsa joale. Na le hlokometse taba eo? Mapresbeteriene... Tšoara teipi ea hau nakoana, ha ke batle ho bitsa lebitso lena. [Sekheo lebanteng—Mong]....?....Monyali a fihla. ‘Me, be, ho khutla ha Hae ho atametse hakakang ke hona, haele moo ba tlohile joale ba ea leka ho reka! Ho lokile, bulela teipi ea hau, Gene. Joale, le a e tšoara na? “Eare ba sa ile ho reka,” hona joale ba leka ho reka, likereke tsohle di leka ho futha tsoseletso, tsoseletso; e leka ho khutlela morao.

¹⁶⁸ Joale, esita le ho fihla ho Ngk. Billy Graham, ea ngotseng *Herald of Faith*, le e bone, ho tsoa Chicago, ‘me ho itsoe “Re sitoa ho iphapanya khato ea Pentekonta.” Le a bona? “Re ke ke... komoloha bona, hobane ba sokolotse bongata selemong ho feta likereke tsohle ‘moho.”

¹⁶⁹ Ke mollo oo o tukang hantle feela, o tsukutlang, o hlokolang, ho akhela letlooa le ho hula. ‘Me ha u akhela letlooa... Jesu o itse, “Muso oa Molimo o bapisoa le motho ea tlohileng ‘me a akhela letlooa leoatleng, ‘me hoba a hule, a tšoasa likhulu, linoha, linqanqane, linoha, ntho eohle e sele, a mpa a tšoasa lihlatsoana tse ‘maloa, hape.” Ke seo molaetsa oa Pentekonta o se etsang, o haola le lefatše; ho e lahlela kahare le ho hula, re tšoasa likhulu, li-crawfish, li-crawdads, mekulubete, lintja tsa

metsing, lioqili-tsa-lihele, le ntho eohle ka mono. Empa ke eng, hlapi tse ling li teng ka mono, hape. Ke tsona tsa Mong'a rona.

¹⁷⁰ Ho lokile, ho lona boramolao ba lumelang ba leng teiping ena, le ka rata ho e chesa: Li fetohile lihlapi neng? Mohla letlooa le neng le li tšoasa? E ne e le lihlapi le tšimolohong! Ke hantle. Li khethiloe ho tloha motheong oa lefatše! Ha li ke li sebelisoa ke Mong'a rona le ka mohla.

¹⁷¹ Seo ke senqanqane sa hau. U nka senqanqane sa khale u se lahlela lebopong, feela “whop, whop” se khutlela hantle metsing.

¹⁷² Le crawfish ea khale e lutseng mono, ho re, “Aha, bao ke bathethehi-bahalaleli.” Ke eo e khutlela morao, “Ah—ah—ah—ah—ah. Oh, che!” Ho khutlela seretseng ka lebelo la bokhoni ba sona. Ke hantle.

¹⁷³ Noha ea khale e hoeshetsang nakoana, “Ke lumela matsatsi a mehlolo a fetile, Ngaka *Sekete-kete* le *Sekete-kete* ba mpoleletse.” A re, “Ah—ah—ah—ah—ah—ah, u ke ke oa nthetsa!” Ke eo e tloha, hantle mono hape, le a bona.

¹⁷⁴ Noha, le ho qaleng! Senqanqane, le qaleng feela! Pauluse o boletse Bibeleng, mofuta oo, o itse, “Ba tsoile ho rona kahobane e ne e se ba rona le ho qaleng.” Le a bona? Uhm! Ho lokile, moroetsana ea sethoto.

¹⁷⁵ Moroetsana ea bohlale ea tšetseng Oli lamping ea hae, o ile a itokisisa.

¹⁷⁶ Joale, “eare a sa ile ho batla Oli,” ke seo ba ntseng ba leka ho se etsa hona joale. Likereke tsena tse kholo tsa boevangeli, li leka ho fumana lintho tsena tse kholo, le a tseba, le ho etsa . . . khutlela Bibeleng, morao, “re hloka Lehlohonolo la Pentekonta.” Khele, ha u nahana ebe ba tla tšoara tšebeletso ea mofuta mong, le a bona. Ba ke ke ba theohela mono ‘me ba hlekemanya ferefepilo eohle ea bona, le lintho tseo tsohle. Oh, che. Ba ke ke ba tela maquloana le disosaiti le lintho tse joalo. Ho fupara lefatše joaloka Esau, athe letsoho le leng, le leka ho qhautsa Moimo. U ke ke oa khona. U ke ke oa ba Mokreste ea pelekaneng mahlo, le a tseba, ho sheba Molimo le lefatše hape. Setsi sa hau eka khona e be mane Kalvari, ho tiisetra Seo hantle mono.

¹⁷⁷ Joale, empa ke bao ba tloha, ‘me ba leka ho khutlela morao. Hape ako hopole hore re haufi ha kae! Ka eona nako eo ba tlohileng ho ea reka, ke mohla Monyali a neng a fihla.

¹⁷⁸ Oh, Moena Stricker, re haufi le mono! Re atametse Lapeng hantle. Oh, moso o mong ona:

Terompeta ea Morena e tla lla, ‘me nako e tla
fela,
Hoseng hoo ho se nang maru hoa Bosafeleng,
ho khanyang;

Ha bapholosuoa ba Hae ba tla kopana Haeng
 la bona mose ho maholimo,
 (E tla ba nako e kakang!)

¹⁷⁹ Yaa, moroetsana ea robetseng. O tla... Moroetsana enoa ea robetseng joale, le batla ho tseba se tla etsahala ka eena. Na ke eona? Ntho e le 'ngoe eo ke batlang ho e hhalosa. Ho tla etsahalang ka likereke tsee? Ho tla etsahalang ka batho bana ba tsamaeang sekoto sa tsela le Kreste, 'me ba sa ka ba tla, kapa ba sa tsamaea tsela eohle le Kreste?

¹⁸⁰ Joale ho Baroma, ke a kholoa, 2:22, Bibebe e itse, Pauluse o itse, "Ekareha Moea oa Molimo o sa aha ho uena, ha u oa Molimo." U setho sa mokhatlo feela 'me ha u oa Molimo. Ha Moea oa Molimo o sa aha ho uena, ha u oa Molimo. U a bona. Ho ba oa Molimo o lokela ho ba le Moea oa Modimo. Ka sebele!

¹⁸¹ Ho lokile, monghali, "Tlokotsi e Kholo." Joale, joale haeba u... Ba tla tlameha ho feta... Joale, le a hopola, O itse... Joale e reng ke finyelle tse ling tsa, "Ba lahletsoe lefifing le kantle, moo ho tla ba le lillo, le liboko, le litsikitlano tsa meno." Ho lokile, ke Tlokotsi e Kholo. Ha se eona? Tlokotsi e Kholo! Joale, kamora Tlokotsi ena, batho bao...

¹⁸² Joale, e reng ke e tšoare hape mona, ke masala. Joale bonang! Sekotoana sa lithepa ke *sena*. Ho lokile, mofumahali enoa o se phuthulla *tjena*. Joale o tilo ithokela nthoana, le a tseba, seaparo sa mofuta. Joale, hona ke—ke ho fela ha thepa a e tšoereng. Joale, karoloana eohle ke thepa ea mofuta o tšoanang. Ke hantle?

¹⁸³ Baroetsana bao bobeli. Le a bona? Ho lokile. Ba ne ba e-na le tumelo ho Kreste, sebopoho sa borapeli, ba kena kereke, ba entse lintho tse ntle, thekolohelo, ha ho letho le ka boleloang khahlano le mesebetsi ea bona le lintho. "Ke tseba mesebetsi ea hau," O itsalo mongoaha o mong le o mong. "Ke tseba mesebetsi ea hau, feela u a haelloa." Le a bona?

¹⁸⁴ Joale, ha mosali... o qeta kelellong ea hae kamoo a tlang ho sebelisa paterone ena, me o qeta kelellong ea hae kamoo a tla seha paterone ena, hore e tla sehoa ho eng. Na ke hantle? Be, o itholla seo a nahananang se lekane homme e le sekoto se khabane ka ho fetisa sa—sa paterone. Na ke hantle? Hobane ke lithepa tse tšoanang kaofela, empa a ka se ala *tjena* kapa *joalo*, o se ala fatše. A ntoo nka sekere sa hae e be o a se seha. Joale, ho setseng ho bitsoa "masala." Ho lokile. Joale, ebe paterone ena keng? E tsebiloe joang? Ke eo... tulo eo mofumahali a khethileng ho se seha ho eona.

¹⁸⁵ Molimo, pele lefatše le theoa, O tsebileng qetello esale qalong, O *khethile* moo a tla seha teng. O tsebile phapang lipakeng tsa Esau le Jakobo. O tsebile ho khethahanya moetsalibe ho mohalaleli. O tsebile phapang. O tseba morero oa lipelo tsohle, ka hona O re khethile pele lefatše le theoa oa beha mabitso a rona Bukeng ea Bophelo ea Konyana; hape le Konyana

e neng e tla hlajoa (le ho beha mabitso a rona *pele* A hlajoa), 'me Bibebe e itse Kreste e ne e le Konyana e hlajuoeng pele ho theoa lefatše. 'Me mabitso a rona a behiloe Bukeng mohla A—A neng a khethoa morao mane ho ba Konyana e tla hlajoa, re ne re khethoe ho ba bao A hlabetsong bona. Le a e bona?

¹⁸⁶ Joale, ke baroetsana kaofela. Joale, masala a manyenyane ke *ana*, ha a lahloa. Oh, che. O a se boloka, empa o a se beha, a ka se sebelisetsa ho hong. Le a bona? Empa ha se sebelisoe *mono*, eo ke Kereke e sehiloeng. Joale, ba tla tlameha ho ema kahlolong (hobane ba feta Tlokotsing), ao ke masala. Joale na le a e tšoara?

¹⁸⁷ Kereke e tloha *mona*, Lapeng, e ea Lapeng. Masala a setseng ke *ana*. 'Me ba likete tse lekholo le mashome a mane a metso e mene ke bana holima Thaba Sinai, Bajuda. Ha se banyaluoa ba bararo ba fapaneng. Huh! Ke Monyaluo; masala; le ba likete tse lekholo le mashome a mane a metso e mene. Hantle feela. O ne a sa je letho haese Lijo tsa Moea o Halalelang kantle mono, ke a kholoa, ka hona o ne a itoketse, ho ne ho se letho le phoso ka Johanne. Le a bona? 'Me mono—ke bao moo ba leng teng.

¹⁸⁸ Joale, nakong ea qetello, ba ba kae ba tsebang hore Bibebe e rialo "bahalaleli ba tla ahlol lefatše"? Pauluse o itsalo. Ha re phetleng joale ho—ho Buka ea Daniele re fumane Terone e Tšoeu. Re ka e hotolla ho Tšenolo empa ke rata ho e ntša ho Daniele, ke ntho e tšoanang. Daniele 7, 'me re tla tšoara—Kahlolo ea Terone e Tšoeu e kholo mona. Ha re qaleng ka temana ea 8 ea khaolo ea 7 ea Daniele:

'Me ha ke bona manaka ao, 'me, bonang, lona lenakana
le leng la hlaha pakeng tsa a mang, 'me manaka a pele
a mararo a khoroloa ke lona: (Joale, mono re a tseba re
kahara Roma, joale. Le a bona?) 'me bonang, lenakana
le ne le na le mahlo . . . a eena motho, (Joale, hopolang,
lenaka lena ha le a amohela moqhaka, e ne e le ntho e
mano. Linaka tse ling li ile tsa fetoha libatana. Lena le
ne le le mano, e ne e le monna, mopapa e seng mopagane,
le a bona.) *le molomo o buoang ka boikakaso.*

¹⁸⁹ Joale shebang, temana ea 9:

Ka talima ho fihlela literone li ba li beoa, (Ke mebuso eohle ea Balichaba koana. Moporofeta enoa o a bua. Joale hopolang, tsohle tseo a li boletseng li etsahetse ho fihlela hantle ho ntho ena ea ho qetela, re tseba seo ka nalane ea rona eo re e balang.) . . . eo . . . ba—ba *li beoa*, 'me *Moholo oa matsatsi a lula*, liaparo sa *hae se ne se* *le sesoeu joaloka lehloa*, (Le tseba hoba e ne e le mang bosiung bo bong ponong eo? Jesu.) *moriri oa hlooho ea hae o le joaloka . . . boea bo hlatsoehileng:* 'me *terone ea hae e ne e tsoa malakabe a mollo*, *le mabili a eona a le joaloka mollo o tukang.*

'Me nōka ea mollo e ne e tsoa ho eena e matha pela hae: o ne a sebeletsoa ke likete atisa likete, (Kereke ke eo e khutla le Eena, le a bona.) 'me mashome a likete atisa ka mashome a likete li ne li eme pela hae: (Ke Monyaluoa ea nyolohang, le lefatše le leng lohle.) 'me baahloli ba lula, me libuka tsa phetloa.

. . . baahloli ba lula, 'me libuka tsa phetloa.

'Me ke ne ne ntse ke ba talimile 'me ka baka la lipolelo tsa boikakaso tse boleloang ke lenaka: 'me ka talima ho fihlela sebata se bolaoa, 'me 'mele oa sona oa felisoa, 'me o neeloa nqa ho chesoa mollong o tukang.

Haele malebana le bafu ba bang, tse nang tsa amohuoa bore- . . . (Ke bolela) . . . libata tse ling kaofela (Ke bolela), tsa amohuoa borena ba tsona: 'me tsa ekeletsoa maphelo ho isa mohla le nako.

¹⁹⁰ Joale, kahlolo ea lula 'me ha phetloa Libuka. Ke mohla Monyaluoa a khutlang a hlophisa kahlolo, 'me Kereke e khethiloeng . . . Kereke e neng e nyolotsoe e tla khutla kamora lilemo tse tharo tseo le halofo, 'me kamora nako . . . 'Me koana ho Tšenolo e a e hlahisa, e boletse hore—hore—bona “haele bafu ba bang ha ba ka ba phela lilemo tse sekete li eso fete.” Lona, ke ba bakae ba e balileng? Ka makhetlo, a mangata. “Ha ba ka ba phela mehleng ea lilemo tse sekete.” Jesu o khutla le Monyaluoa, 'moho le Monyaluoa.

¹⁹¹ Joale hopolang, joaloka ha ke boletse, tsohle li khema ka boraro. Ho Tla ha Hae ho matha ka boraro: khetlo la pele, O tlie ho lopolla Monyaluoa oa Hae; khetlong labobel, O tlela ho nka Monyaluoa oa Hae. E itšoanelia le lerato, o fihla a mo utsoa bosiu, ho mo tlosa lefatšeng, “ho kopana le Eena sebakeng.” Ho Khutla ha Morena ka sekhukhu, le a bona. Lekhetlong labobel ha A etla, ke ho amohela Monyaluoa oa Hae. Khetlo la pele, ho Mo lopolla; khetlo labobel, ho Mo amohela; 'me khetlo laboraro, 'moho le Eena, Khosi le Mofumahali!

¹⁹² 'Me ke enoa A khutla ka kahlolo holima lichaba. Pauluse o itse, “Na ha le tšabe ho ahloleloa litseko ke makhota? Ana ha le khone ho ahlola litseko tse nyenyane, ana ha le tsebe bahalaleli ba tla ahlola lefatše?” Ke ena kahlolo e neiloeng Kreste le lephako la Hae; ke babuelli kahara lebokose, 'me ke eo O lutse Teroneng. Monyaluoa ke enoa, 'muelli.

¹⁹³ 'Me eaba bana mona ba nyoloha. Ha phetloa Libuka, le Buka e 'ngoe e leng Buka ea Bophelo.

¹⁹⁴ Joale, Buka ea pele e ne e le Buka ea moetsalibe, ea ileng a lahleloa koana. Ho lokile. O ahlotsue le ho qaleng. Tseo ke—ke lipoli. Ha li fumane le monyetla, le a bona, ke moetsalibe le ho qaleng. Ho lokile, joale, o lahliloe.

¹⁹⁵ 'Me ho linku, ba emetse kahlolo. Ba ile ba lokela ho ahloloa, 'me bahalaleli ba lokela ho ba ahlola. Molimo ha o khopo. Haeba bahetene ba le teng koana naheng e hole, 'me re aha litempelana tsa gauta tsa dimilione tse robeli-tse leshome mona Amerika sebakeng sa ho ba isetsa Molaetsa koana, Molimo o tla re jarisa boikarabelo, a ba baballe. Ehlile! Molimo ha o khopo.

¹⁹⁶ Lona—lona mona, haeba le e-so bone Sena pele, le—le ka tšoha le sa tlo jarisoa boikarabello, empa joale o jere boikarabelo! Le a bona? Bohle le jere boikarabelo... 'Me re jere boikarabelo ba ho jara Molaetsa, o jere boikarabelo e bang u E utloa kapa che.

¹⁹⁷ Joale, bahetene ba tla hlaha, batho ba kantle mono ba khumamelang seemahale. Ha ba tsebe ho fetisisang mono. Ha ba tsebe letho ka Lona. Molimo ha o khopo, O ke ke oa ba ahlola ba sa fuoa monyeta. 'Me ba tla balloa sebaka.

¹⁹⁸ 'Me ka hona kahara Kereke, mongoaha o mong le o mong ho theoha le mongoaha ona oa kereke, ho qala—qala ka Efese ho theohela tlase *mona*, Molaetsa, Molaetsa oa 'nete oa Kreste joaloka ha O entse tšimolohong (kolobetso ea Moea o Halalelang, matla, tsoho, ho bua lipuo, ho fetola lipuo, lineo tsa pholiso, kolobetso ka Lebitso la Morena Jesu, lintho tsohle tseo A li rutileng), setho ka seng sa Monyalua eo se tla ema joaloka 'muelli.

¹⁹⁹ Nyeoe ea motho ke ena e kena: "U ne u tšoere kopano mane *Hore-le-hore*, na u mo joetsitse?"

²⁰⁰ Joale 'muelli: "E, ke mo joetsitse." Ke eo e Bukeng, u ke ke oa e latola, esita le mehopolo ea rona e ho Eona. Le a bona? U ke ke oa e latola. "E, ke mo joetsitse hore u tlameha ho kolobetsoa."

"Mono Jeffersonville, mono kahara tabernakele, mono?"

"E, Monghali, ke—ke... Uena..."

²⁰¹ "Yaa, ke ena e kahara Buka, u ba boleletse hore ba *lokela* ho e etsa. Ebile ba batlisitse Lengolo 'me ba Le fumane le nepahetse, empa ha ba e phethisa."

²⁰² "Tloha ho 'Na, uena ea sebetsang bokhopo, ha Ke a u tseba le mohla." Le a bona?

²⁰³ Ke hona moo A arolang lipoli ho linku, le a bona, ho lahlela ba bang ho le letona le ba bang ho le letšehali. Lihopha sa lona tse tharo ke tseo li khutla hape.

²⁰⁴ Empa, sehlopha *sena* se ke ke sa ba mmoho le sehlopha *sane* le ka mohla, eo ke Monyalua. 'Me, le a eelloa, Monyalua o na le Eena kahara Tempele. Ba bang ba sebetsa ka thata 'me ba tlisa hlompho ea bona 'Musong, empa Monyalua o na le Monyal molebe. Ba bang ha ba abeloe letho; joaloka *bana* tlase mona, ba tla sebetsa, ba ke ke ba lahloa, hobane O ba arotse joaloka linku ho lipoli. Empa o...

²⁰⁵ Empa pōli e ne e se na kutloisiso ea Lona, e sa tsotelle letho ka Lona. E ne e le poli, 'me a khotsofetse joaloka poli, 'me ka hona o shoele joaloka poli 'me ebile pheletso ea hae. E ne e le phetho, le a bona.

²⁰⁶ Empa linku, haeba a...haeba Molimo a e koetlike hore ke ne ke eme mono le bahedene ba sa kang ba utloa letho. Kahoo haeba u bolella batho Evangeli ena...

²⁰⁷ 'Me ke tlameha ho ema. Na ha le hopole phetolelong e kholo eo A mphileng eona nakoana e fetileng, hore ke tlameha ho ema mono le batho bao 'me—'me ke tla ikarabella ka bona? 'Me ka bona mono ho eme dimilione tseo, ka re, "Na ke maBranham bohle?"

Ho re, "Che." Ho re, "Ke basokolloa ba hau."

'Me ka re, ka—ka re "Ke batla ho bona Jesu."

A re, "E seng joale. Nako e tla ba teng pele A fihla. Empa O tla tlela uena pele 'me u tla ahloloa ka Lentsoe leo u le rerileng, 'me ba phomotse holima Hono."

Ke itse, "Na bohole ba tla tlameha ho sebetsoa joalo? Na Paulose o tla tlameha ho ema?"

A re, "E, Pauluse le eena o ema, le sehlopha sa hae seo a se reretseng."

Ka re, "Ke rerile Molaetsa o tšoanang le oa hae."

²⁰⁸ 'Me dimilione tseo tsa phahamisa matsoho a tsona tsa re, "Re phomotse ho seo!" Ke moo, le a bona, hantle mono! E. Ho re, "Re ntano khutlela lefatšeng 'moho ho fuoa 'mele o ka jang, 'me re a noa, le ho phela hammoho lilemo tshole tse sa khaotseng mono." Ke hona ho tla ha Morena. Ho lokile.

²⁰⁹ Joale, motsotsa feela. Joale, ho...Ho atamela haufi joale, hobane e se e batla e le haufi le...nako ea moena oa rona mona ea tšebeletso ea kolobetso kapa sohle seo a tlang ho se sebelisa.

²¹⁰ Ho lokile, joale, mehleng ea mongoaha kereke ona. Oh, ntho e ntle haholo ke ena. Ke e rata haholo. Mehleng ea mengoaha ena ea kereke, meeа e 'meli e sebetsa e bapile e batla e tšoana tlase *mona*; o mong ke bolumeli, o mong ke Moea o Halalelang. Jesu o itse, "E ne e bapile ho ka thetsang le bona Bakhethoa hola ke ntho e ka etsoang." Meea e 'meli ena e tšoaela batho ba eona kahlolo e tlang. Satane o tšepisitse hore ba hae...hore o tla fumana bongata bo fetang ba Kreste, 'me o bo fumane. Joale, hlokomelang sena ka hloko, ea sebele hantle joale ha re fihla mona: ho feta kamoo O—O ka khonang kateng, ho tšoaea batho.

²¹¹ Bongata bo tšoana le Eva. Eva o eme ho lekanang ho thetsoa feela. Hola a se ke a ema, thetso e ka be e sa fihla. Empa Eva a ema, 'me eitseha a ema, ke hona moo a nkileng thetso ea hae. Sebakeng sa ho hatella ka matla le...Na le—na le ntse le ntatetse—ntatetse ka hloko joale? Mamelang! Lebaka leo Eva

a thetsitsoeng... Ha re e bueng 'moho, ho ikholisa hoba le e fumane. [Moena Branham le phutheho ba le 'ntsoe leng—Mong.]: “Lebaka leo Eva a thetsitsoeng, ha a ka a boloka Lentsoe la Molimo le tletseng.” Satane o mo qotsetsa Lona, feela ha a mo bolella 'Nete eohle. Le bolumeli ba hae ha bo etse joalo. Le a bona? Empa a lula halelele ho lekaneng ho fumana karolo ea Lentsoe, 'me a se ke a nka Lentsoe *lohle*.

²¹² 'Me ke bona bothata kajeno, moroetsana ea robetseng o lutse halelele ho lekana ho amohela karolo ea Lentsoe empa e seng Lentsoe *lohle*. Kereke e thetsitsoeng e lula nako e telele ho lekana ho fumana karolo ea Lentsoe empa eseng Lentsoe *lohle*, athe ba ne ba tsepahetse eibile ba tsepahala ka eona. Eva o thetsitsoe! Bibebe e itse, “O thetsitsoe.”

²¹³ Ha se Adama ea thetsitsoeng. Adama o tsebile hantle hoba o etsa phoso; empa mosali oa hae, ka ho etsa lintho tseo a li entseng, a susumetsa ton a ho—ho nka kabelo ho se thibetsoeng. Hobaneng, e ne e le monna, le a bona, 'me ho eena e—e ne e le ka mokhoa oo a... Le a utloisia, le a bona. O tsebile hoba o a fosa, empa Eva o hopotse a etsa hantle.

²¹⁴ Oh, na ha le bone? Lebaka leo Pauluse a thibelang mosali ho ruta Evangelie le ka mohla. Uh-hum. O ne a—o ne a kene... Ke eena ea thetsitsoeng. “Ha ke lumelle mosali ho ruta, leha e le ho laola ka mokhoa ofe, a mpe a ikhutsetse.” Le a bona? “Hobane—hobane Adama o bopiloe pele, ea ntano ba Eva. 'Me ha se Adama ea thetsitsoeng, empa e le mosali ea thetsitsoeng, a oela tlolong.” Ho re, “Leha ho le joalo, ka hona, ha a lahleha; o tla bolokeha ha a tsoala bana (haeba a na le monna), le joalo-joalo, ha a tiisetsa, tumelong le ka hlompho le ka khalalelo, o tla bolokeha. Empa le ka mohla a se ke a lumelloa ho ruta kapa ho laola!” Le a bona? Pauluse o itse, “U se ke oa e etsa!” Ho re, “Joale, le 'na ke lekanya hobane ke na le mohopolo oa Morena,” o itsalo.

²¹⁵ Ba re, “Khele, eona... Khele, baporofeta mono ba porofetile 'me ba re boleletse hore re 'loketse ho rera.”

²¹⁶ O itse, “Eng? Ana Lentsoe la Molimo le tsoile ho lōna, ana le tsoile ho lōna le le bang? Ekare ha motho a lekanya hoba ke motho oa moea kapa moporofeta, a lemohe hobane seo ke se buang ke Melao ea Morena.” Le a bona? Ke hantle. O ne a tseba seo a buang ka sona.

²¹⁷ Empa a re, “Ekareha a hloka temoho, mo tlohele a hloka temoho. Ke phetho. Ha a—a sa Le mamela, be, mo tlohele a tsoelle feela, o habile hantle ka kotloloho tlase mohohlong. Le a bona, empa tsoella feela.” Empa mono, meea e 'meli eo.

²¹⁸ Lebaka. Joalokaha ba kentse basali matleng a sepolesa, kantle literateng. Ke sekhobo ho folaga ea Amerika, ho bea bomme bao kantle mono seterateng. Athe banna ba mashome a likete ha ba na mosebetsi! Hobaneng, ke sechaba sa mosali, ke sebaka sa mosali, mosali o tilo hapa. Ke ho rapela-mosali.

Ke moea oo oa Bokatolike oa ts'omo, o rapelang mosali joaloka molimo. Ke ena feela ntho . . . E lutse hantle feela, ana ha e bone malulo ao?

²¹⁹ Ha ho letho leo Molimo o neng o ka le neha monna le letle ho feta mofumahali, mofumahali oa sebele. Empa ha a fumana ntho efe fetang eo, o—o tsoile tseleng. Ho joalo hantle. Molimo ha o a rerela basali ho sebetsa libakeng life tsena le ho etsa lintho tse kang tseo. Basali bana, o a . . . ba tlameha ho ba le bana le ho holisa bana ba bona. Kaofela ha bona ke barerinyana, e mong le e mong oa bona, empa boruti ba bona bona bo lapeng le bana ba bona, ho holisa bana ba bona. Ho lokile.

²²⁰ Joale, meea e 'meli, e bapileng. Joaloka Eva feela, e batla e . . . Hobaneng, Satane, o itse, "Molimo o itse . . ."

"Uh-hum."

"Molimo o itse . . ."

"Uh-hum, ke hantle."

"Molimo o itse . . ."

"Uh-huh."

²²¹ "Molimo o boletse, empa, oh, ruri ha O ka ke oa re ahlolela ho kolobetsa ka lebitso, 'Ntate, Mora, Moea o Halalelang.' Na hoo ho ke ke ha itokela le hona?" Moikaketsi tooe ea nyekenyehang! E, monghali. Molimo ha o eso *rialo*!

²²² Ha ho ntho e joalo, le hona. E shoele! Ha ho ntho e joalo! Mpolelle moo lebitso la "Ntate, Mora, le Moea o Halalelang" le leng teng. Ha ho lebitso le joalo, ka hona e shoele! Ebe e tsoa kae? Kahara *Sarda*, "shoele" kereke. Ha ho ntho e joalo! "U na le lebitso la hobane u a 'phela, 'me u ipitsa 'kereke ea Bokreste,' athe u shoele!" Ke hantle, ha ho ntho e joaloka lebitso la "Ntate, Mora, Moea o Halalelang."

"Oh, be, ana seo se ke ke sa itokela hakaalo?"

²²³ 'Me se ke ke, Pauluse o itse se ke ke; ho re, "Na le amohetse Moea o Halalelang ho tloha le lumetse?"

"Ha re tsebe hore ho na le . . ."

²²⁴ A re, "Athe le kolobelitsoe joang?" Ho re, "Tloong le kolobetsoe hape ka Lebitso la Jesu Kreste!" A re, "Ekareha lengeloi le tsoang Leholidmong, le ruta taba esele, le rohakoe!"

²²⁵ Ke 'Nete! Ke jere boikarabelo ba ho E bolela feela. Le a utloisia, hakaalo ha se lona, ke omanya ba liteiping tsena, le a bona, hobane ke tseba moo e eang teng (hohle), 'me ke seo e leng sona. Ho lokile. Ha se . . .

²²⁶ Eva o thetsitsoe, o bone sekoto sa Lentsoe. Moabe o thetsitsoe. Moroetsana ea robetseng o thetsitsoe. Kereke e thetsitsoe. Mekhatlo ea malumeli e thetsitsoe. Le a bona?

²²⁷ Lula le Lentsoe! Ke eona feela tsela. Lula hantle le Lona, u se ke oa sutha ho Lona. Lula le Lona hantle, tsoelapele hantle le seo Molimo o se boletseng ho etsoa. Ho sa tsotelehe seo motho a se buang, tiisetsa mela ea Molimo.

²²⁸ Joale, moroetsana ea robetseng, o lahlehetsoe ke sebaka sa hae, re tseba seo. O lhaha holimo kahlolong. 'Me haeba a kile a utloa 'Nete, o ahlotsoe. Ke hantle. Ha u ke u fumana Jesu nqa efe haese moo u Mo sieang teng.

²²⁹ Judase o ne a ka nyoloha... Hopolang! “Baroetsana ba robetseng” u re, ‘na ba ka bululeoa ke diabolose?’” Ka sebele! “A ntse a phela bohloeki?” E, monghali. Judase o entse joalo; a pholositsoe, a halalelitsoe, o rerile pholiso ea Khalalelo, a leleka batemona. Khele, o tsepame hantle tsoe, o batla a ts’oana le ba bang bohle. Empa mohla Pentekosta, ke moo a itsupileng mebala. Ha a amohela Moea o Halalelang, a reteleha ‘me a latola Morena Jesu. Ke hantle seo likereke li se entseng. Ha ho fihloa Lehlohonolong la Pentekosta, ba Le furaletse. Oh, ana ha le bone, lona tlelase?

²³⁰ Oh, joale bosiung bona Lejoehloro le leholo. Empa motsotso feela, ke kholoa re sa na le nakoana mona, ke rata ho finyella nthoana e ’ngoe. Ke batla ho sh...lona e—e letšao la sebata. Letšao la sebata, ha re nkeng Tšenolo 13, motsotso feela. Tšenolo 13:15, le ho bala feela seo e...seo a tl Lang ho se etsa. Tšenolo 13:15:

'Me sa fuoa matla a ho kenya phefumolo
setšoantšong... (joale, ke ho re, “ho likereke tsa
Protestanta, likereke tsa Protestanta.”)

²³¹ O ne a na le matla, hobane ba entse setšoantšo: likereke tsa Protestanta. Ka—ka Lekhotla la Likereke, le etsa sebaka moo botsoalle bohole ba Maprotestanta bo tl Lang ho tlameha ho kopana teng. Ba ba kae ba tsebang kapa ba balileng ka moaho o moholo oa Kopano bakeng sa likereke tsa lefatše? Ehlide. Le a bona? Holimo ho...holimo mane joale, ntho e joaloka U.N. lichaba. 'Me ba mono kaofela, e mong le e mong oa bona, esita le ho fihlela ho Assemblies of God. Ba teng mono! Ba teng mono, le a bona. Ke ntja-eja-ntja. “Joaloka kolobe seretseng, le ntja mahlatseng a eona,” ho khutlela hantle morao nthong eona eo (Ruri!), ba tla ba hanela kemo ea bona ea boevangeli. 'Me ke moo, ho batla boholo, ho batla ho ipapisa le lefatše lohole, joaloka Iseraele ha a entse mohla ba boneng likhosí ‘me ba re “re etsetse khosi.” Le a bona?

'Me a... ho etsa setšoantšo nqa sebata, 'me setšoantšo
se tsebe ho bua, se etse... le hore bohole ba khumamele
setšoantšo sa sebata... .

²³² Setšoantšo sa sebata, “Bolumeli ba Boprotestanta,” e seng Katolike. Eo A buang ka eona mona ke Amerika, le a bona, hobane khaolo ena ea 13 e maloka le Moamerika, sebata se nyolohileng se tsoa... Le a bona, libata tse ling tsohle li tsoile

metsing, a bolelang “bongata le matšoele a batho.” Empa sebata mona, se hlaho se tšoana le konyana, se tsoa mobung moo ho seng batho; se e na le linaka tse peli, ‘me sa bua joaloka drakone. ‘Me ba etsa setšoantšo sa sebata se neng se le ‘Yropa, ‘me ba etsa setšoantšo sena ka mona. A cons... ho teanya likereke ‘moho le ho bopa setsoalle sena sa Protestanta, eaba ba qobella likereke tse ling kaofela, hore ba se ke ba tseba ho reka kapa ho rekisa kapa haeba ba sa betla setšoantšo sena sa sebata.

²³³ Joale shebang se etsahalang mona:

‘Me sa baka bohle, ‘moho... baholo, ba ruileng... ba futsanehileng, ba sa ruuoang... ba ruiloeng, ba amohele letšoao letsohong le letona la bona, leha e le phatleng ea bona:

Le hore ho se be motho ea ka tsebang ho reka leha e le ho rekisa ho fihlela a...na le letšoao, kapa lebitso la sebata, kapa palo ea lebitso la sona.

Ke moo bohlale bo leng teng. Ea nang hlalefileng a bale lipalo tsa sebata: hobane ke... palo ea motho; palo ea sona ke Makholo a tšeletseng a mashome a tšeletseng a metso e tšeletseng. (Re a tseba hore ke mang eo; ke bolaoli ba Roma: mopapa.)

²³⁴ Nkile ka fihla teng ka e bona ka namana, ke tle ke tsebe, holima tulo ea hae (terone ea hae, ka mokhoa oa teng) joaloka ha ba ile ba hloma Boniface oa pele holimo, oa III, holimo qalong ea mongoaha oa Katolike *mona*. ‘Me holimo mono ke *Vicariis Filii Dei*, e bolelang “lenqosa la Mora Molimo.” *Dei, Dei*, “Bomolimo,” le a bona. Le a bona, “Lenqosa la Mora Molimo.” Ka mantsoe a mang, “Joaloka Mora Molimo o lutse mona lefatšeng,” le a bona, “matla ohle a ho fetola Bibele,” ho fetola eng kapa eng eo a e batlang. Ka hona, “E reng ‘Ahe Maria’!” Mopapa o reng? “Re tla re ‘Ahe Maria’!” Ke phetho. Uh-huh, uh-hum. “Be, re tla etsa *hore-le-hore*.” Seo mopapa a se bolelang, ke phetho, ke ho fela. “Lenqosa le sebakeng sa Mora Molimo.”

²³⁵ Maobeng ba chetile tšomo e reng “Maria ha a epeloa,” (*Me ba tšoatile lebitla la hae le ntho eohle moo a epetsoeng teng.*) ho re, “Che, o ile a phaphama hape a tsosoa.” Mopapa o itse, “Ke phetho!” ‘me ke ho fela. “Ha e fanye, le a bona,” ho itsoalo ke mopapa. Le a bona, “Lenqosa la Mora Molimo.”

²³⁶ Le ho re, “Joale, motho ea batlang ho tseba hore sebata ke mang, moo matla ana a tsoang teng,” E itse, “a bale lipalo mono ‘me ea nang le bohlale...” Mono, ke e ‘ngoe ea lineo tsa Moea o Halalelang, ke bohlale. Le a bona? Ea nang le bohlale a bale lipalo tsa motho, hobane ke... a bale lipalo tsa sebata, hobane ke palo ea motho, ‘me palo ea hae ke makholo a tšeletseng a mashome a metso e tšeletseng. Joale, u nka... le ho peleta lebitso leo, V-i-c-o, le—le ho latela mantsoe ao feela, ‘me u thale mola tlase mona le... kapa u kopanye dinumerale tsa Seroma, ‘me

mona u tla fumana makholo a tšeletseng a mashome a tšeletseng a metso e tšeletseng. Ke hantle.

²³⁷ “Me joale ha re etseng setšoantšo sa sebata seo.” ’Me koana naheng ena ba entse setšoantšo: konfederasi ea malumeli a kopaneng, Banikola ba kopana ’me ba iketsetsa bolumeli ba bona. ’Me qetellong ho tla kopanngoa boena bona bara ba motho, ho sa kenoe joaloka Katolike, empa e tla ba boena ba bara ba motho ho leka ho falatsa Bokomonisi.

²³⁸ ’Me Bibebe e boletse Molimo o hlahisitse Bokomonisi ho iphetetsa ho lichaba ka seo ba se entseng bana ba Molimo. Ke hantle haholo. A re, “’Me ba—ba—ba nehela sebata matla a bona le sohle sebaka sa hora e le ’ngoe, le ho iphetetsa ho batho, e leng... ka baka la mali ao ba a tšolotseng.” ’Me mohla bomo ea athomo kapa eng feela e tla ripitla Motse Vatican, ’me bolaoli ba Roma ha bo sa tla fumaneloa sebaka, E itse, “’Me ke ho oona ho fumanoeng mali a mosoelatumelo e mong le e mong ea kileng a bolaao lefatšeng.” ’Me ke eo. ’Me setšoantšo sa eona ke sena, konfederasi ea likereke.

²³⁹ Ho se ho se ho kae re tla tlameha ho koala menyako eo koana, ke hantle, kapa ebe ho amohela letšaoa la malumeli. ’Me re tla koala menyako, ke hantle, re tla... re tseba hantle ho feta moo.

²⁴⁰ Joale, joale, ke a batla, sekotong se hatikelang fatše, pele re tsamaea metsotsong e ’maloa e latelang. Joale, *tiiso* ea Molimo ke “Moea o Halalelang.” Bohle ba tseba seo, na ha le joalo? Ho lokile, bohle re tseba seo, hore *tiiso* ea Molimo ke Moea o Halalelang. Joale e fumanoa... Ak'o nke Tšenolo 9–9:1 ho isa ho 4, u tla ba fumana bohole ba tlapisitsoe *tiiso* liphatleng tsa bona. Bakorinthe ba Pele 1:22, Pauluse o itse, “E leng Oona o re tšoaileng ka Moea o Halalelang oa Oona ho fihlela letsatsi leo...” Baefese 4:30, e re, “Le se ke la soabisa Moea O Halalelang,” leo ke Lengeloi le fihlang le ba *tiisa* liphatleng. Joale, ha e bolele hore uena... O a tšoara ’me o tlapisa nyao holimo mono; phatla ea hau ke tšenolo ea hau, le a bona, ’me letsoho la hau ke seo u se etsang ka eona. Le a bona, ke tlapiso ea moea. Le a bona? Ha a nke setempe se seholo a ntoo u tempa *joalo*. Oho, che.

²⁴¹ Joaloka mona lilemong tse ’maloa tse fetileng ho boletsoe, mohla N.R.A. e ne e hlaha, e ne e le *sena*, *sane* kapa... Le se ke la sheba seo, se se se le teng. Bibebe e re e qala morao mane, e se e tla fela joale. Le a bona? Ke hantle.

²⁴² Empa O ile a tšoaea ba Tiisitsoeng. Le a bona? Joale, ebe—ebe *tiiso* ea pele e ne e le joang, e ne e shebahala joang? Ba ne ba tlatsitsoe ka Moea o Halalelang, ke hantle, mesebetsi ea bona e le mesebetsi ea Kreste. Ba Bea bakuli matsoho ’me ba fola, ba entse mehlolo le meeka ea mefuta eohle. ’Me liphatleng tsa bona, ho tšoailoe ka tšenolo e reng E ne e le Mora oa Molimo, ’me ba ne—ba ne ba sebetsa le Eena (e—e Bomolimo ba Kreste), ke leo letšoao.

²⁴³ U re, “Be, joale, Ke motho oa boraro, kapa oa bobeli moth- . . .” Ha u eso tiisoe le joale, ka hona feela—feela E tlohele. U a bona, u se u le kantle, o hlakotsoe pampiring mono, ntho e joalo ha e fumanoe Bibeleng. “Re hlohonolofatsa . . . Re lumela botrintase bo halalelang.” U koana . . . Ha u le holima pampiri hona joale, u a bona, ntho e bitsoang *botrintase* ha e boleloe ka Bibeleng. Fumana lentsoe *botrintase* ka Bibeleng ‘me u tle.

²⁴⁴ [Sekheo lebanteng—Mong]. . . ? . . . ho Mora, ho bitsoa bomora; joale O ka ho lona, kolobetso ea Moea o Halalelang; Molimo o tšoanang. Moea o Halalelang e ne e le Ntate oa Jesu Kreste. “Ho se ho se ho kae ‘me lefatše ha le sa tla Mpona,” Jesu o itsalo, “Ke tsoa ho Molimo, ‘me Ke khutlela ho Molimo (Moea o Halalelang hape). ‘Me Ke tla ba le lona, le ka ho lona, ho isa bofelong (qetellong). Tsela eohle ho theosa, Ke tla sebetsa ka lona joaloka moo . . . ‘Me mesebetsi eo Ke e etsang le tla e etsa le lona. Lintho tseo esale Ke li etsa li tla khema ‘moho hantle, e tla ba sesupo sa molumeli tsela eohle. E-eang le bolele, le ba kolobetse ka Lebitso la Morena Jesu, ‘me ba tla tlatsoa ka Moea oa Ka; ‘me haeba ba le joalo, mehlolo ena e tla tsamaea le ba lumelang, ho isa bofelong ba lefatše. Ke na le lona kamehla, le ho isa bofelong ba lefatše.” O ile a nkeloa holimo Khanyeng. Ke eona, ‘me re lebelletse hore O tla tla ka tsatsi le leng. Joale, eo ke tiiso ea Molimo, re tseba seo.

²⁴⁵ ‘Me le hopole, ho na le likete tse lekholo le mashome a mane a metso e mene feela tsa Bajude ba tšoailoeng, e leng masala a Bajuda a neng a setse. Empa tabeng ena, ho Monyaluo a Molichaba, ho Monyaluo a Molichaba, ho ne ho le mashome a likete atisa ka likete, a bao ba tiisitsoeng ka mono, hobane ke bona bashoela-tumelo le lintho tse theohang ka mengoaha mono; ba tla hlaha ka letsatsi la kahlolo.

²⁴⁶ Le nahana ho tla etsahalang ha maoto ao a borase a kahlolo a ema mono ka letsatsi leo ‘me bashoela-tumelo bao ba ema holimo mono pel’ a bona Baroma (ha re re Banikola bao morao mane ba ba chesitseng mabatameng ‘me ba liheloa mameneng a litau le lintho tse joalo), ‘me ba eme mono joaloka ‘muelli oa bona kahara baa- . . . lebokoseng la moifo oa baahloli mona? ‘Me Moahloli a lutse mono setulong, “Na u ba boleletse Evangeli?”

“Ke tiisitse bophelo ba ka koana molomong oa tau bakeng sa bona.”

²⁴⁷ Oh, moena! Le bua ka “tlohang ho ‘Na,” lihele e tla ba monyaka ho bona hle! Ke hantle haholo.

²⁴⁸ “Tiisa. Ke tseba ba ipitsang . . . (Banikola), ba ipitsa ‘ba tletseng-Moea’ athe ha ba joalo.” Mono, le a bona, ke moo. Oh! Ho tla hora e kakang, nako e nyarosang hakakang. Molimo o tla iphetetsa! “Ke tla iphetetsa,” ho itsoalo ke Morena, “Ke tla phetetsa!” ‘Me ketso efe e khopo e tla bona toka . . . Sohle seo u kileng oa se etsa kapa ua se nahana bophelong ba hau se tla

baloa khahlano le uena mono, holima limakenete tse kholo li qhaulitse mohopolo ka mong o mobe o fetileng kelellong ea hau. Bakang, bana!

²⁴⁹ Mokhoa oa ho e phema o mong feela, kena ka ho Kreste, 'me ha u kena lephakong la Hae le ratehang la maqeba a mahlano mono, maqeba a mahlano a bohloko 'meleng oa Hae, ha u bona mali a fophang ao u ipata teng, ho re, "Lefika la Mengoaha, ha ke a loka. Mpate, Lefika la Mengoaha." Utloa Moea o Halalelang o theko e bohloko, u shoe feela 'me u fofele kahara 'mele oa Kreste; tsoha, tsohela linthong tse ncha, u potiloe ke lefatše le lecha. Libe tseo u kileng oa li rata li setse kamora hau. Oh, ha ho letho hosasa, ha ho letho la joale, lefu, ha ho letho le tlang ho u arohanya le Seo. U tiisitsoe ho fihlela letsatsi la topollo ea hau, ke Moea o Halalelang. U fumane tšenolo ea hore Ke Mang. U tseba pelong ea hau u tlohile lefung ho kena Bophelong.

²⁵⁰ Hlokomba mesebetsi ea hau ka matsoho a hau ke hona, le a bona. Ha u sa utsoa, ha u sa etsa bobe. Matsoho a hau a hloekile maling ohle. 'Me u eme, ho bolela Evangel, ho bua se lokileng, ho phela se nepahetseng, le ho etsa se nepahetseng, 'me Moea o Halalelang u na le uena ho hlakisa mehlolo le meeka letsatsi ka leng; Molimo o u tsebisa kamoo u leng, "U ngoana ka ea bokoang 'me Ke na le uena, Ke—Ke na le uena hantle. Ho sa tsotelehe moo u leng teng, Ke na le uena. Ke tla haola le uena lihoren tse lefifi le hohle." Oh, e—e Ankora e kakang eo!

Ke ankorile moea oa me koung ea Phomolo,
Ho se hlore ke sessa maoatleng a befileng;
Oh, leha lifefo li ka feta holima maliba a hlahla,
a tebileng,
Empa ho Jesu ke bolokiloe kamehla.

²⁵¹ Esita le mohla lefu le tlang le bina ka le leng la matsatsi ana, 'me le fofa joaloka notši le potoloha hlooho ea hau joalo, u ka re, "Oho lefu, tsenene ea hau e kae?"

²⁵² Joaloka ha mothoana Sarah a ngotse hoseng ho hong, ngoanana oa ka ea lutseng morao mola. A ntse a ngola lintlha, eena le mothoana oa Moena Collins, ke a kholoa, ka seo ke neng ke tla se bua. Eaba ke ntse ke bala pampiri, 'na le 'mae, 'me a re, "Buka ea lihlanamiso." Amen. A re . . . 'Me le tseba palenyana ea lefu eo ke e phethileng qetellong, le a tseba. Le e utloile, *ha le na tsenene*. Le ne le le teng mohla e phethioang? Le a bona, lefu le kile la kokosa tsenene, empa mohla . . .

²⁵³ Satane o ne a sa kholoa hoba Monna eo e ne e le Mora Molimo kapa che. U ka 'mona ha a eme mono ha . . . Satane a Mo atamela a re, "Be, ha U ka etsa mehlolo, ha U le mothaka ea etsang mehlolo, U le Mora eo oa Molimo. Ke tla U bolella, ho ngoliloe Bibeleng, u a bona, ho thoe . . . 'Me—'me haeba—haeba U le teng mona, e re ke U bone o etsa mohlolo. Joale, U lapile, ha U eso ho je ka matsatsi a mashome a mane, hobaneng U sa nke lejoe leo

oa le fetola bohobe oa lula fatše oa ja? E re ke U bone u e etsa 'me ke lumele hoba U Mora Molimo."

²⁵⁴ Ho re, "Motho a ka se phele ke bohobe feela, empa le ka Lentsoe le leng le leng." Oh, khili! O tsebile a sa kopana le Moshe mono, na o entse? Moshe o ile a lahlela melao a e pshatla; empa o tsebile o thule le ea fetisang Moshe.

²⁵⁵ Eaba o Mo nkela holimo, 'me a re, "Na u bona mebuso eohle ea lefatše? United States ke eo, Great Britain ke eo, e tla hahuoa eohle mona lilemong tse tleng." A re, "O mong le o mong e tla ba oa ka, U tseba seo." (Ke eena ea ba busang.) A re, "Ke ea ka 'me ke tla etsa ka eona, ke ba romela ho loana, ke etsa borata ka eona. Ke ea ka." A re, "Ke tla U neha eona ha U ka nkhumamela feela."

²⁵⁶ A re, "Tloha ho 'Na, Satane." O tsebile hoba E tla ba mojalefa oa eona, qetellong, ka hona A re, "Tloha ho 'Na, Satane."

²⁵⁷ Qetellong ba Mo theoletse mono tsatsi le leng, ba—ba nka lesela ba Mo koahela ka mokhoa *ona*, ke a kholoa sek'hafo sa khale se litšila, le ho nka... a se thatela hloohong ea Hae. A lutse mono, a lutla mali a utloa bohloko. Hoseng, ho foka moea o batang. Ba se ba Mo shapile, le mali a phalla mahetleng a Hae, ba Mo khurumetsa ka seloana *joalo*; mali a manne mokokotlong oa Hae, a lutse mono, 'me moqhaka oa meutloa o totomelitsoe holima sefahleho sa Hae joalo. 'Me mali, le likhohlela tsa masole, li leketlile hohle sefahlehong sa Hae, a lutse mono. Ana e ne e se tema e haulang eo? (Oho Molimo!)

²⁵⁸ U re, "Be, holane ka ba teng, ke ne ke tla etsa ho hong." Be, hobaneng u sa etse selo ka Eona joale? Hobane ha u fela... U ka be u entse seo u se etsang hona joale.

²⁵⁹ E ne e le Eo, a lutse mono, a songoa a tšoeloa ka mathe. Barutuoa ba chechile, ba re, "Oh, khili, na E ka ba ehlile? Monna eo, Ea neng a ka bitsa monna ea shoeleng lebitleng, ako Mo shebe mono." Empa ha ba ka ba tseba Mangolo. Ke eona taba, le a bona.

²⁶⁰ 'Me ka hona, mali le mathe sefahlehong sa Hae. Ba Mo koahela ka lesela mahlong, ba re, "U a tseba, ho thoe 'O otliroe ka temoho ea moea, le a tseba. Ke moporofeta, O khonne ho bolella batho. O boleletse mosali selibeng ka libe tsa hae. 'Me O boleletse Simone a re lebitso la ntatae ke Jonase, le sohle se amanang le eona.' Ha re boneng haeba A khona, seo A ka se etsang joale."

²⁶¹ Ba re, "Re tla mo leka nakoana." E ne e le diabolosi ea sebetsang bathong bao. Ba Mo khurumetsa mahlo ka lekhasa *joalo*, ba kokosa molamu ba Mo tlera hlooho ka ona, ho re, "Ha U le moporofeta, re bolelle ea U tlerileng." Ha A ka a ahlamisa molomo oa Hae, A mpa a lula mono.

²⁶² Satane a re, "U a tseba e ke ke ea ba eena... e—e ke ea ba Molimo."

²⁶³ Mokhatlo oa khale oa bolumeli o rialo kajeno, “Mphi eo bahalaleli-bathethehi, e ke ke ea ba Molimo.” Empa ha ba tsebe. Ha ba tsebe. “E ke ke ea ba Molimo o etsang lintho tseo, ke ho bala kelello. Ke e—ke linohe.” Ha ba ka ba E fumana, ke phetho.

²⁶⁴ Eba ba hloa—hloa leralla, ba Mo apesa seaparo seo. Tsona feelsa liphahlo tseo A kileng a ba le tsona, ke a kholoa, mohla E ne e le motho, Maria le Maretha ba Mo roketse kojoana; seaparo hohle, se se na moroko. Ba e akhela mokokotlong oa Hae. ’Me mathebana ao a mali a hlahile jaseng ea Hae ha A hloa leralla; a hulana, a hohlisa sefapano fats’e. ’Me ’mejana oa Hae, o tetemang o hulana o ea pele; ba Mo shapa, le ntho eohle, ho Mo qophella ho ea pele joalo. Sefapano sa khale, “kotong-kotong,” ’me mahetla a Hae a hohlehile, ’me O ne a therekesela, ’me A nt oo tsoelapele.

²⁶⁵ ’Me mathebana ao ’na a hola le ho hola, kamora nakoana a bopa lehloelehali le le leng. Satane oa khale a nyoloha, le a tseba, ka sebopoho sa “notši,” *lefu* leo, le a tseba, ho re, “Ah, ah, ah! Hoo? Molimo o ke ke oa etsa joalo.” Ho re, “Ke motho feelsa, O ne a mpa a maneha selo feelsa.” O sa ntse a nahana joalo. “O ntse a maneha selo feelsa, ke tla Mo hlaba feelsa ke hona. Holane E ne e le Molimo A ke ke a shoa. Ka hona ke tla—ke tla Mo hlaba ’me ke bone se hlahang, joalo. Ke tla—ke tla Mo leka.”

²⁶⁶ Ka hona eitse ha a Mo thakhisa sefapanong, a kenya motsu oo ho Eena; empa hoba a etse, a lahleheloa ke motsu oa hae. E ne e le ea fetisang motho, o hlabile Molimo lekhatheng leo!

²⁶⁷ Ke ka hona a itseng, “Oho lefu, . . .” mohla Pauluse . . . Lona—le a tseba, notši, hoba e hlabe e tebisa, ha e khone ho hlaba hape. Notši e felile lekhatheng leo. E ka bobola ea hloliea, empa e—e—e ke ke ea hlaba, hoba ha e sa na motsu. Le lefu ha le sa na motsu. Pauluse, mohla ba mo ahelang kalana ba tla mo poma hlooho, keha lefu le hlaba—. . . le bobola le mo teetse hare, o itse, “Uena lefu, tsenene ea hau e kae?”

²⁶⁸ Lebitla la re, “Ke tla u tšoara, Pauluse. Ke tla u katella seretseng.” (Nkile ka fihla moo ba mo pometseng hlooho ’me ba mo lahlela kahara surisi mono.) Lebitla le itse, “Ke—ke—ke tla putisa ’mele oa hau, ke tla u bolisa u fele.”

²⁶⁹ ’Me o itse, “Oh—oh, oho uena lebitla, ho hlola ha hau ho kae?” Le a bona? “Empa ho lebohuoe Molimo O re fang tlholo ka Morena oa rona Jesu Kreste!” Lefu le lahlehetsoe ke tsenene ea lona ho eena. O itse, “Ke loanne ntoa e molemo, ke qetile sebaka, ke bolokile Tumelo. ’Me ho tloha joale ke boloketsoe moqhaka oa ho loka oo Morena Moahloli oa ho loka a tla mpha ona ka letsatsi lela. E seng ’na feelsa, empa le bohole ba ratang ho hlaha ha Hae.” Amen! “Le ka poma joale ha le batla.” Huh! Oh, ho joalo—ho felile. Ke ona mokhoa, moena. Ke oona—ke oona Moea oa makhonthe Mokreste oo.

²⁷⁰ Joale—joale, haeba u fumana monyetla, u amohela letšoao la sebata joang? Ke rata ho bua sena hobane ke hopola ke tla koala ka ho bua sena. Ebe u amohela letšoao la sebata joang? Na le ka rata ho tseba? Liphetho ke life? Letšoao la sebata ke eng?

²⁷¹ Re tseba seo tiiso ea Molimo e leng sona. Tiiso ea Molimo ke eng? Be, ha re phetleng ho Baefese 4:30, ke moo—ke moo le tla e fumana, u ka ipalla eona moo. Kapa—kapa bang ba lona le ka phetla Tšenolo—Tšenolo 9:1 ho isa ho 4. 'Me e mong, Bakorinthe ba Bobeli 1:22. Libaka li ngata. Mona ke tšoaila a 'maloa. Empa ha re nkeng Baefese 4:30, le ka bona seo tiiso ea Molimo e leng sona; le ana a mang, kapa hohle feela. Qhautsa lentsoe *tiiso* ho patlantsoe ea hau, u le mathise hohle moo u batlang. Ho lokile, Baefese 4:30, mamela sena:

*'Me le se ke la soabisa Moea oa Molimo o halalelang,
oo le tšoaetoeng ho fihlela letsatsi la topollo ea lona ke
oona.*

²⁷² Tiiso ea Molimo ke eng? Moea o Halalelang. Ehlide. Ho lokile, joale, "Ea se nang Moea oa Molimo ha se oa Ka." Ha u na le Moea o Halalelang, u karolo ea Molimo hobane u oa Hae. O a—O u tiisitse mme O ka ho uena, o sebetsa ka ho uena, 'me mats'ao A etsang le uena u a etsa. Joale, na motho e mong le e mong o utloisia seo, lona tlelase? Ho nka Moea o Halalelang ho ba oa Molimo; Moea o Halalelang. 'Me ha u le oa Moea o Halalelang, u etsa mesebetsi e entsoeng ke Jesu. Le a bona? Lerato la hau . . .

²⁷³ Mohla likhohlela li manneng sefahlehong sa Hau 'me ba U shapa joalo, motso oa bokhopo ha o a hlaha. O ile a ba sheba, A re, "Ntate, ba tšoarele hobane ha ba tsebe seo ba se etsang." Le a bona, ba ne ba sa tsebe.

²⁷⁴ Na u ka e nahana? Bana ba Hae ka Sebele ba tsetselela Mali a Hae! 'Mopi oa maholimo le lefatše a felahantsoe sefapanong seo A se entseng ka Sebele, o se melisitse mobung. Le bana ba Hae ka Sebele! (Nahana ka bana ba hau, bontate, bana ba hau ka sebele.) Ho Mo hlabela mokhosi, "Mo tloseng! Re batla Barabase, eo oa mosenyi koana."

²⁷⁵ Oh, e ne e le 'na Barabase eo, ke ne ke lokeloa ke lefu athe O nkile sebaka sa ka. Barabase oa khale o ikutloile joang hoseng ha liqui tsa molaoli enoa li theoha mono, a bula lemati. 'Me Barabase oa khale a re, "Oh, khili! Ho se ho se ho kae ho tla be ho felile ka 'na. Ke 'molai, ke—ke sesenyi. Ba tli'lō mpolaea kajeno, ke a tseba ho joalo. Ke letsatsi la paseka, ka hona ke—ke hlile . . . Kea tseba ke tl'o shoakajeno." Ka tšabo, bosiu bohole, a ntse a likoloha feela joaloka moetsalibe e mong le e mong. Ntho ea pele le a tseba, molebeli ke enoa a fihla. A re, "Oh, oh, ke eo. Ke tlameha ho ea, ke tlameha ho ea." 'Me senotlolo sa ketema 'me sa penyaka.

Molebeli a ema lipasha, "Tsoa, Barabase!"

"Uh-huh, e. E, kea tseba ke a ea, ke a ea."

“Che, u ka ikela oa etsa seo u se batlang.”

“Eng?”

“Tloha u etse seo u se batlang. Tsoa, u lokolohile.”

²⁷⁶ “Ke lokolohile? Khele, le nkahloletse lefu.” Ke hantle, Molimo o ahlolela baetsalibe bohle lefu. “Le nkahloletse lefu, ke lokoloha joang?”

²⁷⁷ “Tloo koano, Barabase. Sheba, ho hloang leralla mane, utloa sefapano seo se hohlang fatše. Utloa lithakhisa ha li totometsoa matsohong a Hae. Mo shebe ha A lla mono, meokho e letsoai le mali li tsoakane sefahlehong sa Hae. O nkile sebaka sa hau, Barabase, O u shoetse.”

“U re O shoele hore ke tle ke lokolohe?”

“E.”

²⁷⁸ “Be, ke hantle, ke tla qala ke bolaea hape.” Oh, motho ea hlokang teboho hakakang; ü lokeloa ke lefu.

Ha ke—ha ke boha Sefapano se setle,
Khosana ea Khanya e shoetse teng,
Botumo bohle ke tahleheloa ea mafeela.

Oh, khili! Ha ho makatse seroki se itse:

Ho phela, O nthatile; ho shoa, O mpholositse;
Kepelong, O isitse libe tsa ka hole;
Tsohong, A lokafatsa ka mehla:
Tsatsi le leng O a tla, oh, tsatsi le khanyang!

²⁷⁹ Nka Mo hanelo joang ha ke bona seo A nketselitseng sona? U ka khona joang le uena? Ke ikemisetsa ho lalehelo ka motsoalle ofe oa ka lefatšeng. Joang, ha ke . . . Nka itokisetsa ho lelekoia ke mekhatlo le ho rahakoa, le sohle se sele. Ha ke sheba koana, athe ke ne ke ahloletsoe lefu, ’me O nkile sebaka sa ka! Ehlile, Morena. Sohle, ke se bala e le lefeela. Nke ke hamarele Sefapano, oho Morena.

Hara mafika a petsohang le libaka tse fifalang
Moloki oa ka A kebisa hlooho ea Hae a shoa,
Lesira le hahotsoeng le senotse tsela
Ea menyaka ea Lehohimo le letsatsi la
bohloleho.

²⁸⁰ Oh, nke ke—nke ke be haufi le Uena, Jesu. U se ke oa nteleka lephakong la Hau le ratehang, ho bona maqeba a Hau a mahlano a fophang mali. Oho Khosana ea Lehohimo, kamoo A shoeleng, ho shoela ’na! Ho shoa hore ke tle ke . . .

²⁸¹ Ea ahlotsoeng . . . a tlamoloe liketane tsa sebe, ka tlung ea chankana ea lihele, ho ahloloa, molato, ho tloha ho ea timetsoa ka mehla le mehla, ’me Motho o nkile sebaka sa ka. ’Me ba ntsoo . . . Ha ke ntse ke lema kantle ke sa le m- . . . ; lilemo li ka ba leshome-robeli, mashome a mabeli, tsatsi le leng Moea o Halalelang . . . Ka re, “Be, ebe ke mang? Ke tsoa kae? Ke ea kae?”

²⁸² A re, “O ile a nka sebaka sa hau, o ne o ea *mane*. O nkile sebaka sa hau, ke eo moo A leng teng.”

²⁸³ Ka re, “Oho Konyana ea Molimo! Konyana ea Molimo, ke a tla! Kea tla! Ke tla ke itlhophere matsoho, ha ke a ts’oara letho ho U nehela, Morena, ke mpa ke hamarela sefapano sa Hau feela; ke phetho seo ke se ts’oereng.” ’Me O ile a nkenya kahare. A nkapesa joaloka ntate ho mora ea lehlasoa, ho nkapesa seaparo se secha, e seng seaparo sa ka, seaparo sa Hae sa ho loka ha Hae O ile a nkapesa sona; le lesale la lenyalo monoaneng oa ka, ke tle ke eme le Monyaluoa ka letsatsi lela. Joale ho hlabiloe namane e nontšitsioeng, ’me re thabile hobane ke na be ke shoele joale ke a phela, Ke na be ke lahlehile joale ke fumanoe.

Mohau o mohlolo! mololi o monate,
O bolokile ea soto joaloka ’na! (Ea fetisang
Barabase ka bokhopo.)

Ke na be ke lahlehile, empa joale ke fumanoe,
Ke na be ke foufetse, empa joale ke a bona.

Mohau o rutile pelō ea me ho tšaba,
Mohau litšabo tsa me oa li imolla;
Mohau o hlahile e le oa bohlokoaa
Mohla ke neng ke lumela!

Hoba re qete keteshome la lilemo,
Ho khanya ka phatsimo ea letsatsi; (Linaleli ha
li sa le teng, Letsatsi.)

Ha re sa tla haelloa ke matsatsi a ho bina
thoriso ea Hae
Ho feta ha re ne re qala. (Re Bosafeleng
mohlang oo.)

²⁸⁴ Oh, ke rata Jesu joang, hoba A nthatile pele. Oh, ho babatseha joang!

Phetlang le ’na joale ho Exoda, na le a batla, khaolo ea 21.

²⁸⁵ Khothatso ea oa Hae “Moea,” re tla bua joale ka mokhoa oa ho amohela . . . Ke le bontšitse, ’me ke le joetsa ka liphetho, “ke eo moo A leng *teng*.”

²⁸⁶ Joale, u amohela joang letšoao la “sebata”? ’Me ke tla u supisa seo kotlo ea hau e leng sona *mono*. Joale, letšoao la sebata, Exoda khaolo ea 21. Re e ntša ho Testamente ea Khale le tle le bone ka mona. Hape kahara Testamente e Ncha ke tšoere Mangolo a mangata mona ao re a tsebang bohle. Joale ha re baleng:

Joale ke tsena litaelo tseo u tläng ho li bea pela bona.

Etlare hobane u reke lona lekhoba la Moheberu,
(Joale, hopolang joale, ke Moheberu, ke molumedi, le a bona.) . . . *lekhoba la Moheberu, le tla u sebeletsa ka lilemo tse tšeletseng: ka sa bosupa le tla tsoa feela le sa lefe letho.*

Ha le ne le tlie ha hau le le 'notši, le tla tloha le le 'notši: haeba a ne a tlie le ena le mosali, le tla tloha le mosali oa lona.

Ha mong'a lona . . . le fa mosali, . . . a le tsoaletse bara kapa barali; mosali le bana bao e tla ba ba mong'a lona, haele eena o tla tloha . . . a 'notši.

²⁸⁷ Ha nka ke ka . . . Ke—ke—ke—ke a tseba nako e tlotsa. Nts'oarele, Moena Neville, empa ke—ke lokela ho tebisa taba ena, moena.

²⁸⁸ Shebang mona. Ha se seo 'mao a leng sona, seo ntatao a leng sona, ke uena! Ha se mosali oa hau, u a bona; mosali oa hae o ne a sa baloe, le bana ba hae ba sa baloe. Ke eena! Ho sa tsotolehe . . . 'Mao ekaba e ne e le mohalaleli, ntatao ekaba e ne e le mohalaleli; le ntate le mme ba Esau ba ne ba le joalo, empa e ne e le mohlakafollela. Le a bona? Empa, eena . . . empa ke taba ea motho ka bomong le *uena*.

²⁸⁹ Ho re, "Ntate ke moreri." Ha e u ame ka letho. "'Mme oa ka ke mosali ea tšabang Molimo. Oh, o Leholidong." Ekaba 'nete, empa ho ka thoeng ka uena? Ke uena!

Ekare ha lekhoba . . .

²⁹⁰ Joale, ke hona mona moo a . . . Joale shebang letšoao lena la sebata joale. Joale, ha ke—ha ke na nako ho khutlela morao ka tatellano, ke metsotso e mashome a mabeli pele. Empa ke batla ho le bolella.

²⁹¹ Joale, eaba ho fihla ho bitsoang selemo se seng le se seng sa bosupa. E ne e le lilemo tse tšeletseng. Ka selemo sa bosupa (baithuti ba Bibele, bareri, le lintho tse lutseng mona, ba tseba 'nete ena.) se ne se bitsoa . . . selemo sa bosupa se ne se bitsoa selemo sa teselo; tsohle li a phomola. Ha ho joaloe lijalo ka selemo sa bosupa, naha e phomotse, tsohle. Ba ne ba khoahlapisa feela, le a bona. Tsohle li phomotse ka selemo sa bosupa. 'Me ka selemo sa bosupa ho be le—le moprista ea letsang terompeta. 'Me motho ha ebile lekhoba, ha ke tsotelle melato ea hae, o ne a lokolohile.

²⁹² Joale, eo ke papiso ea Terompeta ea Evangelii. Ekaba u sebelelitse diabolosi lilemo tsena tsohle, ka mahlaahlela, ho noa, ho tsuba, ho becha, le sebe, lintho tse litšila, ho sa tsotolehe seo u se entseng, empa ha u utloa molumo oa Terompeta ea Evangelii, ke sesupo se reng u ka lokoloha. U ka ikela! "Tumelo e tla ka, [Phutheho e re, "Kutlo."—Mong.] ho utloa, Lentsoe la Molimo." Joale u utloile Evangelii e tletseng, ha u sa tlameha ho lula u le littlamong.

²⁹³ Joale, ha u itulela u re, "Oh, ke ile ka E mamela, empa ha ke a E utloa." Le a bona? Ho lokile, etlaba ha E a etsetsoa uena. Huh—uh. E etselitsoe ba E utloang. Ho lokile, ha u ka utloa.

²⁹⁴ Joale hlokomela seo A se boletseng mona. Joale ho paka sena, joale shebang ka hlоко le khoese mohopolo oa lona joale metsotso e 'meli kapa e meraro e latelang.

Ekare ha lekhoba (Ke monna ea neng a tla—tla lokoloha.) le tiisa le re, Ke rata mong'a ka, . . .

²⁹⁵ “Oh, ke rata ho ea metjekong. Ha ke tele metjeko ea ka ho hang. Ha ke tlohele *sena, sane*, kapa se *seng*, ho hang; mosali oa ka, bana ba ka, lintho tsa lefatše lena tseo ke li ratang. Joale, sheba mona, Moena Brantham, ke tla u bolella, u bolela hore ke tlameha . . . ?” Ha oa tlameha ho khaotsa letho. U kena feela, ke eona e khaotsang. Empa—empa u re, “Be, nke ke ka etsa joalo. Ha ke a tlameha ho etsa joalo, ke setho sa kereke ‘me ke lokile joaloka uena kapa motho e mong le e mong.” Ho lokile, moena. Ho lokile, u utloa seo e leng ’Nete. “Be, joale, mamela mona, na ‘Ntate, Mora, Moea o Halalelang . . . ?” Be, ha u batla ho tsitlallela tsela eo, tsoelapele hantle feela.

²⁹⁶ U utloile seo Terompeta e se letsitseng, ‘me u utloile noto ea Eona. ‘Me Bibele e boletse . . . (Oho Molimo!) Shebang seo! Na mono nke ke ka rala sehlooho hona joale lebaka la hora e latelang? “Ekare ha terompeta e hlahisa molumo o sa tsitsang.” Ekare ha phutheho ea bolumeli ba haeno e re “Ntate, Mora le Moea o Halalelang,” ha e lle joaloka Terompeta. “Ekare ha terompeta e hlahisa molumo o sa tsejoeng, ea tla itokisetsa ntoa ke mang?”

. . . lekhoba le tiisa le re, ke rata mong'a ka, . . .

²⁹⁷ “Ke—ke rata diabolosi eo ea—eo ea nketsisang lintho tsena, ke hantle haholo. ‘Me ha ke nahane . . . Ke nahana kelelloea hau e patisane haholo hodimo mono—mono. Ke nahana u moqotetsane haholo.” Ho lokile. “Ke rata lintho tseo. Ke—ke hopola re tšoanelia ho ba le lintho tsena tse kholo tse *tjena*, ‘me re etse *sena*, lefatše . . . ‘Me re tšoare metjeko, re tšoare bunco kerekeng ea rona, le lintho tse joalo, ‘me bohle re itahe monyakeng, ‘me ba lokile hakalo ka sehlopha sefe seo le nang le sona holimo mono.” Ke botle, hoo ke hantle. Ho lokile.

. . . ‘me nke ke ka tsoa tokolohong ena ea Moea eo u buang ka eona:

Teng mong'a lona (diabolose) o tla le atametsa ho baahloli; hape o tla le atametsa monyako, . . .

²⁹⁸ Hmm! Eng? Monyako ke mang? [Phutheho e re, “Jesu Kreste.”—Mong.] “Ke beile Monyako pela hau.” Letšoao leo la sebata le fihlile neng? Mongoaheng ona moo ho beiloeng Monyako. Lena letš—. . . tšoao ea ho qetela ea sebata.

. . . mo atametsa monyako, kapa ho . . . kosene; (eo ke—ke Kalvari, ho lokile) . . . mong'a lona o tla le phunya tsebe . . . o tla le phunya tsebe ka lemao; ‘me le tla ‘ne le mo sebeletse ka mehla le mehla.

²⁹⁹ “Ebe u bolela’ng, Moena Branham?” Ha u utloa ’Nete ea Evangelu hana ho tsamaea ho Eona, Molimo o u tsoaea tsebe moo u sa tlo hlola u E utloa. U tsetse moeli lipakeng tsa Bophelo le lefu. Ke moo u tlang ho tsoelapele ka mokhatlo oa hau, bolumeli, ohle a hau li...matsatsi, ka ho sa eeng kae. (Tsamaeang Leseling, lona bana, Ke hantle.) U tla sebeletsa mong’ a hau ka mehle.

³⁰⁰ E lumelle... Ha u batle... Le a bona, Terompeta e llile ’me a ka lokoloha, ke mohau oa Molimo. Ke selemo sa jubilee, ho phetheloa. Letsatsi la ho etsa sebe le felile, moena. Ke bolella e mong le e mong oa lona ea sebeletsang sebe (teipi, kapa bamameli ba bonahalang), le a... e mong le e mong ea sebeletsang sebe, letsatsi la sebe le felile! Jesu o shoele, ha u sa tlameha ho sebeletsa sebe hape. Ha u a tlameha ho ikobela litumelo le malumeli. “Eo Mora a mo lokolotseng o lokolotsoe kannete.” Ha u batla ho lokoloha le ho lokoloha ka ho Mora, lokoloha linthong tseo tsohle u sebeletse Eena, tloo!

³⁰¹ Empa ha u sa batle, mokhatlo oa hau, mong’ a hau, mang eo u mo sebeletsang, u tla u tsoaea tsebeng ’me ha u sa tla E utloa le ka mohla. Ha Molimo o fela o bua le pelo ea hau ho “Tla, ena ke nako,” ’me u E hana, joale u amohela letšoao la hae, thatafalitsoe ka nqa ea ’Nete. Ke eo tiiso ea diabolosi, letšoao la sebata. Le a bona? Letšoao la sebata le etsa’ng? Le a tloha le u busetsa hantle Boromeng, mokhoa oa mokhatlo, ’me ha u sa tla kena oa lokoloha; ho sebeletsa seo kamehla. Ke leo letšoao la sebata.

³⁰² Hoo ho thata, metsoalle, ke ho hlabaka, empa ke sona seo... Ha ke a jara boikarabelo ba...haese feela seo Bibele e se bolelang.

³⁰³ Joale, e ne e le papiso ea Testamente ea Khale e neng e bapisa kutlo ea Evangelu ea litaba tse molemo ho re “U lokolohile!” Ha u sa tlameha ho tlangoa, u lokolohile ka botlalo ka ho Kreste Jesu. Libe le lintho li nyametse. Ha u...

³⁰⁴ Lona ba ratang lefatše, Bibele e itsoalo, “Ekare ha u rata lefatše leha e le lintho tsa lefatše, lerato la Molimo ha le eo ka ho uena.” Ke ’nete? Ekare ha u rata lefatše leha e le lintho tsa lefatše, lerato la Molimo ha le eo ho uena. Joale ho ka thoeng ka lintho tsena tsohle tse kholo tse etsahalang lefatšeng kajeno tlasa lebitso la bolumeli? Lintho tsa lefatše! ’Me batho ba e kometsa joaloka kolobe lesakeng la kolobe, le a bona, “Oh, *sena* se lokile. Ha ho letho ka taba *Eo!*” Le a bona, ba tiisitsoe ’me ba tsoailoe tsi. Le a bona?

³⁰⁵ Joale na le utloisia seo masala a Bajuda a leng sona, likete tse lekholo le mashome a mane a metso e mene? Ba lutse teng, ba letile? Hantle mehleng ea hora. Na joale le a bona moroetsana ea leoatla ea ke keng a nka...ea sa kang a nka Oli, ’me o tla tlameha ho tsoha le ho aroloa, ba lokileng le bakhopo ka letsatsi la kahlolo? Na u utloisia hore mohla e—e moroetsana ea leoatla

a qalang a amohela, joaloka hona joale, hore o ne a hloka Sena, eaba o tloha ho ea E batla; e ne e le ka ona motsotso oo Monyali a tlileng?

³⁰⁶ Joale re atametse ha kae? Hona joale! Hona joale nako ea rona e khutšoane feela, ha ke tsebe ho tla ea ha kae hape. Nke ke ka bolela neng, ha ke—ha ke tsebe. Ekaba selemo se seng, ekaba lilemo tse ling tse leshome, lilemo tse mashome a mane, ekaba metsotso e mashome a mane. Ha ke—ha ke tsebe, ha ke khone ho bolela. Empa kea tseba e haufi, e haufi ruri. 'Me Moea oa Morena . . .

³⁰⁷ Joale, nako ea tla eo ka eona, ntho ea pele le a tseba, kereke e tla qala e phola. Joale, ke batho ba ba kae ba—ba lemohileng ho phola ha kereke lilemong tse 'maloa tse fetileng? Ehlide. E kena ho eng? Laodisea. Moo, re tla e thonaka bosiung bona re ntše lengeloi la kereke ea Laodisea, ho e hlahisa mono le tle le e bone, 'me le bone Molaetsa oa hae le seo O tlang ho ba sona, le qetellong ea Mongoaha oa Kereke ea Laodisea mohla e phallang 'me e qhalanelala kahara Bosafeleng mehleng eo.

³⁰⁸ Oh, ke ea Mo rata feela. Lona ha le joalo? E, monghali. Oh, eona . . . Ebe—ebe Tiiso ea Molimo ke eng? Moea o Halalelang. Letšoao la sebata ke eng? Ho Le hana. Tse peli ke tseo. E 'ngoe ke ho bona, le . . .

³⁰⁹ Be, ba . . . 'Me ke ba ba kae lefatšeng ba neng ba sa Le fumana? "Bohle ba sa kang ba tiisoa ba ile ba nka letšoao la sebata." Bohle, ba neng ba se na Moea oa Molimo, ba nkile letšoao la sebata. Tiiso ea Molimo ke Moea o Halalelang. Bibele e boletse joalo. Sebaka se seng le se seng ka Lengolong se bua ka Lona, se re Ke letšoao la Molimo, "tiiso ea Molimo." 'Me bohle ba neng ba se na Lona, e ne e le e ba Le hanang. 'Me ba Le latotse joang? Ka ho hana ho Le utloa. Na ho joalo?

³¹⁰ Joale hopolang, u fumana tumelo joang? "Ka kutlo." Le ile la tšoauoa kae? Letsohong? Che. Hloohong? Che. Tsebeng, le a bona. *Tsebe*, "kutlo." Ebe le entse'ng? Ho chesoa kutlo. "Me lekhale," u re, "ha ke sa tla batla letho la Seo. Ha ke batle letho le amanang le Lona. Ha ke batle letho le amanang le Seo." Ho joalo feela ka bao . . .

³¹¹ Moena Neville, kea—ke—ke tla—ke tla e lesa joalo ho fihlela mohla . . .

³¹² Ke ne ke tlil'o le bolella ka "ha ho kamoo bao ba kileng ba bonesetsoa," le a bona, "ho fihla ho—ho kena 'Musong,'" le a bona. Ho joaloka balumeli ba moeling:

Bona, *ha ho kamoo bao ba kileng ba bonesetsoa*, . . .
entsoe ba filoeng kabelo ho Moea o Halalelang,
 . . . ba latsoa matla *a lefatše—lefatše le tlang*,

*Bao ha ba ka oa, ho inchafaletsa hore ba boele ho bake;
hobane seo ba tla boela ba thakhisetsa ho bona Mora oa
Molimo . . . le ho hlahisa nyeliso.*

*le . . . bala mali a selekane, ao a halalelitsoeng ka ona
e le ntho ea lefeela, . . .*

³¹³ Le a bona, ho Bakhethoa ho etsa joalo, ruri eona, hase ntho e ka etsoang ho hang. O ne a ka sitoa ho e etsa, le a bona. Hobane o ne a ka etsa'ng? Le a bona? "Empa ho bala Mali a Selekan . . ." Joale, le a bona, haeba a khethiloe 'me a le sehlopheng, a ke ke a e etsa. Hase ntho e ka etsoang ho hang.

³¹⁴ Joale, re e nkile, ra e cheka re theohela tlase:

*. . . hoba eona pula . . . e nelang holima lefatšeng
hangata, ho le apesa . . .*

*. . . 'me meutloa le litšehlo tseo . . . li se li ea lahloa;
pheletso ea tsona ke ho chesoa. (Koro e tla isoa Lapeng
Molikong.)*

³¹⁵ Empa pula ena e phelisang e nela mahola le koro 'moho. Bobeli ba bona bo a thaba le maikutlo a tšoanang ha . . . ba thabela ho bona pula e fihla. Empa le tla ba tseba ka litholoana tsa bona, hore na ba fumana litholoana tsa bona tsa lehola kapa litholoana tsa thollo (joale, tsa koro).

³¹⁶ Joale, seo u se etsang ka eona ke sena. Joale ho bontša sebaka sena sa moeli, moo sena . . . Ke leka ho le tlisetra moroetsana enoa, le a bona, ho re le tle—le tle le utloisise. Joale ho molumeli oa moeli, shebang se hlahileng mohla ba fihlang Kadesh-barnea, bana ba Israele. Ke ile ka e isa morao le pele ho Genese, le morao le pele ho Exoda, le hohle feela, ho leka ho le bapisetsa eona, le a bona, hore trelase e se ke ea e fosa.

³¹⁷ Joale, eitseha batho bana ka—ka hara . . . ba lephallong, ba fihla Kadesh-barnea. Kadesh-barnea e ne e le setulo sa kahlolo sa lefatše, mehleng eo. Teng Israele e filoe setulo sa eona sa kahlolo. Ba sa tsoa . . . E ne e le matsatsi a leshome le motso o le mong feela ho tloha thabeng moo ba filoeng melao ba ba ba fihla kahlolong, "leeto la matsatsi a leshome le motso o mong mabapa le leoatle," Bibele e boletse. Leeto la matsatsi a leshome le motso o mong, 'me ba fihla Kadeshe 'me teng ba ahloloa teng. Athé Molimo o ka be o ba tšelisitse, matsatsing a ka bang a mane, ba fihla morao mona lehoatateng mono 'me ba phaila hohle; 'me ba fumana e—e litaelo le lintho tse kang tseo, le ho khutla, le mokhoa, se etsahetseng. Eaba ba tšeela mona . . . 'Me matsatsi a leshome le motso o mong ho tloha moo, ba fihla kahlolong ea bona mane Kadesh-barnea.

³¹⁸ Ha etsahalang? A khetha a le mong lelokong 'me a re, "Tšelang le hloele naha, le ho hloela hoba naha ke ea mofuta ofe." Be, bohole ba tšela ba hloela.

³¹⁹ Ba babeli ba bona ba kena 'me ba kha masihlahali a morara. Oh, lesihlahali la letonana, le hloka ho jaroa ke banna ba babeli.

³²⁰ Joale, ba entseng mohla ba khutlileng 'me ba bone naha? Ba bone e—e—e Baamore le—le—le ba fapaneng ka mono, 'me ba itse, "Khele, ke lifonthoane!" (Bao, ehlile, e ne e le bara ba Kaine ba kileng ba honyella holimo mono naheng eo—eo.) A re, "Bona—bona—bona ke lifonthoane!" Le ho re, "Re a—re a—ha re khone—ho le hapa. Ling tsa—tsa bona—tsa bona—linha tsa bona kaofela li haeelitsoe, ka marako a maholohali a matonana. 'Me, khele, re joaloka mehloenyane, lephakong la bona."

³²¹ Ba ne ba entseng? Khele, ba ne ba—ba ne ba bone lefatše ka botlalo. Ba latsoitse tholoana tsa lona. Le a bona, Kalebe le Joshua ba tsetse ba fumana—ba fumana bopaki ba khutla le bona, ba bo jere mahetleng a bona. Ba latsoitse tholoana! Ke hantle. Ba ne ba eso fihle mono, empa Kalebe le Joshua ba tselela koo, ba khutlisa bopaki. Kalebe le Joshua ba itse, "Re khona ho le hapa!" Le a bona? Khele? Hobane Kalebe le Joshua ba ne ba shebile Lentsoe.

³²² Molimo o itse, "Lefatše ke la lona. Ntho eohle e tletse Baamore le Bahethe le mefuta eohle ea -lites mane, empa" ha thoe "ke la lona. 'Me hohle moo leoto la hau le hatang teng, Ke tla u fa sona." Ke hantle. "Lula u tsoelapele, u a bona, ke la hau."

³²³ Empa ba re, "Oh, che! Re ke ke ra ts'oara tsoselatso e joalo. Oh! Oh, oh, khele, le a tseba ke'ng? Moarekabishopo, kapa mobishopo, kapa bapresbiteri, kapa e mong a ka theoha a re rahela kantle bohole." Huh! Tsoela pele, ke hantle, re tla le hapa.

³²⁴ Joale, eaba ba babeli ba khutlela mono 'me ba re, "Re khona ka ho fetisisa ho le hapa, hobane Molimo o boletse joalo! Ha re eeng re le hape!"

³²⁵ Empa, le a bona, balumeli bana ba moeli, ba nyolohela bohole bo lekaneng ho—ho Le latsoa. "E latsoeha hamonate, e. Empa, oh, re ke ke ra e khona."

³²⁶ Joale, hoo ke'ng? Molumeli ke enoa kajeno. Joale, shebang thaka lena hantle *mona*. Molimo o mo fa pitso. Uh-huh. Ho lokile, joale o a bolokeha. 'Mae o hlatsoetsa holima boto, 'me o mo romela k'holecheng ea mofuta ho fumana thuto ea hae ho rera. Be, o tsoela kantle mane, o sa ntse a nahana a... nako le nako ha a bona basali ba apereng hampe, seo se etsa... se a mo khekhetha; nako le nako ha a—a nkhella lisakerete, ha a khone ho ithiba ho tsuba. O e tseba e le phoso. Ha a batle ho etsa joalo. Kahoo a re, "Morena, nkhalaletse, tlosa nyee eo ho 'na."

³²⁷ Molimo o itse, "Ho lokile, Ke tla u etsetsa joalo, mora, ho e tlosa eohle ho uena."

³²⁸ Bosiung bo bong o thekesella mishoneng o monyenyan kae-kae, 'me o utloa kolobetso ea Moea o Halalelang. Ho re, "Helang!"

³²⁹ O tlohile mohatong oa pele, tokafatso; a ema mohatong oa bobeli, khalaletso; joale o itokiselitse Kolobetso. Le a bona: 'ngoe, peli, tharo. O itokiselitse Kolobetso. Ha a fihla holimo mono, o bala tlase kahara Bibebe, a re, "Ke hantle feela seo ba se entseng. Yaa, ke hantle feela. Kolobetso eo ka Lebitso la Jesu, ke seo ba se entseng. Ke hahtle. A re 'e bale hape,' ka e bala kaofela kahara Bibebe keha a tsepame hantle holima Eona."

"Bishop, o etsang . . ."

"Le letho la bosaoana boo!"

"Oh, ke a bona."

³³⁰ "Ba ne ba fumane Moea o Halalelang, ba bua ka lipuo, ba entse lintho tsena, ba folisa ba kulang. Oh, yaa, ke hantle feela." O ne a shebile koana, le a bona, kahara naha ea moeli.

³³¹ "Oh, hola nka ruta Seo kerekeng ea ka . . . Oh! Ke Mopresbeteriene, Methodise, Bapt- . . . o a tseba. Oh, mobishopo o tla nkharameletsa kantle. Be, re ke ke ra etsa joalo. Re ke ke ra lumella kopano e joalo kerekeng ea rona, e mong le e mong oa bona a ka ema a tsoa."

³³² "Ea seng a kile a bonesetsoa, ea latsoitseng Lineo tsa leholimo, eo ha a ka oa tseleng eo a e nkileng, eo ha a ka oa ho boela a nchafaletsoa pakong hobane o sitetsoe Molimo . . ." Ebe—ebe sebe ke'ng? Ho se lumele! O entse sebe kahlano le Molimo. 'Me o entseng? O balile Selekan, seo a halalelitsoeng ka sona, eka holane E le ntho ea lefeela, ea nyefotseng mesebetsi ea mohau e mo nyoletseng holimo mono. Ha ho sa le sehlabelo se seng sa hae, e se empa e le tebello e tšabehang ea kahlolo e tukang le bohale bo tlang ho ja mohanyetsi. "Hobane phetetso ke ea Ka," ho itsalo ke Morena.

³³³ "Hobane Lentsoe la Molimo le bohale, le matla ho fetisa sabole e leolitsoeng ka nqa tse peli, 'me ke mosenoli oa mehopolo le oa merero ea kelello.' Ke moo, ke moo he. Ha u bona Leseli, tsamaea ho Lona! Tsamaea! Ha u tsebe moo u eang, empa se phetse ho tsamaea. Ho ea Kalvari, ho shalima Kalvari ka phalimeho. Ho tsamaea! Ho tsamaea!

³³⁴ Oho Molimo, ka tsatsi le leng . . . Kereke, e leng papiso ea Henoke. O tsamaile pela Molimo lilemo tse makholo a mahlano. Ho tsamaea! Ho tsamaea Leseling, ka bopaki ba ho re "Sohle seo Molimo o se buileng, o se entse." Ha a ka Mo khopisa. Seo Morena a se laetseng ho etsoa, Henoke o se entse. Joale, e ne e le papiso, le hopole. Areka ke papiso ea Bajuda, ba likete tse lekholo le mashome a mane a metso e mene ba tselisitsoeng, e leng Nohe le sehlopha sa hae; empa Henoke a ea Lapeng pejana ho moroallo. Le tseba seo. Ka hona Henoke a 'na a tsoelapele ho tsamaea Leseling. Eaba letsatsi le leng o utloa maoto a hae a phahama fatše, a tsoelapele ho tsamaea feela, a ba a kena Khanyeng a sa ka a shoa. Ke hantle. Molimo o mo tlositse kahobane a tsamaile

Leseling, ka bopaki bo reng “o tsamaile Leseling la Molimo.” Ho lula a tsamaea, ho tsamaea.

³³⁵ Ha re roaleng lieta tsa rona tsa leeto, Kereke:

Lula o tsamaea Leseling, Leseli le letle,
Le tla ha marotholi a phoka ea mohau;
Re chabele letšeħare le bosiu,
Jesu, Leseli la lefatše.

Ha re se bineng joale:

Re tla tsamaea Leseling, Leseli le letle,
Oh, le tla ha marotholi a phoka ea mohau;
Re chabele letšeħare le bosiu,
Jesu, Leseli la lefatše.

Lona baha’leli bohole ba Leseli le tumisang,
Jesu, Leseli la lefatše;
Joale littleloko tsa Leholimo li tla lla,
Jesu, Leseli la lefatše.

Re tla tsamaea Leseling, Leseli le letle joang,
Oh, le tla ha marotholi a phoka ea mohau;
Re chabele letšeħare le bosiu,
Oh Jesu, Leseli la lefatše.

³³⁶ Ha re inamiseng lihlooho tsa rona, ’me feela—feela motsotso joale. Kea ipotsa ba teng mona ba ratang ho fuoa boiphihlelo ba ho tlatsoa ka Moea o Halalelang, e re, “Nkhopole, Moena Branham. Nkhopole, kereke. Ke batla ho tsamaya Leseling. Ke batla monate oo, motso oa bokhopo o tsoile ho ’na, ke ipatla ke le mohlanka oa Molimo feela.” Phahamisa letsoho, o re, “Nkhopole, oho Morena.” Yaa, matsoho a mashome a mabeli kapa ho feta, a phahame.

³³⁷ Joale lulang le inamise lihlooho re sa binela tlase ’moho:

Oh Jesu, ke Leseli la lefatše.
Re tla tsamaea Leseling lena, ke Leseli le letle hakana,
Le chaba ha marotholi a phoka ea mohau;
Re chabele letšeħare le bosiu,
Jesu, Leseli la lefatše.

Tloong, lona baha’leli ba Leseli, tumisang,
Oho Jesu, Ke Lesedi la lefatshe;
Joale littleloko tsa Leholimo di tla lla,
Oho Jesu, Ke Leseli la lefatše.

Oh, re tla tsamaea Leseling lena, ke Leseli le letle joang,
Le chaba ha mohau o phatsimang;
Re chabele letšeħare le bosiu,
Oho Jesu, ke Leseli la lefatše.

³³⁸ [Moena Branham o qala a binela ka marameng *Jesu*, *Leseli La Lefatše*—Mong.] Morena Jesu, e re ba sa binela sefela sena ka marameng, ba batla ho tsamaea Leseling la Evangel, tšoara lipelo tseo tse theko e thata, Morena. Ke ba Hau, ba hloekise, tlosa bokhopo bohle, fothola ho se lumele hohle, ho kene Jesu Leseli la lefatše. Lisakatuku li robetse mona, Morena, ke tsa bakuli le ba mahlomoleng. Tloo ho bona, Morena Jesu, o ba folisetse ho tsamaea Leseling. Aba sena, Morena.

³³⁹ Re U leboha ka thuto ea rona, ka Boteng ba Moea o Halalelang, o hlotseng le rona mona oa re boloka, lihora, ba lutse mona. Batho ba lutseng ka phaposing ena e chesang, ba letile. Ba lebelletse ba shebeletse le ho ipotsa, Morena. Hobane ba a elelloa, ha ba utloa Lentsoe le baloa, hore re nakong ea qetelo. Ha ho a sala letho, haese bosaoana ba lefatše. Le leng la matsatsi ana boralitšoantšo ba tla tlameha ho fela.

³⁴⁰ 'Me ke a rapela, Molimo, hore U pholose motho e mong le e mong ea ka pel'a Sefahleho se Khethehileng, ba pholose ka Moea oa Hau. Moea o Halalelang o theohele holima e mong le e mong oa bona o tlatse lipelo tsa bona ka molemo le ka khotsa, ba tle ba behe tholoana ea Moea, e leng, tiisetso, mosa, khotsa, mamello, bonolo, tumelo, ho Moea o Halalelang. Aba sena, Morena. Ke tla ba laeletsa Uena hona joale bakeng sa tšebetso ea Hau, ka Lebitso la Jesu Kreste, Mora oa Hau. Amen.

Re tla tsamaea Leseling, . . . (Ha re
phahamiseng matsoho a rona ha re bina.) . . .
Leseli le letle,

Tloo moo phoka e khantšoang ke mohau;
Re chabele letše share le bosiu,
Oho Jesu, ke Leseli la lefatše.

Ke a Mo rata, ke a Mo rata
Hoba A nthatile pele
Le ho lefella poloko ea ka
Fateng sa Kalvari.

³⁴¹ Oh, na ha A babatsehe? Re tla tšoara tšebeletso ea kolobetso metsotsotso e ka bang leshome joale, e leshome le metso e mehlano, kapa eng. Mono . . . Ke kholoa ho e-na le leleiti le tla kolobetsoa mona. Na ho joalo? [Moena Neville o re, "Ho na le ba 'maloa."—Mong.] Ho lokile, ho tlil'o kolobetsoa ba bakae hoseng hona ba sa tl'o khona ho khutlela tšebeletso ea kolobetso phirimana ee? 'Ngoe, peli, tharo, ba bararo ba sitoang ho kena thapama ena kapa pele ho tšebeletso ea phirimana ho kolobetsoa ka Lebitso la Jesu Kreste. Molimo a le hlohonolofatse, lona bana. Ke thabetse ha Molimo o behile ka pel'a lona Monyako o butsoeng. 'Me joale u itokiselitse ho tsamaea kahare, u kena lebitleng, lintho tsohle tsa khale li shoele li patiloe. Joale, le hopole, kolobetso ea hau empa e le ponahatso ea kantle ea ntho e etsahetseng tlase *mona*.

Ka hona re tla tsamaea Leseling lena, (ho itokisa) Leseli le letle,
 Oh, re chebele letšeħare le bosiu,
 Oh Jesu, ke Leseli la lefatše.

³⁴² Oh, setsoalle sena se seholo! Ha le a thaba na? Oho, ke ikutloa ke thabile. Ea ka re ke tsoa nthong, tlasa borashe bona ba mehlaea-khale bo hohlang, 'me u nkutlule feela ka sesepa laye.

³⁴³ Moena oa ka o itse lona bohole ba batlang ho kolobetsoa hoseng hona, le itokise. Lisutu le lintho li tla be li kolobile bosiusg bona, empa ho itoketse haeba u batla ho etsa joalo. Empa ha u ithophile ho kolobetsoa hoseng hona, holokile.

³⁴⁴ Ke lumela re tla tlameha ho phetla ntho ena, ha ho joalo, Moena Neville? Ho lokile, monghali. Joale, ba bakae ba batlang ho sala ba shebella kolobetso? Ho nka metsotso e 'maloa feela, khele, mohlomong ha u eso bone e tsamaiso ea eona. Ha u sa khone ho sala, be, etsa bonneta ba ho khutla bosiusg bona. Empa ekare le ka khona, la lula metsotso e 'maloa ho boha tšebeletso ea kolobetso. Re tla phetla ntho ena 'me ho na le galase e kholo morao mona e bontšang motho e mong le e mong ea kenang. E tla le hlolla, ke khotsoe. Re patoa le Morena ka kolobetso. Amen. Joalokaha le eena A shoele, re patuoe lefung la Hae; tsohela tsohong ea Hae, ho tsamaea ka bophelo bo bocha. Morena a le hlohonolofatse.

³⁴⁵ Ba tsebang thuto eo bosiusg bona ba bakae? Laodisea, oa ho qetela, le sehlohlolo sa Mengoaha ea Kereke.

³⁴⁶ Ho lokile, re tla tšoara tšebeletso ea kolobetso. Teddy, haeba u rata . . .

³⁴⁷ U batla ho kol- . . . ? [Sekheo lebanteng—Mong.] . . . o se a kolobelitsoe. Ba teng ba tlamehang ho ea Chicago hona joale, le a bona.

Ha re rapeleng:

³⁴⁸ Morena Jesu, esale ba lutse ba mametse khabareng ea litšebeletso. Re ba laeletsa Uena joale, Morena, ha ba ea Chicago. E-ea le bona, Morena, e mong le e mong a nke Leseli le babatsehang lena a Le phatlalatse, Morena, hara motse oa Chicago, hohle moo ba eang teng. Eba le bona. Ho fihlela re kopana, meea ea bona e ankoroe ho Uena. Ka Lebitso la Jesu. Amen.

³⁴⁹ [Moena Neville o a porofeta—Mong.] Ha re phahamiseng matsoho a rona re re, "Ke a U leboha, Morena Jesu, ho rorisoe Lebitso la Hau." Ke a U leboha, Morena. Re eelolloa seo, Morena, hore Uena . . . ka letsatsi le leng Moea o kile oa theohela holima monna, ka Bibeleng, eaba o hlahisa sephiri sohle sa Molimo, taba e neng e tla hlah. Ntate, re a tseba hore U sa ntse u le Molimo oo. 'Me ke mona U theohela holima molisa enoa ea ithobileng mona, Morena, hoseng hona, o kile a ba hara Banikola mono; empa U

ile oa mo sisinya; o bone Leseli eaba o a tsoa. 'Me mona pelo ea hae e bulehile hoo U ka buang le eena, ho fihlela a sa tsebe le seo a tlang ho se bua, le ho ema le ho lumella Moea o Halalelang ho haola ho eena ka lentsoe la boprefeta ho rona. Ke a U leboha, Ntate. 'Me ke tla—ke tla shebella Uena bakeng sa lenane la maeto a ka. Amen.

³⁵⁰ [Khaitseli o bua ka leleme le sele. Sekheo lebanteng. Khaitseli e mong o a fetola—Mong.] Amen. Le e tšoere, le entse na? Na le a bona e ne e le eng? Shebang molumo oa lentsoe la mosali eo e mong ea buang, le be le shebe phetolelo ha e khutla ka molumo o tšoanang. Le a bona? Basali ba babeli ba fapaneng ke bao, ke belaela hore ba tsebana kapa che. Ha ba joalo—ha ba tsebane. Oo ke Moea o Halalelang, le be le mamele molumo oa lentsoe. Na ha le elelloe hoba eo ke Kreste mahareng a batho mona? Ke hantle.

³⁵¹ Na u batla ho bala lethoana, Moena Pat? Tsoelapele, u a bona. [Moena Pat o re, "22:16 ea Tšenolo ke bala ka Lebitso la Morena Jesu: Ke 'na Jesu ke romileng lengeloi la ka ho le pakela litaba tseo likerekeng."—Mong.] Amen.

³⁵² Joale, eo ke taba ea moea, boetapele ba Khalalelo. Le a bona, Moea o Halalelang o haola hara phutheho, o tsoela ntle mono, o a bua. Oh, na ha A babatsehe? Ho nahana feela, metsoalle, ke eona ntho eo Bibele e buileng ka eona. 'Me e teng mona kajeno, ha re sa tlameha ho ipotsa ka eona hape. Oh, tloong le Mo amohele, batho baheso ba theko e thata. Tloong, le Mo amohele.

³⁵³ Teddy, re sa ntse re itokisetsa kolobetso, ('me ke rapela Modimo ho lokisa lipelo tsa lona) *Moo A Mpiletsang Ke Tla Latela*.

³⁵⁴ Ana nka le thusa mona baena? Be, le na le—ke tlameha ho khaola limaeke tseo. Uh-hum. [Sekheo lebanteng—Mong.]

³⁵⁵ Ke le hlapantsha ka Molimo o Phelang le ka khotthatso ea Lentsoe la Oona hore le tle le kolobetsoe ka lebitso la Jesu Kreste. Hopolang ke e etsa hobane Bibele e re qophella ho e etsa. 'Me —'me Pauluse o e laetse ho etsoa; 'me ekareha lengeloi le rutile taba ese, le rohakoe. 'Me ke—ke batla ho tumisa taba ena qetellong ea tsela ea ka joaloka ha le eena a entse: Ha ke a ka ka tsoafa ho le tsebisa tšoanelo eohle ea Molimo ka tsebo ea ka, hantle. Mali a motho a se be holim'a rona.

³⁵⁶ Oh, ha le Morate? Oh, ke Mo rata hakakang. Ho lokile, ha re emeng re sa bina sefela sa rona sa ho koaloa. Ho lokile, ho fihlela nakong eo re tla:

Inkele Lebitso la Jesu,
Ngoana oa masoabi le tlokotsi.
Le tla u thabisa le u tšelise,
Le nke hohle moo u eang teng.

Lebitso le ratoang (Lebitso le ratoang), oho le
mona- . . . (Oh le monate),

Tšepo ea lefatše le thabo ea Leholimō.

Lebitso le ratoang (Lebitso le ratoang), oho le
mona- . . . (Oh le monate),

Tšepo ea lefatše le thabo ea . . .

Joale ha re inamisa lihlooho tsa rona re a bina:

Lebitsong la Jesu ba inama,

Ba namalla maotong a Hae,

Khosī'a likhosī Leholimong re tla Mo tlotla,

Ha 'eto la rona le felile . . .



*BAROETSANA BA LESHOME, LE BAJUDA BA LIKE-KHOLO
MASHOME A MANE A METSO E MENE* SST60-1211M
(The Ten Virgins, And The Hundred And Forty-Four Thousand Jews)
THERO LETOTO TSHENOLO EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Tshitwe 11, 1960, mane Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org